

# শ্রীশ্রীপ্রেমভক্তি চন্দ্রিকা

( শ্রীপাদ বিশ্বনাথ চক্রবর্তীকৃত টীকা সমলঙ্কত )

শ্রীল ঠাকুর মহাশয়ের প্রার্থনা  
তদীয় আলেখ্য সহ  
জীবনী

শ্রীকৃষ্ণনামামৃত বধিবক্তা-

চন্দ্রপ্রভাধ্বস্তমোভরায় ।

গৌরাঙ্গদেবানুচরায় তস্মৈ

নমো নমঃ শ্রীল নরোত্তমায় ॥



\* শ্রীশ্রীগৌরানন্দ বিধুর্জয়তি \*

# শ্রীশ্রীপ্রেমভক্তি চক্রিকা



শ্রীপাদ বরোত্তম ঠাকুর মহাশয়ের প্রণীত

শ্রীপাদ বিশ্বনাথ চক্রবর্তিকৃত টীকা তথা

শ্রীল ঠাকুর মহাশয়ের প্রার্থনা ও

তদীয় আলেখ্য সহ

পুত চরিতাবলী

শ্রীহরিভক্তদাস কর্তৃক সম্পাদিত

শ্রীগিরিধারী পাত্র কর্তৃক প্রকাশিত

শ্রীচৈতন্য।ক।—৫০৩

ভিক্ষা—১০.০০

শারদীয় রাসপূর্ণিমা

## প্রাপ্তিস্থান—

- ১। শ্রীহরিভক্তদাস শাস্ত্রী  
কিন্নু বাবু কুঞ্জ, বাগবৃন্দেলা, (কিশোর বনের নিকট)  
বৃন্দাবন, মথুরা (ইউ. পি.)
- ২। মহান্ত শ্রীহরিদাস দাস বাবাজী মহারাজ  
বড় সুরমা কুঞ্জ, পাথর পুরা।
- ৩। শ্রীপ্রিয়াচরণ দাস বাবাজী মহারাজ  
গোবর্দ্ধন অভিরাম গ্রন্থাগার।
- ৪। শ্রীকৃষ্ণগোপাল দাস বাবাজী মহারাজ  
শ্রীরাধাবিনোদ মন্দির, রাধাকুণ্ড।
- ৫। শ্রীনিতাই গোপাল চন্দ  
সিঙ্গাই যমুনা, মেদিনীপুর।
- ৬। মহেশ লাইব্রেরী  
২/৩ শ্যামাচরণ দে ষ্ট্রীট, কলেজ স্কোয়ার, কলিকাতা ১২
- ৭। সংস্কৃত পুস্তক ভাণ্ডার  
৩৮-বিধান সরণী, কলিকাতা ৬।
- ৮। স্বামী রসিকানন্দ বন মহারাজ  
ভজন কুটীর, মদনমোহন ঘেরা।
- ৯। শ্রীচৈতন্য গোড়ীয় মঠ  
মথুরা রোড, বৃন্দাবন।

# নিবেদন

“বদন্তিতত্ত্ব বিদন্তত্ত্ব যজ্ঞ জ্ঞানস্বয়ম্—  
ব্রহ্মৈতি পরমাত্মৈতি ভগবান্নিতি শক্যতে ॥”

জ্ঞানীগণের আনুসন্দের নিৰ্বিশেষ ব্রহ্ম স্বরূপ, যোগীগণের  
দ্যেয় পরমাত্মা স্বরূপ এবং ভক্তগণের সেব্য নিখিল শ্রীভগবৎ  
স্বরূপের মূল আশ্রয়তত্ত্ব এবং ভগবান্ শ্রীকৃষ্ণ। এই শ্রীকৃষ্ণ  
আবার ব্রজস্থলীতেই পূৰ্বতমরূপে বিরাজিত। অখিল রসামৃত  
স্বৃষ্টি ব্রজেন্দ্রনন্দন শ্রীকৃষ্ণ তদীয় স্বরূপশক্তিরূপা ব্রজদেবীগণের  
মুকুটমণি মহাভাব স্বরূপা শ্রীরাধিকার সঙ্গে বিহারেই আনন্দঘন  
অখণ্ড রসবল্লভ অসমোদ্ব মাধুর্য্যশালীরূপে শোভা পাইয়া  
থাকেন। যথা ঋক্ পরিশিষ্টে “রাধয়া মাধবো দেব ইতি।”  
সুতরাং শ্রীরাধা সহ ঐদৃশ লীলারসবিনোদী শ্রীকৃষ্ণের প্রেমসেবাই  
সর্বসাধ্যসার বা পরম পুরুষার্থ। করুণাপারাবার শ্রীকৃষ্ণচৈতন্য-  
মহাপ্রভু এই পরম চূর্ণভ প্রেমসেবায় জীবগণকে অধিকার প্রদা-  
নের নিমিত্ত জগতে রাগানুগাভক্তি প্রচার করিয়াছেন। শ্রীগৌর-  
সুন্দর প্রচারিত এই প্রেমসেবা রীতি ও তৎপ্রাপ্তির উপায়ভূত  
রাগানুগা ভক্তি পরিপাটী এই “প্রেমভক্তি-চন্দ্রিকা” গ্রন্থে বর্ণিত  
হইয়াছেন। এই গ্রন্থের সারমর্ম বুঝিতে হইলে গ্রন্থপ্রতিপাঠ

সাধ্য প্রেমভক্তি ও সাধন রাগানুগাভক্তির পরিচয় জানা আবশ্যিক ভক্তিলক্ষণে বলা হইয়াছে শ্রীকৃষ্ণসুখতাৎপর্য্য ভিন্ন অগ্র যাবতীয় স্বসুখ বাসনার স্বভাব শূন্য হইয়া এবং ভক্তি আবরক নির্ভেদ ব্রহ্মজ্ঞান ও শ্রুতি স্মৃতি বিহিত নিত্যনৈমিত্তিক কৰ্ম্মাদি বিবর্জিত ভাবে শ্রীকৃষ্ণসুখৈক তাৎপর্য্যে কায়মনোবাক্য দ্বারা অনুষ্ঠিত শ্রবণকীর্তনাদি ক্রিয়াসমূহের নাম ভক্তি । ইহাকেই একরূপসিদ্ধা বিশুদ্ধা উত্তমা কেবলা বা অনগ্র্য ভক্তি বলে । এই ভক্তি অবস্থা ভেদে ত্রিবিধ সাধনভক্তি, ভাব ভক্তি ও প্রেমভক্তি । পূর্ব্বোক্ত ভক্তি যখন শ্রবণাদি ইন্দ্রিয় প্রেরণা দ্বারা সাধ্য হইয়া চিত্তশোধন করতঃ ভাবভক্তি আবির্ভাবের কারণ হয়, সেই অবস্থায় ইহাকে সাধনভক্তি বলা হয় । এই সাধনভক্তি বৈধী ও রাগানুগাভেদে দ্বিবিধ । বৈধীভক্তি দ্বারা শ্রীব্রজেন্দ্রনন্দনকে লাভ করা যায় না । রাগানুগাভক্তি দ্বারাই ব্রজেন্দ্রনন্দনের প্রেমসেবা প্রাপ্ত হওয়া যায় । রাগানুগাভক্তির অনুষ্ঠান করিতে করিতে ক্রমশঃ ব্রহ্মজ্ঞান গণে নিত্যসিদ্ধরূপে বিরাজিত প্রেমরূপে সূর্য্যের কিরণ স্থানীয় শুদ্ধসত্ত্ব বিশেষায়ুক যে ভক্তিবিশেষ শ্রীকৃষ্ণ ও তদীয় জনগণের কৃপায় ভক্তহৃদয়ে আবির্ভূত হইয়া থাকেন তাহার নাম ভাবভক্তি । এই ভাবভক্তি আবির্ভূত হইলে স্বভাবতই শ্রীকৃষ্ণ সুখৈক তাৎপর্য্যক অভিলাষাদিতে চিত্ত ভরপুর ও আর্দ্র হইয়া থাকে । এই ভাবভক্তিই গাঢ়তর অবস্থা প্রাপ্ত হইলে তাহাকে প্রেমভক্তি বলা হয় । এই প্রেমভক্তির আবির্ভাবে চিত্ত সম্যক-

রূপে নির্মল ও নিজাভীষ্টে অতিশয় মমতাবুক্ৰ হইয়া থাকে । সাধক প্রেমভক্তি লাভের পর রাগানুগা ভজনোথ উৎকর্ষাশি প্রাপ্তি হইয়া সেই উৎকর্ষানুসারে নিজাভিলষিত ব্রজজনের অনুগতভাবে সিদ্ধদেহ সাক্ষাৎ লাভ করিয়া প্রেমসেবা লাভ করিয়া থাকেন । দাস্য, সখা, বাৎসল্য ও মধুর ভেদে ব্রজপ্রেম চতুর্বিধ, তন্মধ্যে মধুর প্রেমই সর্বোত্তম । সেই মধুর জাতীয় ব্রজপ্রেমেরই অবাস্তুর ভেদ আবার কান্ত্যভাব, সখীভাব ও কিঙ্করীভাব । তন্মধ্যে কৃষ্ণকান্ত্য শিরোমণি মহাভাব স্বরূপিণী শ্রীরাধারাবীর কিঙ্করী উচিত ভাবে যুগলিত শ্রীরাধানাথবের প্রেমসেবা প্রাপ্তিতেই অসমোর্কি মাধুর্য্যরাশি আশ্বাদিত হইয়া থাকে । এই কিঙ্করীভাবময়ী প্রেমভক্তিই পরম করুণ শ্রীগৌরসুন্দর প্রদত্ত সর্বোত্তম সম্পত্তি । শ্রীগৌরসুন্দর এই কিঙ্করী বা মঞ্জরী ভাবোচিত প্রেমবিশেষ লাভের উপায় জগতে প্রচারের নিমিত্ত শ্রীপাদরূপসনাতনকে শক্তি সঞ্চার করিয়া তাঁহাদের দ্বারা বহু গ্রন্থ লিপিবদ্ধ করাইয়া রাখিয়াছেন । শ্রীগৌরসুন্দর কর্তৃক আবির্ভাবিত শ্রীল ঠাকুর মহাশয় তাঁহাদের অনুগত ভাবে ঐ প্রেমভক্তি লাভের উপায়ভূত রাগানুগা ভক্তিরীতি এই প্রেমভক্তি চন্দ্রিকায় বর্ণন করিয়াছেন । সুতরাং শ্রীগৌরসুন্দর প্রদত্ত ঐ প্রেমসম্পত্তি লাভের নিমিত্ত যাহারা লুক্ক, তাঁহাদের পক্ষে এই গ্রন্থখানি কণ্ঠমণিস্বরূপ । শ্রীচৈতন্য প্রেমকল্পতরু শ্রীপাদ ঠাকুর মহাশয়ের গঙ্গানারায়ণ শাখার সুরসাল ফল শ্রীপাদ বিধনাথচক্রবর্তী সংস্কৃত টীকা করিয়া

এই গ্রন্থের ভাব সহজ বোধ্য করিয়াছেন, এজন্য এই টীকাটিও ইহাতে সন্নিবেশিত করা হইয়াছে ।

গ্রন্থ পাঠের পূর্বে সকলে যাহাতে অনায়াসে গ্রন্থকারের পরিচয় প্রাপ্ত হইতে পারেন, তজ্জন্য শ্রীপাদ ঠাকুর মহাশয়ের পরম পবিত্র চরিতাবলীর কিঞ্চিৎ দিগ্‌দর্শন দেওয়া হইতেছে—

পরম করুণ শ্রীকৃষ্ণ চৈতন্য মহাপ্রভু ১৪০৭ শাকে ফাল্গুনী পূর্ণিমায় প্রকট হন । চন্দিয়া বৎসর বয়ঃ প্রকটকালে ১৩৩১ শাকে মাঘ মাসে শুরুপক্ষে সন্ন্যাস গ্রহণ করেন । অতঃপর ছয় বৎসর নীলাচল, দাক্ষিণ্য ও শ্রীবৃন্দাবনে গমনাগমন করেন । নীলাচলে গমন করতঃ প্রথম সার্বভৌম ভট্টাচার্য্যাকে কৃপা করিয়া দক্ষিণদেশে গমন করেন । তথা হইতে নীলাচলে প্রত্যাবর্তনের পর গৌরদেশ হইয়া শ্রীবৃন্দাবনে যাত্রা করেন । এবার প্রভু কানাইর নাটশালা হইতে ফিরিয়া আসেন । এই সময়ে শ্রীকৃষ্ণ সনাতনকে আকর্ষণ করিবার নিমিত্ত শ্রীগৌরসুন্দর শ্রীনিত্যানন্দ ও মুকুন্দাদি পরিকরগণ সহ রামকেলি গমন করেন । ক্রমশঃ লোকভীড় হওয়ায় প্রভু রামকেলিতে অল্পদিন থাকিয়া শ্রীকৃষ্ণ সনাতনকে অনুগ্রহ করতঃ তত্রত্য সকলকে প্রেমবন্যায় নিমজ্জিত করিলেন । এই সময়ে একদিন স্বগণসহ শ্রীমন্ন্যহাপ্রভু মহাসঙ্কীর্ণনে নৃত্যকালে প্রেমোন্মত্ত হইয়া বাৎসল্য পূর্ণনেত্রে শ্রীখেতরি অভিমুখে দৃষ্টি করতঃ 'নরোত্তম' বলিয়া বারম্বার ডাকিতে লাগিলেন । শ্রীনিত্যানন্দ প্রভু, শ্রীহরিদাস ও বক্রেস্বরাদি পার্শ্বদগণ প্রভুর ভাবদর্শনে

প্রেমে পুলকিত হইয়া মনে করিলেন নরোত্তম নামে প্রভুর প্রেম  
 পাত্র কেহ এই দেশে প্রকট হইবেন। প্রভু তদ্বারা বহুকার্য সাধন  
 করিবেন। প্রেমবিলাস গ্রন্থে বর্ণিত আছে—সপরিকর শ্রীগৌর-  
 স্কন্দর রামকেলি হইতে পদ্মাতীরবর্তী গড়ের হাট গমন করিয়া  
 মহাসঙ্কীৰ্তনরঙ্গে প্রেমোন্নত হইয়া নরোত্তম বলিয়া ডাকেন।  
 সপরিকর শ্রীমন্নহাপ্রভুর স্নানকালে মহাপ্রেমবেগে পদ্মায় জল-  
 প্লাবন উপস্থিত হইলে শ্রীনিত্যানন্দপ্রভুর অনুরোধে প্রভু প্রেম  
 বেগ সম্বরণ করিলেন। প্রভু ভাবী নরোত্তমের নিমিত্তই এস্থলে  
 এই প্রেমাবেগ প্রকট করেন। কালক্রমে নরোত্তম আবিভূত  
 হইলে দ্বাদশ বর্ষ বয়ঃ ক্রমকালে পিতামাতা বিবাহ দিতে মনস্থ  
 করিলে নরোত্তমের মনে ভয় হয়। অনন্তরঃ শ্রীনিত্যানন্দ প্রভুর  
 স্বপ্নাদেশে নরোত্তম পদ্মাতে স্নানে যান। নরোত্তমের চরণস্পর্শ-  
 মাত্র পদ্মা পূর্ববৎ উথলিয়া উঠে, ইহা শ্রীগৌরাজ রক্ষিত প্রেমে-  
 রই বেগ। নরোত্তম উহলিত পদ্মাপ্রবাহে অবগাহন মাত্র গৌর-  
 বর্ণ ও গৌর প্রেমোন্নত হইলেন, প্রেমবিলাসে এইরূপ বর্ণন  
 পাওয়া যায়। শ্রীমন্নহাপ্রভু আরও একদিন নীলাচলে শ্রীনিবাস  
 নাম লইয়া ডাকিয়াছিলেন। তাহার কতদিন পরে শ্রীমন্নহাপ্রভুর  
 অপ্রকটের প্রায় পঞ্চদশ বৎসর পূর্বে আনুমানিক ১৪৪০ শাকে  
 বৈশাখী পূর্ণিমায় রোহিণী নক্ষত্রে ভাগীরথী তীরবর্তী শ্রীচাখন্দি  
 গ্রামে প্রভু শ্রীনিবাস আবিভূত হন। পরে যাজিগ্রামে আসেন।  
 শ্রীনিবাসের পিতার নাম গঙ্গাধর ভট্টাচার্য্য, মাতার নাম শ্রীমতী

লক্ষ্মীপ্রিয়া, গঙ্গাধর ভট্টাচার্য্য শ্রীচৈতন্য প্রভুর অশেষ কৃপাপাত্র বলিয়া শ্রীচৈতন্যদাস নামে খ্যাত । শ্রীনিবাস আবির্ভাবের কিয়ৎ কাল পরে খেতরির রাজা শ্রীকৃষ্ণানন্দ দত্তের পত্নী শ্রীনারায়ণীর গর্ভরূপ পূর্ব নৈলে আনুমানিক ১৪৪৫ শাকে মাঘী পূর্ণিমাতে দিবা ছয় দণ্ডের সময় কায়স্থকুল ভাস্কর ঠাকুর শ্রীনরোত্তম আবির্ভূত হন । নরোত্তম দিন দিন বড় হইতে লাগিলে রাজা শ্রীকৃষ্ণানন্দ দত্ত যথাকালে শুভদিনে মহাসমারোহে পুত্রের অন্নপ্রাশন উৎসব আরম্ভ করিলেন । অন্নপ্রাশনকালে দৈবজ্ঞ গণনা করিয়া সর্ব্ব সুলক্ষণ বিশিষ্ট রাজপুত্রের নাম রাখিলেন “নরোত্তম” । মুখে অন্ন দিতে আরম্ভ করিলে নরোত্তম অন্ন না খাইয়া মুখ ফিরাইয়া থাকিলে সকলে চিন্তাশ্রিত হইলেন । দৈবজ্ঞ গণনা করিয়া বলিলেন, এ বালক শ্রীকৃষ্ণ নিবেদিত বস্তু ভিন্ন কদাচ কোন বস্তু ভোজন করিবে না । অতঃপর শ্রীকৃষ্ণ প্রসাদান্ন আনয়ন করিয়া মুখে দেওয়া মাত্র নরোত্তম সহর্ষে ভোজন করিলেন । এই দিন হইতে রাজা কৃষ্ণানন্দ পূর্ব্বসেবিত শ্রীকৃষ্ণ বিগ্রহ সমধিক প্রীতিভরে সেবা করিতে লাগিলেন এবং পুত্রকে শ্রীকৃষ্ণ প্রসাদ ভিন্ন কোন বস্তু যেন কখনও দেওয়া না হয় তাহার সুব্যবস্থা করিলেন । অনন্তর রাজা কৃষ্ণানন্দ দত্ত পঞ্চম বর্ষে পুত্রের চূড়াকরণের পর হাতে খড়ি দিলে নরোত্তম অল্পকাল মধ্যে ব্যাকরণাদি বহু শাস্ত্রে প্রগাঢ় ব্যুৎপত্তি লাভ করিলেন । বালক নরোত্তমকে যিনি যে শাস্ত্র পড়াইলেন, নরোত্তমের কৃপায় তাঁহার সকল সংশয় ভঞ্জন

হইল। নরোত্তমের প্রতিভা দেখিয়া সকলে মনে করিলেন দেবাংশে ইহার জন্ম। সুকুমার রাজকুমার নরোত্তমকে দর্শন করামাত্র সকলে সকল ছুঃখ ভুলিয়া নয়ন জুড়াইতেন এবং রাজাকে প্রশংসা করিতেন। পুত্রকে সর্ব প্রকারে যোগ্য দেখিয়া সহর্ষে বিবাহ দিতে মনস্থ করিলে কণ্ঠা চেষ্টা করিতে বলিলেন। এদিকে নরোত্তম নিভূতে প্রেমাবেশে গলদক্ষ নেত্রে শ্রীকৃষ্ণ আরাধনায় নিমগ্ন থাকেন, মনে বৈবাগ্য বশতঃ রাজ্য ভোগ বার্থী শুনিতোও পারেন না। পিতা মাতা পুত্রের বৈরাগ্যভাব লক্ষ্য করিয়া চিন্তায়ুক্ত হইলেন এবং পুত্রের নিকট সর্বদার জন্ত প্রহরী নিযুক্ত রাখিলেন। বন্দীপ্রায় নরোত্তম কিরূপে গৃহ ছাড়িবেন কোন উপায় না দেখিয়া “হা গোঁরাঙ্গ” বলিয়া দীর্ঘশ্বাস ছাড়েন। “হা নিতাই” বলিয়া ধূলায় বিলুপ্তিত হন এবং সতত প্রার্থনা করেন—“হা প্রভু! গণ সহ কৃপা করিয়া আমায় উদ্ধার কর।”

অনন্তর নরোত্তম শ্রীকৃষ্ণদাস নামে কৃষ্ণপরায়ণ জনৈক প্রাচীন ব্রাহ্মণের নিকট সপরিষ্কর শ্রীমন্মহাপ্রভুর বার্তা প্রতিদিন জিজ্ঞাসা ও শ্রবণ করেন। সেই ব্রাহ্মণ নরোত্তমকে শ্রীমন্মহাপ্রভুর আদি মধ্য ও অন্ত্যলীলা শ্রবণ করাইলেন এবং গদাধর, শ্রীবাস, বক্রেশ্বর, স্বরূপ, সনাতন, শ্রীরূপ গোপালভট্ট, রঘুনাথ ভট্ট, লোকনাথ ও শ্রীজীবাদির বার্তা বলিলেন এবং প্রসঙ্গক্রমে শ্রীনিবাস চরিত্রও শুনাইলেন। শ্রীনিবাস কৈশোর বয়সে শ্রীমন্মহাপ্রভুর দর্শন বাসনায় ১৪৫৫ শাকে নীলাচলে যাত্রা করেন,

কতকদূর গমন করিয়া পথে শ্রীমন্মহাপ্রভুর অপ্রকট বার্তা শ্রবণে মুর্ছিত হইলে স্বপ্নে মহাপ্রভুর আদেশ পাইয়া নীলাচলে গমন করিলেন । তথায় শ্রীগদাধর ও বক্রেশ্বরাদি সকলে শ্রীনিবাসকে শ্রীবৃন্দাবন যাইতে আদেশ করেন । আনুমানিক ১৪৭৮ শাকে শ্রীনিবাস নবদ্বীপ শান্তিপুর ও শ্রীখণ্ড হইয়া বৃন্দাবনে গমন করেন । নরোত্তম এই বার্তা শ্রবণে শ্রীনিবাসের সঙ্কলাভের জ্ঞাত্য সান্তিশয় উৎকণ্ঠিত হইলেন এবং শ্রীমন্মহাপ্রভুর প্রকটবিহার দর্শন না পাওয়ায় তাঁহার হৃদয় বিদীর্ণ হইতে থাকিলে একদিন শ্রীগৌরসুন্দর ভুবনমোহনরূপে নরোত্তমকে দর্শন দিয়া বাৎসল্য পূর্ণ বচনে বলিলেন—হে নরোত্তম ! চিন্তা করিও না শীঘ্র শ্রীবৃন্দাবনে গমন করিয়া আমার প্রিয় লোকনাথের শিষ্য হও । নিদ্রাভঙ্গের পর প্রভুর দর্শন না পাইয়া নরোত্তম মুর্ছিত হইল । অনন্তর প্রভুর ইচ্ছায় পুনরায় নরোত্তম নবদ্বীপে গঙ্গাতীরে সপরি-  
 কর শ্রীগৌরনিত্যানন্দ-অদ্বৈতের বিহার দর্শন করিয়া নয়নজলে সিদ্ধ হইয়া প্রভুর চরণতলে নিপতিত হইলে শ্রীগৌরসুন্দর নরোত্তমের মস্তকে শ্রীচরণ অর্পণ করিলেন এবং বাৎসল্যে নরোত্তমকে ভূতল হইতে উখিত করিয়া শ্রীনিত্যানন্দ অদ্বৈতের হস্তে সমর্পণ করিলেন । নরোত্তম শ্রীনিত্যানন্দ শোভা বারেক দর্শন করিয়া চরণতলে বিলুপ্ত হইয়া পড়িলেন । শ্রীনিত্যানন্দ প্রভু নরোত্ত-  
 মের মস্তকে চরণ ধরিয়া বাহু প্রসারণে আলিঙ্গন করতঃ নরো-  
 ত্তমকে শ্রীগৌরানন্দের অনর্পিতচরী প্রেমসম্পত্তি অর্পণ করিলেন

এবং শ্রীবৃন্দাবনে যাইতে আদেশ দিলেন। এইরূপে শ্রীঅদ্বৈত চরণে নিপতিত হইলে তিনি নরোত্তমকে শ্রীগৌর পাদপদ্মে সমর্পণ করিয়া বৃন্দাবন গমনের আদেশ করিলেন। শ্রীগদাধর শ্রীবাসাদি পরিবরণগণও ঐরূপ অনুমতি করিলেন। অনন্তর নিজাভঙ্গের পর নরোত্তম দেখিলেন রজনী প্রভাত হইয়াছে। এদিকে নরোত্তমের পিতা রাজকার্য্যোপলক্ষ্যে গোড়ে গমন করিয়াছেন এই শুভ মুহূর্ত্ত জানিয়া কোন ছলে জননীর নিকট হইতে বিদায় লইলেন, প্রহরীকে বঞ্চনা করিয়া লোকভয়ে বনপথে ছদ্মবেশে শ্রীবৃন্দাবন যাত্রা করিলেন। পঞ্চদশ দিবসের রাস্তা অতিক্রমে কিছু নিশ্চিন্ত হইলেন। অতঃপর রাজপথ ধরিয়া ক্রমশ মথুরা মণ্ডলে প্রবেশ করতঃ বিশ্রামঘাটে উপস্থিত হইলেন। তত্রতা জনৈক বৈষ্ণব ব্রাহ্মণের নিকট শ্রীবৃন্দাবনের তথা শ্রীরূপ সনাতনের অন্তর্ধানের বার্তা শ্রবণে হা শ্রীরূপ হা শ্রীসনাতন বলিয়া ধূল্য বিলুপ্ত হইতে লাগিলেন। স্বপ্নচ্ছলে শ্রীরূপ সনাতন রঘুনাথভট্ট প্রভৃতি নরোত্তমকে দর্শন ও আলিঙ্গন দানে অন্তর্হিত হইলেন। এদিকে শ্রীরূপ স্বপ্নে শ্রীজীব ও শ্রীনিবাসকে নরোত্তমের আগমন বার্তা জানাইলেন। নরোত্তম প্রথমতঃ শ্রীবৃন্দাবনে শ্রীগোবিন্দ মন্দিরে উপস্থিত হইয়া প্রেমাবেশে শ্রীগোবিন্দ দর্শন করিতেছেন এমন সময়ে শ্রীজীব ও শ্রীনিবাস তথায় উপস্থিত হইলেন। তখন শ্রীজীব নরোত্তমকে লইয়া শ্রীলোকনাথ গোস্বামীর নিকট আসিলেন। নরোত্তম

প্রভু লোকনাথের চরণতলে নিপতিত হইলেন । শ্রীলোকনাথ গোস্বামী শ্রীমন্নহাপ্রভুর আবির্ভাবের কিঞ্চিৎ পরে যশোহর জেলার অন্তর্গত তালপাড়িয়া গ্রামে আবির্ভূত হন । ইহার পিতা শ্রীপদ্মনাভ চক্রবর্তী মাতার নাম সীতাদেবী । ইহার শ্রীঅর্ঘ্যেত প্রভুর কৃপাপাত্র, শ্রীলোকনাথ জন্মমাত্রেই শ্রীগৌরচরণে আত্মসমর্পণ করেন । পিতামাতা বিয়োগের পরেই ব্যাকুল হইয়া শ্রীনবদ্বীপে আসিয়া শ্রীগৌরচরণে আত্মসমর্পণ করিলে প্রভু সন্ন্যাস গ্রহণের অব্যবহিত পূর্বে লোকনাথকে শ্রীবৃন্দাবনে প্রেরণ করেন । লোকনাথ গোস্বামী “কথোদিন পরে এক নৃপতি নন্দন ॥ হইবে তোমার শিষ্য নাম নরোত্তম ॥” মহাপ্রভুর এই আদেশ স্মরণে বাৎসল্যে বিভোর হইয়া নরোত্তমের মস্তকে চরণ অর্পণ করিলেন । শ্রীরাধাবিনোদ দর্শনের পর শ্রীজীব নরোত্তমকে লইয়া শ্রীগোপালভট্টের নিকট আসিলে নরোত্তম ভট্টগোস্বামীর চরণতলে নিপতিত হইলে নরোত্তমকে আলিঙ্গন করিয়া শ্রীরাধার রমণ দর্শন করাইলেন এবং গোপীনাথ মন্দিরে উপস্থিত হইলে শ্রীমধু পণ্ডিত শ্রীগোপীনাথ দর্শন করাইলেন । তৎপর শ্রীজীব নরোত্তমকে শ্রীভূগর্ভ গোস্বামীর দর্শন করাইয়া নিজ আশ্রমে আনিয়া শ্রীরূপের সমাধি ও শ্রীরাধা দামোদর দর্শন করাইলেন । অনন্তর শ্রীসনাতনের সমাধি ও শ্রীমদনমোহনের দর্শন করাইয়া আনিলেন ।

অতঃপর শ্রীজীব শ্রীনিবাস ও নরোত্তমকে শ্রীরাধাকুণ্ডে

পাঠাইলেন। শ্রীনিবাস নরোত্তম শ্রীরাধাশ্যামকুণ্ডের দর্শনের পর শ্রীরঘুনাথ দাস গোস্বামীর নিকট আসিয়া তাঁহার চরণ বন্দনা করিলে তিনি বাৎসল্যে বিহ্বল হইয়া শ্রীনিবাস ও নরোত্তমকে আলিঙ্গন করিলেন। অনন্তর শ্রীনিবাস নরোত্তম শ্রীকৃষ্ণদাস কবিরাজ গোস্বামীকে প্রণাম করিয়া গোবর্দ্ধনে শ্রীরাঘব পণ্ডিত সমীপে আসিলে তিনি শ্রীনিবাস নরোত্তমকে শ্রীগোবর্দ্ধন ও সমগ্র ব্রজমণ্ডল দর্শন করাইয়া শ্রীজীব সমীপে পাঠাইয়া দিলেন। শ্রীজীব গোস্বামী সন্তুষ্ট হইয়া নরোত্তমকে ভক্তিশাস্ত্রাধ্যয়ণ আরম্ভ করিলে তিনি প্রতিভার সহিত অল্পকাল মধ্যে নাটক, ষট্, সন্দর্ভ শ্রীমদ্ভাগবতাদি শাস্ত্রে প্রগাঢ় ব্যুৎপত্তি লাভ করিলেন। এই সময়ে শ্রীনরোত্তম শ্রীলোকনাথ প্রভুর বাহুকৃতস্থান সংস্কার সেবায় গুপ্তভাবে নিযুক্ত হন। একবৎসর গত হইলে একদিন শেষ-রাত্রিতে বাহুকৃত্যে যাইয়া লোকনাথ প্রভু নরোত্তমকে ঐ স্থানে ঝাড়ু দিতে দেখিয়া বলিলেন নরোত্তম! একপ কার্য্য আর করিও না। কিন্তু নরোত্তমের আর্তি ও উৎকর্ষা প্রাবল্য দর্শনে প্রভু লোকনাথের চিত্ত কুপাদ্র হইল। এইদিন শ্রীলোকনাথ প্রভু নরোত্তমকে যথাবিধানে কৈশোর শ্রীগোপালমন্ত্রে দীক্ষিত করিয়া রাগানুগীয় ভজন প্রণালী উপদেশ করিলেন। শ্রীনরোত্তম কুঞ্জে বসিয়া স্মরণাদি ভক্তি অঙ্গের অনুশীলন ও সময়োচিত গুরুসেবা করিতে থাকিলে একদিন নরোত্তম কুঞ্জমধ্যে অর্ক নিদ্রিতাবস্থায় আছেন এমন সময়ে শ্রীবৃষভানুন্দিনী প্রসন্ন হইয়া আগমন পূর্বক

বলিলেন 'নরোত্তম ! মধ্যাহ্নে আমার কুঞ্জে প্রাণবল্লভের সুখের ছন্দ আবর্তন তোমার নিতাসেবা থাকিল। আমার প্রিয়সখী চম্পকলতারও এই সেবা এগুণ্য তোমার নাম রাখিলাম চম্পক-মঞ্জরী।" এই সময় হইতে শ্রীনরোত্তম শ্রীরাধারাগীর আদিষ্ট-সেবায় নিযুক্ত থাকিলে একদিন শ্রীনরোত্তম মানসে ছন্দ আবর্তন ও আবিষ্টভাবে লীলা দর্শন করিবার ফলে উচ্ছলিত ছন্দ আবেশে হস্ত দ্বারা নিবর্তিত করিতে নরোত্তমের হস্ত দগ্ধ হইয়াছিল। শ্রীজীব গোস্বামী নরোত্তমের শাস্ত্রাধিকার ও অপূর্ব ভজনাবেশ দর্শনে প্রীত হইয়া সর্বসম্মতিক্রমে নরোত্তমকে ঠাকুর মহাশয় পদবী প্রদান করিলেন। অতঃপর শ্রী জীব গোস্বামী শ্রীনিবাসকে আচার্য্য উপাধি প্রদান করিলেন। এই সময়ে শ্রীশ্রদ্ধয় চৈতন্যের শিষ্য ছুঃখী কৃষ্ণদাস আসিঃ শ্রীনিবাস আচার্য্য ও শ্রীনরোত্তম ঠাকুর মহাশয়ের সহিত মিলিত হইলেন। শ্রীজীব গোস্বামী ছুঃখী কৃষ্ণদাসকে ভক্তিশাস্ত্র অধ্যাপনা করাইয়া শ্যামানন্দ খ্যাতি প্রদান করেন। অতঃপর শ্রী জীব গোস্বামী সকলের সঙ্গে পরামর্শ করিয়া শ্রীকৃষ্ণ সনাতন কৃত গ্রন্থরত্ন সহ শ্রীনিবাস নরোত্তম ও শ্যামানন্দকে অগ্রহায়ণ মাসের শুক্লা পঞ্চমীতে গোড়ে পাঠাইবার দিন স্থির করিয়া তিনজনকে শ্রীরাধাকুণ্ডে শ্রীরঘুনাথ দাস গোস্বামী সমীপে বিদায় লইতে পাঠাইলেন। শ্রীনিবাস নরোত্তম শ্যামানন্দ শ্রীদাস গোস্বামী চরণে ও শ্রীরাধাকুণ্ডবাসী বৈষ্ণবগণের চরণে বিদায় গ্রহণের পর শ্রীকৃষ্ণদাস কবিরাজগোস্বামী তিনজনকে

সঙ্গে লইয়া বৃন্দাবনে আসিলেন । শ্রীজীব তিনজনকে শ্রীগোবিন্দ গোপীনাথ মদনমোহন রাধারমণ রাধাবিনোদ রাধাদামোদর সমীপে বিদায় গ্রহণ করাইলেন । শ্রীভট্ট গোস্বামী ও শ্রীলোকনাথ গোস্বামী প্রভু তিনজনকে আলিঙ্গন পূর্বক বহু কৃপা করিলেন । শ্রীলোকনাথ গোস্বামী তিনজনকে শ্রীজীবের হস্তে সমর্পণ করিলেন এবং শ্রীবিগ্রহসেবা, সংকীর্তন ও ভক্তিমার্গ প্রবর্তনের নিমিত্ত শ্রীনরোত্তমকে বারম্বার বলিয়া দিলেন । শ্রীজীব এইরূপে শ্রীবৃন্দাবনবাসী বৈষ্ণব সমীপে শ্রীনিবাস নরোত্তম শ্যামানন্দকে বিদায় গ্রহণ করাইয়া শ্রীগোবিন্দ মন্দিরে লইয়া আসিলেন । শ্রীগোপালভট্ট গোস্বামী, শ্রীলোকনাথ গোস্বামী, ভৃগুর্ভ গোস্বামী শ্রীমধুপণ্ডিত, শ্রীরাঘব পণ্ডিত ও শ্রীকৃষ্ণদাস কবিরাজ প্রভৃতি মহাত্মাগণ তথায় সমবেত হইলেন । শ্রীজীবগোস্বামী সকলের অনুমতিক্রমে গ্রন্থের সম্পূর্ণ চারিটি গাড়ীতে আরোহন করাইলেন । গাড়োয়ান গাড়ী চালাইলে অগ্র পশ্চাৎ দশজন সশস্ত্র পদাতিক চলিল । সমবেত মহাত্মাগণের পদধূলি মস্তকে ধারণ করিয়া শ্রীনিবাস নরোত্তম শ্যামানন্দ গোড়ে যাত্রা করিলেন । গ্রন্থরত্ন সহ তিনজনে ক্রমশঃ গোড়মণ্ডলে বনবিষ্ণুপুরের সন্নিকটে বনমধ্যে কোন গ্রামে উপস্থিত হইলেন । তত্রত্য লোকসকল বলিতে লাগিল, কোন মহাজন গাড়ী ভরিয়া রত্ন লইয়া দূরদেশে যাইতেছে, বনবিষ্ণুপুরের রাজা বীরহান্সীর এই সংবাদ পাইয়া স্বীয় দস্যগণ দ্বারা গাড়ী হরণ করাইলেন । সম্পূর্ণ দর্শনে রাজার

চিত্ত শোধন হইল নিৰ্জনে সম্পূট খুলিয়া গ্রন্থ রত্ন দৰ্শনমাত্রেই  
 আত্মগানি সহকারে গ্রন্থাচার্যের দৰ্শনের নিমিত্ত উৎকণ্ঠিত  
 হইলেন। স্বপ্নচ্ছলে শ্রীগৌরসুন্দর রাজাকে আশ্বাস দিলেন।  
 এদিকে শ্রীনিবাস নরোত্তম শ্যামানন্দ জাগরিত হইয়া গ্রন্থ  
 অদৰ্শনে ভুলুপ্তিত হইয়া ক্রন্দন করিতে লাগিলেন। ইত্যবসরে  
 দৈববাণী হইল চিন্তা নাই, বিষ্ণুপুরে রাজার নিকট গ্রন্থ পাইবে।  
 শ্রীগৌরসুন্দরের ভঙ্গী বুঝিতে পারিয়া শ্রীআচার্য্যপ্রভু শ্রীবৃন্দাবনে  
 পত্র পাঠাইলেন। শ্রীঠাকুর মহাশয়কে খেতরিতে প্রেরণ  
 করিলেন। ঠাকুর মহাশয় বিচ্ছেদে ব্যাকুল হইয়াও শ্রীআচার্য্য  
 প্রভুর আদেশে শ্যামানন্দ সহ খেতরিতে আগমন করিলেন।  
 শ্রীঠাকুর মহাশয় খেতরিতে আসিয়া প্রথমেই পিতৃব্য ভ্রাতা  
 রাজা সন্তোষ দত্তকে শক্তি সঞ্চার করিলেন। এদিকে আচার্য্য  
 প্রভু বনবিষ্ণুপুরে শ্রীকৃষ্ণবল্লভকে কৃপা করিয়া তাঁহাকে সঙ্গে  
 লইয়া রাজসভায় উপস্থিত হইলেন। বীর হান্সীর আচার্য্য প্রভুর  
 শ্রীমুখে ভ্রমর গীতের শ্লোক ব্যাখ্যা শ্রবণে বিমুগ্ধ হইয়া তদীয়  
 চরণে আত্মসমর্পণ করিলেন। আচার্য্য প্রভু রাজাকে নিষ্ণ  
 করতঃ গ্রন্থরত্ন প্রাপ্ত হইয়া শ্রীবৃন্দাবনে ও খেতরিতে সংবাদ  
 পাঠাইলেন। অতঃপর আচার্য্যপ্রভু রাজার নিকট বিদায় লইয়া  
 গ্রন্থরত্ন সহ যাজিগ্রামে আসিলেন। এদিকে ঠাকুর মহাশয়  
 শ্রীগৌরলীলা স্মরণে অধীর হইয়া গৌরসুন্দরের লীলাস্থল ও  
 পার্শ্বদগণের দৰ্শনের নিমিত্ত নবদ্বীপে আসিয়া শুক্লাম্বর ব্রহ্মচারী

প্রভৃতিকে দর্শন করিলেন । শান্তিপুরে শ্রীঅচ্যুতানন্দ, অম্বিকাতে শ্রীহৃদয় চৈতন্যকে, খড়দহে শ্রীবসুধা জাহ্নবাকে ও শ্রীবীরচন্দ্র প্রভুকে এবং খানাকুলে অভিরাম ঠাকুরকে দর্শন করিয়া নীলাচলে গমন করতঃ শ্রীগোপীনাথ আচার্য্যাদির দর্শন পাইলেন । গোপীনাথ আচার্য্য ঠাকুর মহাশয়কে শ্রীজগন্নাথ দর্শন করাইয়া টোটার গোপীনাথ ও শ্রীগৌরসুন্দরের বিহার স্থানাদি দর্শন করাইলেন । একদা শ্রীগৌরসুন্দরের স্বপ্নাদেশে গোপীনাথ ঠাকুর মহাশয়কে গোড়ে পাঠাইয়া দিলেন । ঠাকুর মহাশয় প্রত্যাবর্তনকালে নরসিংপুরে শ্রীশ্যামানন্দের সহিত সাক্ষাৎ করিয়া শ্রীখণ্ডে আসিয়া শ্রীরঘুনন্দন ও সরকার ঠাকুরকে দর্শন করতঃ যাজিগ্রামে আচার্য্য প্রভুর ভবনে আসিলেন । আচার্য্য প্রভু ঠাকুর মহাশয়ের সঙ্গে নিভৃতে ইষ্টগোষ্ঠী করিয়া পরদিন প্রাতে ঠাকুর মহাশয়কে খেতরিতে পাঠাইলেন এবং শীঘ্র শ্রীবিগ্রহসেবা প্রকাশের আয়োজন করিতে বলিলেন। ঠাকুরমহাশয় শ্রীগৌরসুন্দরের সম্যাস স্থান কন্টকনগর বর্তমান নাম কাটোয়া হইয়া শ্রীনিত্যানন্দ প্রভুর আবির্ভাব স্থান একচক্রা গ্রামে আসিলেন । শ্রীনিত্যানন্দ প্রভু বৃদ্ধ ব্রাহ্মণ বেশে ঠাকুর মহাশয়কে স্বীয় লীলাস্থল দর্শন করাইয়া পুনরায় শ্রীবলরাম ও শ্রীনিত্যানন্দরূপে দর্শন দিয়া অন্তর্দ্বান হইলেন । অতঃপর ঠাকুর মহাশয় খেতরিতে চলিলেন । ঠাকুর মহাশয় খেতরিতে আসিয়া শ্রীবিগ্রহসেবা প্রকাশের উপায় চিন্তা করিতে থাকিলে শ্রীগৌরসুন্দর স্বপ্নচ্ছলে ঠাকুর মহাশয়কে আদেশ

করিলেন “আমি পূর্বেই ধাতু বিগ্রহ হইয়া তোমার পথপানে  
 চাহিয়া বিপ্রদাস নামক গৃহস্থের ধাতুগোলায় আছি, তথায় সর্প-  
 ভয়ে কেহ যাইতে পারে না, আমাকে সেখান হইতে শীঘ্র আনয়ন  
 কর” এই বলিয়া আরও পাঁচ শ্রীবিগ্রহ নির্মাণের আদেশ করিয়া  
 ঠাকুর মহাশয়কে আলিঙ্গন করতঃ অন্তর্দান হইলেন। ঠাকুর  
 মহাশয় স্বপ্নবিচ্ছেদে ব্যাকুল হৃদয়ে শ্রীনাম কীর্তনে রাত্রি প্রভাত  
 করতঃ প্রাতঃকৃত্যাদির পর সকলকে লইয়া সেই ধাতুগোলায়  
 চলিলে সর্প সকল অন্তর্হিত হইল, তখন ঠাকুর মহাশয় দ্বার  
 উদ্ঘাটন করিয়া শ্রীপ্রভুর দর্শনে হস্ত প্রসারণ করিতেই বিবিধ  
 ভূষণে বিভূষিত প্রিয়াসহ বিরাজিত শ্রীগৌরসুন্দর বিছ্যাৎপ্রায়  
 ঝলক দিয়া ঠাকুর মহাশয়ের ক্রোড়ে আসিলেন। শ্রীঠাকুর মহাশয়  
 নিজ বাসস্থানে আসিয়া প্রিয়াসহ শ্রীগৌরসুন্দরকে আসনে  
 বসাইলেন এবং অপূর্ব সঙ্গীত সৃষ্টি করিয়া শ্রীগৌরাজ গুণ গান  
 করিতে লাগিলেন। ঠাকুর মহাশয় ফাল্গুনী পূর্ণিমায় শ্রীবিগ্রহ  
 প্রতিষ্ঠার দিন ধার্য্য করিয়া নিজ শিষ্য দেবীদাস গোকুল গৌরাজ  
 সহ আচার্য্য প্রভুর নিকট গমন করিলেন। আচার্য্য প্রভুই সর্বত্র  
 নিমন্ত্রণ পত্র পাঠাইলেন। এই সময়ে ঠাকুর মহাশয়ের সঙ্গে  
 আচার্য্য প্রভুর শিষ্য শ্রীরামচন্দ্র কবিরাজের প্রথম মিলন হইল।  
 আচার্য্য প্রভু রামচন্দ্র কবিরাজকে ঠাকুর মহাশয়ের হস্তে সমর্পণ  
 করিয়া ছুইজনকে খেতরিতে পাঠাইলেন। ব্যাস চক্রবর্তী ও  
 গোবিন্দ কবিরাজাদি শিষ্যবর্গসহ আচার্য্য প্রভু উৎসবের পূর্বেই

আসিলেন। শ্রীশ্যামানন্দ ও রসিকানন্দাদি নিজগণসহ শ্রীহৃদয় চৈতন্য আসিলেন। শ্রীজাহ্নবা ঠাকুরাণী নিজভক্তগণসহ শুভাগমন করিলেন। সপারিকর শ্রীঅচ্যুতানন্দ শ্রীনবদ্বীপবাসী শ্রীপতি শ্রীনিধি প্রভৃতি, খণ্ডবাসী শ্রীরঘুনন্দনাদি শ্রীগৌর পার্শ্বদগণ সকলই খেতরিতে সমবেত হইলেন। মহামহোৎসব আরম্ভ হইলে শ্রীআচার্য্যপ্রভু সর্বসম্মতিক্রমে অভিষেক ক্রিয়ায় প্রবৃত্ত হইলেন। ছয় বিগ্রহের অভিষেক কালে যথাক্রমে শ্রীগৌরান্ধবল্লরী কান্ত, শ্রীব্রজমোহন, শ্রীকৃষ্ণ, রাধাকান্ত ও রাধারমণ স্বপ্নাদেশ প্রাপ্ত এই নাম রাখিলেন। অভিষেকান্তে সমবেত শ্রীগৌর পার্শ্বদগণকে প্রসাদ মালা চন্দনাদি প্রদানের পর ঠাকুরমহাশয় সর্বসম্মতিক্রমে স্বরচিত গীতে মহাসঙ্কীর্্তন আরম্ভ করিলেন। দেবীদাস, গোকুল, গৌরান্ধ গোবিন্দ সহ অপূর্ব রাগরাগিনী আলাপে সকলের মন মুগ্ধ হইল। তখন শ্রীগৌরনিত্যানন্দ অদ্বৈত শ্রীবাস গদাধরাদি পার্শ্বদবর্গ সহ সর্বসমক্ষে প্রকট হইয়া নৃত্য আরম্ভ করিলেন। সপারিকর প্রভুর দর্শনে সকলে প্রেমসাগরে ভাসিতে লাগিলেন। অতঃপর সপার্ষদ প্রভু অন্তর্হিত হইলে সকলে ভুলুষ্ঠিত হইয়া ক্রন্দন করিতে করিতে মূর্চ্ছিত হইলেন। কতক্ষণে মুচ্ছা ভঙ্গের পর শ্রীআচার্য্য প্রভু ঠাকুর মহাশয় শ্রীশ্যামানন্দ সকলকে লইয়া হরিকালীলা গান ও ফাগু ক্রীড়ায় অতিবাহিত করিয়া সায়াছে শ্রীগৌরান্ধের জন্মতিথি অভিষেক করিলেন। পরদিন মহামহোৎসব সুসম্পন্ন হইলে মহান্তগণ নিজ নিজ স্থানে বিদায়

হইলেন। অনন্তর শ্রীজাহ্নবা ঠাকুরাণী শ্রীনিবাস নরোত্তমাদিকে প্রবোধ দিয়া বৃন্দাবনে যাত্রা করিলেন এবং আচার্য্য প্রভু যাজি-গ্রামে শ্রীশ্যামানন্দ উৎকলে চলিলে ঠাকুর মহাশয় সাতিশয় অর্ধৈর্য্য হওয়ায় শ্রীরামচন্দ্র কবিরাজ ঠাকুর মহাশয়কে প্রবোধ দিতে লাগিলেন। কতদিন পর শ্রীজাহ্নবা ঠাকুরাণী শ্রীবৃন্দাবন হইতে খেতরি আসিয়া ঠাকুর মহাশয়কে গোস্বামীগণের সংবাদ জানাইয়া যাজিগ্রামাদি হইয়া খড়দহে গমন করিলেন। আচার্য্য প্রভু যাজি গ্রামে ও খেতরিতে ঠাকুর মহাশয় শ্রীরামচন্দ্রকবিরাজ সহ শিষ্যগণকে গোস্বামী গ্রন্থসকল অধ্যায়ণ করাইতে লাগিলেন। দেশদেশান্তর হইতে বিপ্রগণ অধ্যায়ণ করিয়া দেশে যাইয়া অধ্যাপনা আরম্ভ করিলেন। একদিন জনৈক কুষ্ঠী বিপ্র আসিয়া শ্রীঠাকুর মহাশয়ের চরণে পতিত হইয়া নিবেদন করিলেন— আমি আপনার প্রতি শূদ্র বুদ্ধি করিয়া কুষ্ঠরোগগ্রস্ত হইয়াছি, ভগবতীর আদেশে আপনার শরণ লইলাম, আমায় উদ্ধার করুন। অতঃপর ঠাকুর মহাশয় কুষ্ঠী বিপ্রকে আলিঙ্গন করা মাত্র বিপ্রের কুষ্ঠরোগ নষ্ট হইল দেহ ও মন নির্ম্মল হইয়া ভক্তির আম্পদ হইল। একদা ঠাকুর মহাশয় ও শ্রীরামচন্দ্র কবিরাজ স্নানে যাইতেছেন এমত সময়ে হরিরাম ও রামকৃষ্ণ আচার্য্য দুইভাই সেই পথে উপস্থিত। ঠাকুর মহাশয় বিপ্রদ্বয়কে দেখিয়া শ্রীকৃষ্ণ ভজন যোগ্য মনে করিয়া কৃপা পরবশ হইলে বিপ্রদ্বয় দুই মহাশয়ের দর্শন লাভে ও প্রেমালাপ শ্রবণে বিমুগ্ধ


ইহঁয়া ছুই এর চরণে আত্মসমর্পণ করিলে তাঁহারা উভয়কে আলিঙ্গন করিয়া স্নানান্তে সঙ্গে লইয়া গৃহে আসিলেন। শ্রীরামচন্দ্র কবিরাজ হরিরাম আচার্য্যাকে আর ঠাকুরমহাশয় রামকৃষ্ণ আচার্য্যকে দীক্ষা প্রদানে ভক্তি সিদ্ধান্ত উপদেশ করিলেন। একদিন গম্ভীলা নিবাসী পণ্ডিত শ্রীগঙ্গানারায়ণ চক্রবর্তী হরিরাম ও রামকৃষ্ণের পাণ্ডিত্য প্রতিভা ও অভিনব দিব্য তেজ দর্শনে শ্রীরামচন্দ্র কবিরাজ ও ঠাকুর মহাশয়ের গুণ মহিমা বুঝিতে পারিলেন এবং ঠাকুর মহাশয়ের প্রতি স্বকৃতজ্ঞতার কথা স্মরণে আত্মগ্নানি সহকারে সदैন্দ্ৰে রোদন করিতে করিতে তাঁহার চরণে আত্মসমর্পণ করিলেন। শ্রীঠাকুর মহাশয় গঙ্গানারায়ণকে মন্ত্র দীক্ষা প্রদানে শ্রীকৃষ্ণচৈতন্যপদে আত্ম সমর্পণ ও শক্তি সঞ্চায় করতঃ প্রেমধনে ধনী করিলেন। ঠাকুর মহাশয় বিপ্রশিষ্য করেন বলিয়া রাজা নরসিংহ দূর দেশ হইতে বহু ব্রাহ্মণ পণ্ডিত সহ বিচার করিতে আসেন। শ্রীরামচন্দ্র কবিরাজ ও শ্রীগঙ্গানারায়ণ চক্রবর্তী বেদা দিশাস্ত্র প্রমাণে প্রতিভার সহিত তাহাদের মত খণ্ডনে অধ্যাপকগণকে পরাজিত করিলেন। এদিকে অপরাধী রাজা নরসিংহকে স্বপ্নযোগে দেবী ভগবতী খড়াহস্তে ভয় প্রদর্শন করিয়া শ্রীনরোত্তমের চরণাশ্রয় করিতে আদেশ করিলেন। রাজা নরসিংহ অধ্যাপকগণ সহ প্রভু শ্রীনরোত্তম ঠাকুরের চরণে আত্ম সমর্পণ করিলেন। অনন্তর শ্রীনিত্যানন্দপ্রভুর পুত্র শ্রীবীরচন্দ্রপ্রভু শ্রীনিবাস আচার্য্য সহ খেত্রিতে আসেন। মহামহোৎসবের পর

শ্রীবীরচন্দ্র প্রভু সহ শ্রীআচার্য্য প্রভু বৃথরিতে চলিলেন । শ্রীঠাকুর মহাশয় শ্রীরামচন্দ্র কবিরাজ সহ অনেকদিন পরমানন্দে অবস্থানের পর একদিন ছুইজনে নির্জ্জনে কি যেন পরামর্শ করিলেন । কিছুদিন পরে রামচন্দ্র যাজিগ্রামে গেলে অকস্মাৎ খেতরিতে সংবাদ আসিল আচার্য্য প্রভু রামচন্দ্র কবিরাজ সহ শ্রীবৃন্দাবনে গিয়াছেন । আচার্য্য প্রভু ও রামচন্দ্রের বিরহে অধৈর্য্য হইয়া ঠাকুর মহাশয় ক্রন্দন করিতে করিতে কণ্ঠ রুদ্ধ হইলে শিষ্যগণ চতুর্দিকে কাঁদিতে থাকিলে ঠাকুর মহাশয় কতক্ষণ পরে চৈতন্য পাইলেন । পাঁচ সাত দিন পরে গঙ্গা স্নানের ইচ্ছায় লোকজন সহ গাঙ্গীলা শ্রীগঙ্গানারায়ণের গৃহে আসিলেন । অকস্মাৎ ঠাকুর মহাশয়ের জ্বর হইলে চিতাশয্যা করিতে আদেশ করিয়া নীরব থাকিলেন । ঐ অবস্থায় তিনদিন অতিবাহিত হওয়ায় লোকদৃষ্টিতে তিনি দেহ হইতে পৃথক্ হইলেন । ব্রাহ্মণ পণ্ডিতগণ দেখিতে আসিয়া গঙ্গানারায়ণকে শুনাইয়া বলিতে লাগিলেন— শূদ্র হইরা বিপ্র শিষ্য করার ফলে নরোত্তমদাস বাকরোধ হইয়া মারা গেল । গুরুরই এই দশা শিষ্যের না জানি কি হয় । এই কথা শুনিয়া গঙ্গানারায়ণ চিতা সন্নিধানে আসিয়া করযোড়ে বলিতে লাগিলেন—হে প্রভো ! নিজ কারুণ্য গুণে এই পাষণ্ডী-গণকে উদ্ধার করুন । নচেৎ ইহাদের ঘোর নরক হইবে । গঙ্গানারায়ণের কাতর প্রার্থনায় ঠাকুর মহাশয় পুনরায় নিজদেহে আসিলেন । রাধাকৃষ্ণ শ্রীচৈতন্য বসিয়া সূর্য্য সমতেজে চিতা হইতে

উঠিলে চতুর্দিকে সকলে হরিধ্বনি ও দেবগণ পুষ্পবৃষ্টি করিতে লাগিলে নিন্দুক ব্রাহ্মণ পণ্ডিতগণ স্বকৃতাপরাধ ভয়ে কম্পিত হইয়া শিরে করাঘাত করিতে করিতে গঙ্গানারায়ণের চরণে নিপতিত হইলেন। গঙ্গানারায়ণের প্রার্থনায় শ্রীঠাকুর মহাশয় বিপ্রগণকে আলিঙ্গন পূর্বক ভক্তিরত্ন প্রদান করিয়া গঙ্গানারায়ণের নিকট ভক্তিগ্রন্থ অধ্যায়ণ করিতে আদেশ করিলেন। অনন্তর ঠাকুর মহাশয় খেতরিতে প্রত্যাবর্তন করিয়া নিরন্তর শিষ্যগণ সঙ্গে কৃষ্ণকথারঙ্গে কালাতিপাত ও ক্ষণে ক্ষণে “হা কৃষ্ণচৈতন্য” বলিয়া বিলাপ করিতেন। রসিক ভক্তসঙ্গ বিরহে শ্রীকৃষ্ণ বিরহ প্রোদীপ্ত হইল। এই সময়ে ঠাকুর মহাশয় প্রার্থনা ও প্রেমভক্তি চন্দ্রিকা রচনা করেন। অতঃপর ১৫৩৭ শকের কিঞ্চিৎ পরে একদিন প্রাতঃকালে শ্রীপাদ ঠাকুর মহাশয় প্রভু শ্রীনিবাস ও রামচন্দ্র কবিরাজের বিরহে ব্যাকুল হইয়া অব্যাহত নয়নে কাঁদিতে কাঁদিতে নীরব থাকিলে রাজা সন্তোষাদি শিষ্যগণ পূর্ববৎ চিন্তিত হইলেন। ঠাকুর মহাশয় গোবিন্দ প্রভৃতিকে সঙ্গে লইয়া গান্ধীলা আসিলে কার্তিকী কৃষ্ণা পঞ্চমীতে গঙ্গা স্নান করিয়া তীরে বসিয়া রামকৃষ্ণ আচার্য্য ও গঙ্গানারায়ণ চক্রবর্তীকে অঙ্গ মার্জ্জন করিতে আদেশ করিলেন। দুইজনে মার্জ্জনের নিমিত্ত অঙ্গ স্পর্শ করার সঙ্গে সঙ্গে দেখিতে দেখিতে শ্রীপাদ নরোত্তম ঠাকুর মহাশয় গঙ্গাজলে ছুঙ্কপ্রায় বিলীন হইয়া লোক লোচনের অদৃশ্য হইলেন। তাঁহার সংগোপনে পাষণ পর্য্যন্ত দ্রবীভূত

হইল, চতুর্দিকে হরি হরি ধ্বনি উথিত হইল, স্বর্গ হইতে দেবগণ  
 পুষ্প বর্ষণ করিতে লাগিলেন । শ্রীপাদ ঠাকুর মহাশয়ের অপ্রক-  
 টের পর তাঁহার প্রধান শিষ্য শ্রীরামকৃষ্ণ আচার্য্য ও গঙ্গানারায়ণ  
 চক্রবর্তী তৎপ্রবর্তিত ভক্তিমার্গ প্রচার করেন ।





শ্রীল নরোত্তম-ঠাকুর



## শ্রীশ্রীপ্রেমভক্তি-চন্দ্রিকা

অজ্ঞানতিমিরাক্ষয় জ্ঞানাজন শলাকয়া ।

চক্ষুরমূলিতং যেন তস্মৈ শ্রীগুরবে নমঃ ॥ ১ ॥

### শ্রীল বিশ্বনাথ চক্রবর্তিপাদ কৃত টীকা

অদৈত প্রকটীকৃতো নরহরি প্রেষ্ঠঃ স্বরূপপ্রিয়ো নিত্যানন্দ  
সখঃ সনাতন গতিঃ শ্রীরূপ হৃৎকেননঃ । লক্ষ্মী প্রাণপতির্গদাধর-  
রসোল্লাসী জগন্নাথভূঃ সাজ্জোপাঙ্গ সপার্ষদঃ সদয়তাং দেবঃ শচী-  
নন্দন । তস্মৈ শ্রীগুরবে নমঃ শ্রীগুরুং প্রতি নমোহস্তু । কিন্তুু-  
তায় ? যেন গুরুণা মম চক্ষুঃ নেত্রমূলীলিতম্ । মম কিন্তুুতস্ত  
অজ্ঞানতিমিরাক্ষয় অজ্ঞানমেব তিমিরমন্ধিরোগস্তেনাক্ষয় দৃষ্টি-  
শক্তি রহিতস্ত ।

### শ্রীশ্রীকৃষ্ণচৈতন্যঃ শরণম্ ।

আমি অনাদিকাল হইতে অজ্ঞানতিমিরে অন্ধ ছিলাম,  
যিনি শ্রীভগবত্তত্ত্বজ্ঞানরূপ অজ্ঞানশলাকা দ্বারা আমার নয়ন  
উন্মূলিত করিয়া দিয়াছেন, সেই শ্রীগুরুদেবকে আমি নমস্কার  
করি ॥ ১ ॥

ভাবার্থ এই গ্রন্থখানি প্রেমভক্তি পথের চন্দ্রিকা  
অর্থাৎ চাঁদের আলো সদৃশ, এজন্য ইহার নাম “প্রেমভক্তি-  
চন্দ্রিকা ।” অথবা হিংস্র জন্তু সকুল ঘোর অন্ধকারময় অরণ্য

কিংবা অজ্ঞানমবিষ্ঠা তদেব তিমিরমন্ধকারস্তেন অন্ধস্য । অজ্ঞান-  
তমসো নাম কৈতবং যথা শ্রীচৈতন্যচরিতামৃতে— অজ্ঞানতমের  
নাম কহিয়ে কৈতব । ধর্ম অর্থ কাম বাঞ্ছা আদি এই সব ॥ তার

মধ্যে প্রবিষ্ট দিশাহারা পথিককে সহসা উদ্দিত চন্দ্রের জ্যোৎস্না  
যেমন পথ প্রদর্শন করিয়া গন্তব্য স্থানে পৌঁছাইয়া দিতে সমর্থ  
তেমন বিবিধ ছুর্বাসনাপূর্ণ মায়াময় সংসার মধ্যে নিপতিত স্বরূপ  
বিস্মৃত জীবকে ভজন পথ প্রদর্শন করিয়া শ্রীরাধামাধব পদারবিন্দ  
সান্নিধ্যরূপ গন্তব্যস্থানে পৌঁছাইয়া দিবার নিমিত্ত দৈবাৎ আবি-  
ভূত প্রেমভক্তিরূপ সুধাকরের চন্দ্রিকা সদৃশ বিমল সাধনরীতি  
সকল এই গ্রন্থে বর্ণিত আছে, এজন্য এই গ্রন্থের নাম “প্রেমভক্তি-  
চন্দ্রিকা ।” পরম কুপালুমৌলি কনিষাবনাবতার স্বয়ং ভগবান্  
শ্রীগৌরসুন্দর কর্তৃক প্রচারিত অনর্পিতচরী প্রেমভক্তি সম্পত্তি  
লাভ করিতে হইলে সর্বাগ্রে শ্রীগুরুচরণাশ্রয় কর্তব্য । ইহা  
জানাইবার জন্য এবং আরন্ধ্র গ্রন্থের নির্বিঘ্নে পরিসমাপ্তির জন্য  
শ্রীল ঠাকুর মহাশয় শ্রীগুরুদেবের নমস্কাররূপ মঙ্গলাচরণ করি-  
তেছেন—শ্রীগুরুচরণে স্বীয় অসাধারণ কৃতজ্ঞতা প্রকাশ করিয়া  
ভক্তি স্বভাবে দৈন্য হেতু সাধক দেহাভিমনে বন্ধজীবোচিত  
ভাবে বলিতেছেন—আমি অজ্ঞানপ্রিমিরে অন্ধ ছিলাম, অজ্ঞান  
তিমির শব্দের অর্থে কৈতব বোঝায়, অন্যাদি ভগবদ্বহিমুখ জীব  
কৃষ্ণ নিত্যদাসরূপ নিজস্বরূপ বিস্মৃত হেতু মায়ার অধিকারে  
নিপতিত হইয়া অনন্ত সংসার দুঃখের হেতুভূত অবিষ্ঠা কল্পিত

ধর্মো মোক্ষ বাঞ্ছা কৈতব প্রধান । যাহা হইতে কৃষ্ণ ভক্তি হয়  
অন্তর্দান ॥ কৃষ্ণভক্তি বাধক যত শুভাশুভ কর্ম্ম । সেহ এক জীবের

দেহাদিতে অভিনিবিষ্ট হইয়াছে এবং নিজ প্রভু শ্রীকৃষ্ণের প্রেম-  
সেবারূপ পুরুষার্থ ভুলিয়া দেহাভিনিবেশ হেতু নিজ সুখের জন্ম  
যতই চেষ্টা করিতেছে, ততই অজ্ঞানান্ধকারে আবৃত হইতেছে ।  
সুতরাং নিত্যকৃষ্ণদাস জীবের শ্রীকৃষ্ণসেবা ব্যতীত যত কিছু নিজ-  
সুখের অহুস্কান, সমস্তই স্বরূপ আবরক হওয়ায় কৈতব অর্থাৎ  
কপটতা বলিয়া পরিগণিত । ধর্ম্ম অর্থ কাম মোক্ষ বাসনা প্রভৃতি  
সমস্তই নিজস্বৈকতাৎপর্য্যক বলিয়া, এ সকলকে কৈতব বলে ।  
'ধর্ম্ম' শব্দে এস্থলে কৃষ্ণভক্তিবাদক পুণ্যকর্ম্ম—যদ্বারা স্বর্গাদি  
সুখ লাভ হয় । অর্থ—চক্ষু আদি ইন্দ্রিয়গণের উপভোগ্য মায়িক  
রূপাদি বিষয় । কাম—রূপাদি বিষয়ভোগ দ্বারা নিজেন্দ্রিয়  
পরিতৃপ্ত সাধনেচ্ছা । এই ধর্ম্ম-অর্থ-কাম লাভ করিয়া জীব  
উত্তরোত্তর মায়াপাশে সুদৃঢ়ভাবে আবদ্ধ হয় । যেহেতু—ধর্ম্ম  
( পুণ্যকর্ম্ম ) দ্বারা লব্ধ স্বর্গসুখও মায়িক প্রপঞ্চ বই আর কিছুই  
নহে ; এই স্বর্গসুখ-ভোগাবসানে পুনরায় মর্ত্ত্যালোকে পতিত  
হইতে হয়,—বিষ্ঠার ক্রিমি পর্য্যন্ত হইতে হয় । অপরাধী প্রজার  
প্রতি রাজার দণ্ডবিধানের ছায়, মায়াই কৃষ্ণবহিমুখ জীবকে  
কর্ম্মানুসারে কখনও স্বর্গে উঠায়, আবার কখনও বা নরকে ডুবায়  
এজগতের রূপাদি বিষয় সমূহ মায়ার বিকার মাত্র, কামিনী-

অজ্ঞানতমোধর্মা” কয়া উন্মীলিতং জ্ঞানাঞ্জনশলাকয়া, “ঈশ্বরঃ পরমঃ  
কৃষ্ণঃ সচ্চিদানন্দবিগ্রহঃ । অনাদিরাদিগোবিন্দঃ সর্বকারণ-

কাঞ্চনাদি সবই মায়া কল্পিত । অতএব ধর্ম-অর্থ-কাম তিনই  
মায়ার কুহক ; কাজেই এই তিন—অজ্ঞানতম বা কৈতব নামে  
অভিহিত ।

এমন কি, জীবের জন্মমৃত্যুরূপ-সংসার-দুঃখের হেতুভূত  
মায়াবন্ধন যদ্বারা নষ্ট হইয়া যায়, সেই মোক্ষবাসনাকেই সর্ব-  
প্রধান কৈতব বলে । যেহেতু পূর্বোক্ত ধর্ম-অর্থ-কাম-বাসনারূপ  
কৈতব হৃদয়ে জাগরুক সত্ত্বেও কদাচিৎ ভগবদ্ভক্তকুপাজনিত  
সৌভাগ্যপ্রভাবে ঐসকল কৈতবরূপ অজ্ঞানতম হইতে নিষ্কৃতি  
লাভ করিয়া, পুনরায় “কৃষ্ণনিত্যদাস”রূপ নিজ স্বরূপ প্রাপ্তির  
সম্ভাবনা আছে । কিন্তু মোক্ষবাসনানিমগ্ন জীবের আর সেই  
সৌভাগ্য ঘটে না । ‘মোক্ষ’ বলিতে এস্থলে সাযুজ্য-মুক্তি; মুক্তি-  
বাসনানিমগ্নজনের চিন্তে প্রথম হইতেই “তৎপদার্থ ব্রহ্ম ও তন্ম  
পদার্থ জীব’ এই দুইয়ের ঐচ্ছ্যভাবনা অর্থাৎ “সোহং” আমি  
সেই ব্রহ্ম—এই অভেদজ্ঞান জাগরুক থাকায়, “কৃষ্ণ আমার প্রভু  
আমি কৃষ্ণের নিত্যদাস” এই সম্বন্ধজ্ঞান বিলুপ্ত হইয়া যায় ;  
এজন্য সম্বন্ধজ্ঞানপরিশূণ্য মুক্তিবাসনানিমগ্ন জনের নিকট হইতে  
কৃষ্ণভক্তি দূরে পলায়ন করেন—( ভুক্তিমুক্তিস্পৃহা যাবৎ পিশাচী  
হৃদি বর্ততে । তাবদ্ ভক্তিসুখস্তাত্র কথমভ্যাদয়ো ভবেৎ ॥—  
ভক্তিরসামৃতসিদ্ধ ) । অতএব ( কৃষ্ণনিত্যদাসরূপ জীব-স্বরূপকে

কার্ণামিত্যনেন” “কৃষ্ণস্ত ভগবান্ ঐয়মিত্যনেন চ” “কৃষ্ণে ভগবত্তা-  
জ্ঞান সন্নিদের সার” ইতি শ্রীচৈতন্যচরিতামৃতোক্তেঃ ॥ ১ ॥

চিরকালের জন্য আবরণ করে বলিয়া ) মোক্ষবাসনার স্থায় অনিষ্ট  
কর কৈতব আর নাই ।

শ্লোকোক্ত জ্ঞানাঞ্জনশলাকয়া পদের ‘জ্ঞান’ শব্দের অর্থ  
কৃষ্ণের ভগবত্তাজ্ঞান বুঝিতে হইবে । শ্রীকৃষ্ণের ভগবত্তা-বিষয়ে  
ব্রহ্মসংহিতায় উক্ত আছে,— “যিনি সমস্ত জগতের আদি, এমন  
কি ঈশ্বরস্বরূপ সকলেরও আদি, যাঁহার আদি আর কেহই নাই,  
যিনি গোবিন্দ অর্থাৎ গোকুলেন্দ্ররূপে বেদের প্রতিপাদ্য, যিনি  
নিখিল কারণসমূহেরও কারণ এবং ঈশ্বরগণেরও ঈশ্বর, সেই  
সচ্চিদানন্দবিগ্রহ শ্রীকৃষ্ণই পরম ঈশ্বর অর্থাৎ স্বয়ং ভগবান্ ।”  
শ্রীমদ্ভাগবতে উক্ত আছে— “যত যত ভগবদবতার আছেন, তন্মধ্যে  
কেহ অংশ কেহ বা অংশের অংশ, কৃষ্ণ কিন্তু স্বয়ং ভগবান্ অর্থাৎ  
নির্বিশেষ ব্রহ্মস্বরূপ, পরমাত্মা-স্বরূপ ও নিখিল ভগবৎ স্বরূপের  
মূল আশ্রয়—শ্রীকৃষ্ণ ।” অতএব শ্রীকৃষ্ণই সর্বনিয়ামক ও সর্বা-  
রাধ্য ; ইত্যাদি শ্রীকৃষ্ণ ভগবত্তা জ্ঞানোপদেশরূপ অঞ্জনশলাকা-  
দ্বারা শ্রীগুরুদেব কৃপা করিয়া আমার অজ্ঞানতম রূপ নেত্ররোগ  
নষ্ট করতঃ দিব্যজ্ঞানচক্ষু বিকাশ করিয়াছেন ; অর্থাৎ “শ্রীকৃষ্ণ  
আমার প্রভু আমি কৃষ্ণের নিত্যসেবক, তদীয় সেবাই আমার  
একমাত্র কর্তব্য” এই দিব্যজ্ঞান আমাকে প্রদান করিয়াছেন, অত-  
এব সেই পরম কারুণিক শ্রীগুরুদেবকে আমি নমস্কার করি ॥ ১ ॥

শ্রীচৈতন্য-মনোহভীষ্টং স্থাপিতং যেন ভূতলে ।

সোহং রূপঃ কদা মহ্যং দদাতি স্বপদান্তিকম্ ॥ ২ ॥

শ্রীগুরু-চরণ-পদ্ম,

কেবল ভকতি-সদা,

বন্দে। মুগ্ধঃ সাবধান মনে ।

শ্রীচৈতন্যমহাপ্রভোর্মনোহভীষ্টং মনোহভিলষিতং শ্রীমদ্-  
ভগবদ্ভক্তিরসশাস্ত্রং ভূতলে যেন রূপেণ স্থাপিতং নিরূপিতং,  
সোহং রূপঃ স্বপদান্তিকং নিজচরণনিকটং কদা ভাগ্যবশেন মহ্যং  
দদাতি । শ্রীরূপস্য কৃপয়া নিজানুচরত্বেন তৎসেবনকর্ম কর-  
বানীতি ভাবঃ ॥ ২ ॥

ভাই—হে ভ্রাতঃ মনঃ ! ॥ ৩ ॥

শ্রীকৃষ্ণচৈতন্যমহাপ্রভুর মনের একমাত্র অভিলষিত শ্রীমদ্-  
ভগবদ্ভক্তিরসশাস্ত্র । ব্রজেন্দ্রনন্দন শ্রীকৃষ্ণ, স্বকীয় অসমোর্দ্দ-  
মাধুর্যা আশ্বাদনের নিমিত্ত লুক্ক হইয়া, অশেষবিশেষে আশা  
মিটাইবার উপকরণ যে রাধাভাব অঙ্গীকার করিয়াছেন, সেই  
শ্রীরাধিকার প্রেমরসমহিমা বা মধুর জাতীয় প্রেমভক্তিবিশেষ  
প্রধানরূপে জগতে প্রচার করাই শ্রীকৃষ্ণচৈতন্য মহাপ্রভুর একান্ত  
অভিপ্রেত । সেইটি যিনি এই ধরাধামে বিস্তারের নিমিত্ত ভক্তি-  
রসামৃতসিন্ধু ও উজ্জলনীলমণি প্রভৃতি রসশাস্ত্র প্রণয়নে নিরূপণ  
করিয়া রাখিয়াছেন, সেই শ্রীরূপগোষ্ঠামিচরণ আমার ভাগ্যবশে  
কবে আমাকে তদীয় চরণসামিধ্য প্রদান করিবেন ? শ্রীরূপের

যাঁহার প্রসাদে ভাই,

এ ভব ভরিয়া যাই,

কৃষ্ণ প্রাপ্তি হয় যাঁহা হনে ॥ ৩ ॥

কৃপায় তাঁহার নিজ অনুচররূপে তদীয় নিয়োগানুসারে কবে  
শ্রীরাধামাধবের প্রেমসেবায় নিযুক্ত হইব ? ॥ ২ ॥

## শ্রীগুরু-মহিমা

শ্রীগুরুচরণাশ্রয় ব্যতিরেকে ভক্তি বা শ্রীভগবৎ কৃপালাভ  
সুদূরপর্যাহত। অতএব ভক্তি-মন্দিরে প্রবেশ করিতে হইলে  
সর্ব্বাগ্রে গুরুপাদাশ্রয় কর্তব্য। এজন্য শ্রীল ঠাকুর মহাশয় সর্ব্ব  
প্রথমে শ্রীগুরু-বন্দনা করিতেছেন। যথা - শ্রীগুরু - শ্রীযুক্ত  
গুরু। শিষ্যকে অবিচার আবরণ হইতে উদ্ধার করিয়া শ্রীকৃষ্ণ-  
চরণ-সমীপে পৌঁছাইবার নিমিত্ত শক্তিয়ুক্ত গুরু বা প্রেমভক্তি-  
সম্পত্তিয়ুক্ত গুরু। 'শ্রীগুরুচরণ-পদ' বলিতে শ্রীগুরুদেবের  
চরণকমল এরূপ অর্থ নহে। 'চরণ' শব্দটি এখানে পূজ্যার্থে  
প্রযুক্ত হইয়াছে,—যেমন - শ্রীধরস্বামিচরণ শ্রীগোপামিচরণ  
ইত্যাদি। 'পদ' শব্দের প্রয়োগের তাৎপর্য্য এই,—শ্রীকৃষ্ণ-  
প্রেমবিলসিত কলেবর শ্রীগুরু অতীব মাধুর্য্যময়। এবং আরও  
বুঝাইয়াছেন যে ভ্রমরের আশ্রয় যেমন কমল, ভক্তের আশ্রয়  
তেমন শ্রীগুরুচরণের কৃপা মাধুর্য্য। এবম্বিধ শ্রীগুরুই 'কেবল-  
ভক্তি সদ্ম'—একমাত্র কেবলা ভক্তির আশ্রয়, 'কেবলা-ভক্তি'  
বলিতে অগ্ণাভিলাষিতাশূন্য জ্ঞান-কর্মাঙ্গ দ্বারা অনাবৃত স্বরূপ ।

গুরু-মুখপদ্ম বাক্য,

হৃদি করি মহা শকা,

আর না করিহ মনে আশা ।

শ্রীগুরু-চরণে রতি,

এই সে উত্তম-গতি,

যে প্রসাদে পূরে সর্ব আশা ॥ ৪ ॥

বাক্য—কৃষ্ণভক্তি-প্রেমরস-তত্ত্বোপদেশরূপ বাক্যম্ । মহা-  
শকা—শ্রীকৃষ্ণ প্রাপণশক্তিয়োগাম্ । উত্তমগতি—উত্তমা চার্মো  
গতিশ্চেতি উত্তমগতিঃ । যদ্বা উত্তমগতি—প্রাপ্যবস্তূনাং শ্রেষ্ঠং;  
শ্রীরাধাপ্রাণবন্ধোশচরণকমলয়োঃ সম্বাহনাদিরূপা প্রেমসেবা ।  
যে প্রসাদে পূরে সর্ব আশা—শ্রীবৃন্দাবনে মণি-নিকুঞ্জ-মন্দিরে  
শ্রীরাধাকৃষ্ণয়োশ্চামব-ব্যজন পাদসম্বাহনাদিরূপা আশা যস্য  
প্রসাদেন পূর্ণা স্মাৎ ॥ ৪ ॥

সিদ্ধা উত্তমা ভক্তি । এই উত্তমা ভক্তির আশ্রয় একমাত্র শ্রীগুরু-  
দেব । বন্দেঁ মূঞি সাবধান মনে—মূঞি—আমি, ভক্তি-স্বভাবে  
অত্যন্ত দীনতা হেতু নিজের অপকর্ষ সূচনা করতঃ ‘মূঞি’ শব্দের  
প্রয়োগ করিয়াছেন । আমি সাবধান মনে পূর্বেক্ল রূপ গুরু-  
দেবের চরণকমল বন্দনা করি । সাবধান মনে অগ্ণাভিলাষিতা  
শূন্য হইয়া শ্রীগুরু তত্ত্বের ও প্রাপ্য বস্তু শ্রীকৃষ্ণদাস্ত্রের অনুসন্ধান  
যুক্ত মনে শ্রীগুরুদেবকে বন্দনা করিতে হইবে । ‘সাবধান মনে’  
এরূপ পাঠান্তরও দৃষ্ট হয়, তাহা সমীচীন নহে । কারণ অব-  
ধানের সহ এই অর্থে সাবধান, তৎপর ‘সনে’ (সহ) শব্দের  
প্রয়োগে দ্বিভুক্তি দোষ ঘটে ॥ ৩ ॥

চক্ষুদান দিলা যেই,

জন্মে জন্মে প্রভু সেই.

দিব্যজ্ঞান হৃদে প্রকাশিত ।

চক্ষুদান ইত্যাদি—সংসারার্ণব-তারণ-পূর্বকং চক্ষু-  
মোচয়িত্বা পরতত্ত্বালোকনযোগ্যে দিব্যচক্ষুর্যেন দত্তম্ । দিব্যজ্ঞান  
ইত্যাদি—কৃষ্ণদীক্ষাদি-শিক্ষণ-রূপং দিব্যজ্ঞানং হৃদি প্রকাশিতং  
যৎপ্রসাদাদিত্যি শেষঃ । প্রকাশিত ইতি ভাবে ক্তঃ । বেদে গায়

শ্রীগুরুদেব শ্রীকৃষ্ণ-ভক্তিতত্ত্ব ও প্রেমরস-তত্ত্ব উপদেশ  
করিয়া থাকেন । শ্রীগুরুদেবের মুখনিঃসৃত এই উপদেশ-বাক্য  
মহাশকা অর্থাৎ শ্রীকৃষ্ণপ্রাপ্তি করাইতে শক্তি-যুক্ত । অতএব  
শ্রীকৃষ্ণপ্রাপ্তির নিমিত্ত যাঁহারা লুক, তাঁহারা সর্ব্বাগ্রে শাস্ত্রসম্মত  
শ্রীগুরুবাক্য হৃদয়ে ধারণ করুন ।

“হৃদি করি মহাশকা” স্থলে পাঠান্তর “হৃদয়ে করিয়া  
ঐক্য” ইহার অর্থ -শ্রীগুরুদেব শিষ্যকে মঞ্জুরীরূপ নিতাম্বরূপানু-  
সন্ধানাত্মক যে উপদেশ বাক্য বলিয়াছেন, সেইটি একান্তভাবে  
হৃদয়ে ধারণ করিয়া । “যে প্রসাদে পূরে সর্ব্ব আশা” এস্থলে  
‘সর্ব্ব আশা’ পদের অর্থ—শ্রীবৃন্দাবনে মণি মাণিক্য খচিত নিকুঞ্জ  
মন্দিরে শ্রীরাধাকৃষ্ণের চামর বাজন-পাদসম্বাহনাদি সেবা প্রাপ্তির  
লালসা । শ্রীগুরুদেব যাঁহারা প্রতি প্রসন্ন হন, শ্রীরাধাকৃষ্ণও  
তাঁহারা প্রতি প্রসন্ন হন, “যস্য প্রসাদাৎ ভগবৎ-প্রসাদঃ”, সূত্রঃ  
শ্রীগুরুকৃপাতেই শ্রীরাধাকৃষ্ণের প্রেম-সেবা লাভ হয় ॥ ৪ ॥

প্রেমভক্তি যাহা হৈতে,

অবিद्या বিনাশ যাতে,

বেদে গায় যাহার চরিত ॥ ৫ ॥

ইত্যাদি--বেদকর্তৃক-তচ্চরিত্রগানম্। যথা--সর্ববেদান্তসার-শ্রীভাগ-  
বতে আচার্য্যং মাং বিজানীয়াদিতি । আচার্য্যবান্ পুরুষো বেদে-  
ত্যাঙ্গি শ্রুতেশ্চ । আচার্য্যো দেবো ভবেদিত্যাঙ্গাশ্চ ॥ ৫ ॥

শ্রীকৃষ্ণ আমার প্রভু “আমি শ্রীকৃষ্ণের নিতাদাস” এই নিজ  
স্বরূপটি জীব অনাদিকাল হইতে ভুলিয়া গিয়াছে । সেই অব-  
কাশে শ্রীভগবানের বহিরঙ্গা মায়াশক্তি জীবকে অনাত্মভূত  
অবিद्या রচিত এই জড়দেহে আমিত্ব বুদ্ধি ঘটাইয়া দিয়া অনন্ত  
সংসার চুঃখে নিবদ্ধ করিয়াছে । সেই সংসার চুঃখে হইতে জীবকে  
উদ্ধার করতঃ স্বরূপে অবস্থিত করিতে সমর্থ একমাত্র শ্রীগুরুদেব ।  
চক্ষুদান দিল যেই—যিনি জীবের চর্মচক্ষু মোচন করিয়া অবিद्याর  
আবরণ (বৈমুখ্যদোষ) ঘুচাইয়া ভগবৎ সান্নুখ্য বিধান বা প্রেম-  
কঙ্কলে রঞ্জিত ভক্তিনেত্রের বিকাশ করিয়া দিলেন । দিব্যজ্ঞান—  
শ্রীকৃষ্ণ দীক্ষাদি-শিক্ষণরূপ দিব্যজ্ঞান যাহার কৃপায় হৃদয়ে প্রকাশ  
পান ( দিব্যজ্ঞানং যতো দৃঢ়াৎ কুর্ঘ্যাৎ পাপস্ত্য সংক্ষয়ম্ । তস্মা-  
দীক্ষেতি সা প্রোক্তা দেশিকৈস্তত্ত্বকোবিদৈঃ । শ্রীহরি ভক্তিবিনাস)  
এই কৃষ্ণদীক্ষাতে শ্রীকৃষ্ণের সহিত জীবের সম্বন্ধাত্মক জ্ঞান বিকাশ  
পায়, ইহাষ্ট দিব্যজ্ঞান শব্দের নিষ্কর্মার্থ । জন্মে জন্মে প্রভু—  
জীবের মায়াময় জগতের জন্মে অবিद्याর আবরণ অপসারণ

করিতে সমর্থ, আর মায়াতীত শ্রীব্রজমণ্ডলে আহীরী গোপগৃহের জন্মে শ্রীরাধাগোবিন্দের প্রেমসেবায় নিযুক্ত করিতে সমর্থ। অতএব কি সাধনাবস্থা কি সাধ্যাবস্থা সকল সময়েই শ্রীগুরু প্রভু অর্থাৎ সেবা।

প্রেমভক্তি যাহা হৈতে—যে শ্রীগুরুর প্রসাদ লব্ধ সম্বন্ধ-জ্ঞান হইতে শ্রীকৃষ্ণে মমতা বা প্রীতিভক্তি প্রকাশ পাইয়া থাকেন এবং মমতাহেতুক নিত্যপরিকর শ্রীব্রজবাসীজন হইতে সুরসরিৎ-প্রবাহের স্রায় গুরু-প্রণালীর ভিতর দিয়া প্রেমভক্তি হৃদয়ে উদ্ভিত হয়েন। অবিद्या বিনাশ যাতে সাধনভক্তি হইতেই যে অবিद्या বিনাশ হইতে থাকে, তাহা অরুণোদয়ে অন্ধকার নাশ-আরম্ভের মত; বস্তুতঃ প্রেমভক্তিরূপ সূর্য্য-উদয়েই সম্পূর্ণ অবিদ্যারূপ তম নাশ হইয়া থাকে। অবিद्या - অনাদি ভগবদ্বেমুখ্য জন্ম মায়াবৃত্তিবিশেষ অর্থাৎ যদ্বারা অধরূপভূত দেহে আমিত্ব বুদ্ধি ও ধর্ম-অর্থ কাম মোক্ষাদিতে স্বস্বস্থ বাসনা জন্মে, তাহার নাম অবিद्या। এবং ভগবদ্ভজনে প্রবৃত্ত সাধকের ভজনবিঘাতক অনর্থও ( অবিদ্যাকার্য্য বলিয়া ) অবিद्या সংজ্ঞায় পরিগণিত। অনর্থ চারি প্রকার যথা-দুষ্কতোখ, সুকুতোখ, অপরাধোখ ও ভক্ত্যুখ। তন্মধ্যে অবিद्या, অস্মিতা ( আমি কর্তা' অভিমান), রাগ ( বিষয়াসক্তি ) ও ছুরভিনিবেশ- এই সকল ক্রেশের নাম দুষ্কতোখ অনর্থ। বিবিধ ভোগাভিনিবেশের নাম সুকুতোখ অনর্থ। | নামাপরাধই অপরাধোখ অনর্থ বলিয়া অভিহিত।

**নামাপরাধ**—যথা—১। বৈষ্ণব-নিন্দাদি বৈষ্ণবাপরাধ।  
 ২। শিবকে বিষ্ণু হইতে স্বতন্ত্র ঈশ্বর বলিয়া মনে করা। অর্থাৎ  
 শিবের স্বরূপ ও নাম-গুণাদি বিষ্ণু হইতে পৃথক্ (বিষ্ণুশক্তি  
 ব্যতীত স্বতন্ত্ররূপে সিদ্ধ) মনে করা। ৩। শ্রীগুরুদেবে মনুষ্য  
 বুদ্ধি প্রভৃতি অবজ্ঞা। ৪। বেদাদি শাস্ত্রের নিন্দা। ৫। শ্রীহরি-  
 নামে অর্থবাদ কল্পনা। ৬। শ্রীহরিনাম প্রভাবে পাপক্ষয় হইবে  
 এই বলে পাপে প্রবৃত্তি। ৭। ধর্মাদি সর্ববিধ শুভকর্মের  
 সহিত শ্রীনামকে তুল্য মনে করা। ৮। শ্রদ্ধাহীন, বিমুখ ও  
 শ্রবণে অনিচ্ছুক জনকে শ্রীনাম-উপদেশ করা। ৯। শ্রীনাম-  
 মাহাত্ম্য শ্রবণেও শ্রীনামে প্রীতি না করা। ১০। শ্রীনাম-বিষয়ে  
 অহংমমাদি-পর হওয়া অর্থাৎ আমি বহুতর নাম কীর্তন করি,  
 দেশদেশান্তরে নামকীর্তন আমারই প্রচারিত, আমার মত নাম  
 কীর্তন পরায়ণ কে আছে, নাম আমার জিহ্বাধীন- ইত্যাদি  
 অহঙ্কার করা। এই দশ প্রকার নামাপরাধ রূপ অনর্থ হইতে  
 সতত সাবধান থাকিবে।

মূলশাখা হইতে উপশাখার ন্যায় ভক্তি হইতে উদ্ভূত লাভ  
 পূজা প্রতিষ্ঠাদির নাম ভক্ত্যুৎসর্গ অনর্থ। এই চতুর্বিধ অনর্থের  
 নিবৃত্তি আবার পাঁচ প্রকার, যথা—একদেশবর্তিনী, বহুদেশবর্তিনী  
 প্রায়িকী, পূর্ণা ও আতান্তিকী। তন্মধ্যে ভজনক্রিয়ানন্তর অনর্থ  
 সকলের যে কথঞ্চিৎমাত্র নিবৃত্তি হইয়া থাকে, তাহাকে একদেশ-  
 বর্তিনী বুলিতে হইবে। নিষ্ঠা উৎপন্ন হইলে পূর্বাপেক্ষা অধিক

শ্রীগুরু করুণা-সিন্ধু,

অধম জনার বন্ধু,

লোকনাথ লোকের জীবন ।

হাহা প্রভু ! কর দয়া,

দেহ মোরে পদ ছায়া,

এবে যশঃ ঘুষুক ত্রিভুবন ॥ ৬ ॥

নিবৃত্তি হয়, ইহাকে বহুদেশবর্তিনী বলে । রতি-আবির্ভাবকালে প্রায় অধিকাংশই নিবৃত্তি হইয়া যায়, ইহার নাম প্রায়িকী । প্রেম আবির্ভাবে পূর্ণা এবং শ্রীভগবানের সাক্ষাৎ প্রেমসেবালাভেই আত্যন্তিকী নিবৃত্তি হইয়া থাকে । অবিচা ও তৎকার্য স্বরূপ অনর্থ সকল, সাধন-ভক্তি হইতে একদেশবর্তিনী প্রভৃতি ক্রমানুসারে নিবৃত্ত হইতে আরম্ভ করিয়া প্রেমভক্তি আবির্ভাবের পরই সম্পূর্ণরূপে নিবৃত্ত হইয়া যায়—“যদি হয় প্রেমভক্তি তবে হয় মনঃশুদ্ধি” । বেদে গায়—পূর্বেক্ত গুরু-মহিমা শুধু যে শ্রীল ঠাকুরমহাশয় বলেন তাহা নহে, বেদ এবং বেদানুগত শাস্ত্র—সকলেই শ্রীগুরু-মহিমা কীর্তন করেন যথা—“আচার্য্যং মাং বিজানীয়াৎ” শ্রীগুরুকে মদীয় ধরূপ বলিয়া জানিবে ইত্যাদি ॥৫॥

শ্রীগুরুমহিমা কীর্তন করিতে করিতে এক্ষণে তদীয় চিত্তাকর্ষক গুণ বর্ণন করিতেছেন—শ্রীগুরু ইত্যাদি । করুণা—পরতুঃখকাতরতা, করুণাসিন্ধু—কৃপার সাগর, অসীম করুণাময় । জীবের তুঃখ দর্শনে জীবকে অদেয় প্রেম-সম্পত্তি প্রদানপূর্বক সুখী করেন । শ্রীকৃষ্ণ যোগ্য পাত্রে করুণা করেন, কিন্তু অপরাধ

ঘটিলে তাহার নিকট হইতে সরিয়া যান । শ্রীগুরু এত কৃপালু যে, জীবের সকল দোষ ক্ষমা করিয়া ভক্তি-সম্পত্তি রক্ষার যোগ্যতা প্রদান করেন । এজন্য সর্ব্বাপেক্ষা কৃপালু বলিয়া শ্রীগুরুকে করুণাসিন্ধু বলিয়াছেন । যিনি আপনাকে অতি দুর্গত বলিয়া মনে করেন, তিনিই গুরুকৃপা লাভের যোগ্য, এই অভি-প্রায়ে বলিয়াছেন - “অধম জনার বন্ধু” । শ্রীল ঠাকুর মহাশয়ের দীক্ষাগুরু শ্রীপাদ লোকনাথ গোস্বামী । “লোকের জীবন” বলিতে জীবের ভক্তিমার্গে স্থিতি রক্ষাকারী । “জীবেত যো মুক্তিপদে স দায়ভাক্” এই শ্লোকের “জীবেত” পদে শ্রীজীব গোস্বামীচরণ “অত্র জীবত্বং ভক্তিমার্গস্থিতত্বং জ্ঞেয়ং” এরূপ ব্যাখ্যা করিয়াছেন ; অতএব ভক্তিমার্গে অবস্থানই জীবের জীবন অন্বেষণ মরণ । শ্রীগুরুমহিমা বর্ণন করিতে করিতে আর্তিস্মরণ হেতু বলিতেছেন—‘হা হা’ ! প্রভু অযোগ্য পাত্রকেও কৃপাশুণ ধারণের যোগ্য করিতে সমর্থ । পদছায়া—পদাশ্রয় । ছায়া শব্দের প্রয়োগ দ্বারা এরূপভাবে আশ্রয় প্রার্থনা করিতেছেন যে, সংসারের ত্রিতাপ-জ্বালায় যেন আমাকে আর দক্ষীভূত হইতে না হয়, ঈদৃশরূপে শ্রীকৃষ্ণমাধুর্য্যে অভিনিবেশ জন্মাইয়া আশ্রয় প্রদান করুন ॥ ৬ ॥

বৈষ্ণব-চরণরেণু,

ভূষণ করিয়া তনু,

যাহা হইতে অনুভব হয় ।

মার্জন হয় ভজন,

সাধুসঙ্গে অনুক্ষণ,

অজ্ঞান-অবিद्या-পরাজয় ॥ ৭ ॥

জয় সনাতন রূপ,

প্রেম-ভক্তিরসকূপ,

যুগল-উজ্জলরস তনু ।

যাহা হইতে—যস্মাৎ বৈষ্ণবচরণরেণুভূষণাৎ । অজ্ঞান-  
অবিद्या—চতুর্বর্গবাঞ্জা-তদ্রূপা অবিद्या ॥ ৭ ॥

### শ্রীবৈষ্ণব-মহিমা ।

বৈষ্ণবচরণরেণু অঙ্গের ভূষণ করিলে, তাহা হইতে অনুভব  
অর্থাৎ সম্বন্ধতত্ত্ব শ্রীকৃষ্ণ, প্রয়োজনতত্ত্ব প্রেম ও অভিধেয় সাধন-  
ভক্তি—এই তিনের উপলব্ধি হইয়া থাকে । অজ্ঞান অবিद्या—  
ধর্ম-অর্থ-কাম-মোক্ষ এই চতুর্বর্গ বাঞ্জাই জীবের অজ্ঞান, সেই  
অজ্ঞানরূপা অবিद्या । নিতাকৃষ্ণদাস জীবের প্রার্থনীয় একমাত্র  
নিজপ্রভু শ্রীকৃষ্ণের সেবাসুখ ইহাই পরম পুরুষার্থ । জীব সেইটি  
ভুলিয়া নিজ সুখের নিমিত্ত যে চতুর্বর্গ বাঞ্জা করে, ইহাই জীবের  
অজ্ঞান । এই অজ্ঞানতম বা কৈতব—অবিद्या কার্য সাধুভক্তের  
সঙ্গ প্রভাবে শ্রীভগবদ্ব্যনুধতা সম্পাদন এবং তৎসঙ্গে অবিद्या ও  
তৎকার্য—অজ্ঞানতম বিদূরিত হয় ॥ ৭ ॥

যাহার প্রসাদে লোক,

পাশরিল দুঃখশোক,

প্রকট কলপতরু জন্ম ॥ ৮ ॥

## শ্রীরূপসনাতন-মহিমা ।

চেষ্টী-অঙ্গ ভজনের মধ্যে যদিও নামসংকীৰ্ত্তন অন্তর্ভূত আছে, তথাপি অগাঢ় অঙ্গ হইতে উৎকর্ষ বর্ণনের নিমিত্ত যেমন পুনরায় নাম সঙ্কীৰ্ত্তনের উল্লেখ করিয়াছেন, সেইরূপ “বৈষ্ণবচরণ-রেণু” ইত্যাদি ত্রিপদীতে বৈষ্ণব মাত্রের উৎকর্ষ বর্ণন করিয়া পুনরায় শ্রীরূপ সনাতনের সর্বাপেক্ষা উৎকর্ষ খ্যাপনের নিমিত্ত বলিতেছেন—“জয় সনাতনরূপ” ইত্যাদি। “বৈষ্ণবচরণরেণু” এই ত্রিপদীতে সাধারণভাবে সখাবাৎসল্যাদি সমস্ত রসের বৈষ্ণব-গুণই উল্লিখিত হইয়াছেন। ভক্তিরস প্রধানতঃ পঞ্চবিধ যথা— শান্ত, দাস্ত, সখা, বাৎসল্য ও উজ্জল বা মধুর। তন্মধ্যে শান্তের গুণ কৃষ্ণনিষ্ঠা, দাস্তের সেবা, সখ্যের অসঙ্কোচ-বিহার, বাৎসল্যের স্নেহ বা লালন, উজ্জলরসের গুণ নিজাঙ্গসঙ্গদানে সেবা। পূর্ব পূর্ব রসের গুণ পর পর রসে থাকা হেতু এই রস সকলের উত্ত-রোত্তর উৎকর্ষ বৃদ্ধিতে হইবে। উজ্জলরসে পাঁচটি গুণ থাকাতে উজ্জলরসই সর্বাপেক্ষা উৎকৃষ্ট। উজ্জলরনের পরিকরণে মধ্যেও ঘাঁহারা শ্রীরাধিকার যুখে অবস্থিত, তাঁহারাই যুগলকিশোর শ্রীরাধামদনমোহনের অসমোর্দ্দমাধুর্যা আশ্বাদনে ধন্য হইয়া থাকেন। তন্মধ্যেও আবার শ্রীরাধাধারীণীর কিঙ্করীগণের আশ্বাদনই

প্রেমভক্তি রীতি যত,

নিজগ্রন্থে স্বেকত,

লিখিয়াছে তুই মহাশয় ।

যাহার শ্রবণ হৈতে,

পূরানন্দ হয় চিতে,

যুগল মধুরসাস্রয় ॥ ৯ ॥

দ্বাভ্যাং মহাশয়াভ্যাং শ্রীরূপসনাতনাভ্যাং সর্বপ্রেমভক্তি-  
রীতিব্যক্তং যথা স্মাং তথা নিজগ্রন্থে লিখিতা । তৎশ্রবণাং  
ভক্তানাং চিত্তং প্রেমানন্দরূপসমুদ্রে প্লু তং স্মাং ॥ ৯ ॥

সর্ব্বাতিশায়ী ও অতীব বিচিত্র । যেহেতু সখীগণ পর্য্যন্ত শ্রীরাধা-  
মাধবের যে সকল রহোলীলা দর্শন করিতে পান না, কিঙ্করীগণ  
সেই সকল অসমোদ্ধমধুরিমোক্ষিচ্ছটাবিলসিত লীলারসবারিধিতে  
স্নাত হয়েন এবং শ্রীরাধিকারূপ কল্পলতিকার মঞ্জরী-(অবিক-  
শিত কুসুমকলিকা) স্বরূপা এই কিঙ্করীগণের অঙ্গে শ্রীরাধিকার  
অঙ্গস্থিত বিলাসচিহ্ন সকল বিকাশ পাইয়া থাকে । এজন্য  
শ্রীরাধারাগীর কিঙ্করীরূপে শ্রীরূপ মঞ্জরী ও শ্রীলবঙ্গমঞ্জরী নামে  
অভিহিত শ্রীরূপসনাতনই যুগল-উজ্জলরসের শ্রেষ্ঠ আপাদক ।  
তাই বলিয়াছেন । “যুগল-উজ্জলরসতনু”—যুগল উজ্জলরসবিভা-  
বিত-কলেবর ।

শ্রীরূপসনাতনকে প্রেমভক্তিরসসাগর না বলিয়া প্রেমভক্তি-  
রসকূপ বলিবার তাৎপর্য্য এই—সাগরে অগ্ণাণ নদনদীর জল

মিশ্রিত থাকে, কিন্তু কূপজলে তাহা না থাকায় কূপজল যেমন স্বরূপে অবস্থিত, তেমন শ্রীরূপ সনাতন প্রচারিত প্রেমভক্তিরসে জ্ঞান-যোগাদি রূপ নদনদীর মিশ্রণ না থাকায়, এই প্রেমভক্তি-রসই স্বরূপে অবস্থিত অর্থৎ বিশুদ্ধ। এজন্য সাগর না বলিয়া কূপ বলিয়াছেন। এবং রসকূপ বলিবার আরও তাৎপর্য এই,— গ্রীষ্মকালের প্রচণ্ড মার্ত্তও তাপে সম্ভূত পিপাসু ব্যক্তি নদনদীর জল পান করিয়া সুশীতল হইতে পারে না। কারণ তখন সমস্ত জলাশয়ের জলই উত্তপ্ত হয়, কিন্তু কূপের জল অতিশয় শীতল থাকে, অতএব পিপাসু ব্যক্তিকে সুশীতল করিতে তখন যেমন কূপই সমর্থ, সেই প্রকার ভীষণ কলিকালে ত্রিতাপসম্ভূত জীব-গণের শোকমোহাদি জ্বালা নির্বাপণে জ্ঞান যোগাদি সমর্থ নহে। যেহেতু জীবের সংসার ক্ষয় বা মায়া নাশ না হইলে, জ্ঞান যোগাদি শোকছঃখ নষ্ট করিতে পারে না। এই ভক্তিমার্গ কিন্তু মায়া রাজ্যের ভিতরে অবস্থিত জীবকেও শ্রীকৃষ্ণমাধুর্য্যরস আশ্বাদন করাইয়া জীবের শোকছঃখাদি সংসারজ্বালা নাশ করিতে সমর্থ। সেই সুশীতল মাধুর্য্যময় প্রেমভক্তি-রসের আশ্রয় বলিয়া শ্রীরূপসনাতনকে রসকূপ বলিয়াছেন, কারণ তাঁহাদের কূপায়ই অত্যাধিক জীব তাঁহাদের গ্রন্থরূপ রস-কূপে ডুবিয়া শোকছঃখাদি ভুলিয়া ভক্তিরস আশ্বাদনে পরিতৃপ্ত হয়। এজন্য বলিয়াছেন, ইহারা প্রকট কল্পতরু - মূর্ত্তিমান্ প্রেমভক্তি-কল্পতরু, অতএব ইহাদের চরণাশ্রয় পরম মঙ্গলপ্রদ ॥ ৮ ॥

যুগলকিশোর প্রেম,

লক্ষবাণ যেন হেম,

হেন ধন প্রকাশিলা যারা।

জয় রূপ সনাতন,

দেহ মোরে এই ধন,

সে রতন মোর গলে হারা ॥ ১০ ॥

সে রতন মোর গলে হারা—তেন প্রেমরত্নেন কণ্ঠে হারু  
করবাণীতি ভাবঃ ॥ ১০ ॥

প্রেমভক্তিপ্রাপ্তির সাধনরীতি এবং প্রেমভক্তিপ্রাপ্ত সিদ্ধ-  
ভক্তগণের রীতিসকল শ্রীরূপ ও শ্রীসনাতন এই দুই মহাশয় ভক্তি  
রসামৃতসিন্ধু, উজ্জলনীলমণি, ললিতমাধব, বিদগ্ধমাধব, দানকেলি  
কৌমুদী, সুবমালা প্রভৃতি ও শ্রীবৃহত্তাগবতামৃত প্রভৃতি নিজ  
প্রকাশিত শ্রীগ্রন্থসমূহে সুবেকত—সুন্দররূপে ব্যক্ত ( পরিস্ফুট )  
করিয়া লিখিয়াছেন। এই সকল শ্রীগ্রন্থ শ্রবণ-কীৰ্ত্তন করিতে  
করিতে ভক্তগণের চিত্ত শ্রীরাধামাধব যুগলের মধুররসাস্রিত  
প্রেমানন্দ সিদ্ধিতে আত্মমগ্ন হয়। অতএব যুগল উজ্জলরস-পিপাসু  
সাধকের এই সকল শ্রীগ্রন্থানুশীলন একান্ত আবশ্যিক। শ্রীরূপ  
সনাতন শ্রীরাধারাবীর চরণাশ্রিত, এজন্ত শ্রীরূপসনাতনকে  
“মহাশয়” আখ্যায় অভিহিত করিয়াছেন—“রাধিকাচরণাশ্রয় যে  
করে সেই মহাশয়” ॥ ৯ ॥

লক্ষবাণ—লক্ষবার পুটিত ( অগ্নিতে দগ্ধ ) সুবর্ণের ভিতর  
যেমন বিন্দুমাত্র খাদ মিশ্রিত থাকেনা এবং তাহার উজ্জলতা

ভাগবত শাস্ত্র মর্শ্ব,

নববিধ ভক্তিধর্ম,

সদায়ই করিব সুসেবন।

অন্যদেব্যাশ্রয় নাই,

তোমাতে কহিল ভাই।

এই ভক্তি পরম কারণ ॥ ১১ ॥

যেমন সমধিক বর্দ্ধিত হয় ; সেইরূপ যুগল কিশোর বিধয়ক প্রেম অতি সুনির্মল, তাহাতে স্বসুখানুসন্ধানের লেশমাত্রও নাই। ষাঁহারা শ্রীগ্রন্থ প্রণয়ন দ্বারা সেই উজ্জ্বলরসময় প্রেমসম্পত্তি জগতে প্রকাশ করিয়া রাখিয়াছেন, সেই শ্রীরূপসনাতন জয়যুক্ত অর্থাৎ মর্কোৎকর্ষের সহিত বিরাজমান আছেন। হে পরমকুপালু শ্রীরূপসনাতন ! মাদৃশ ধনহীনকে সেই প্রেমমহাধন প্রদান করিয়া আরও তোমাদের কুপার উৎকর্ষ আবিষ্কার কর। তোমরা কুপা করিয়া সেই প্রেমমহারত্ন দ্বারা আমার কণ্ঠে হার পরাইয়া দাঁও ॥ ১০ ॥

### বিশুদ্ধা ভক্তি ও তদনুষ্ঠানক্রম।

শ্রীরূপসনাতনের প্রচারিত শ্রবণকীর্তনাদি নববিধ ভক্তি ধর্ম, শ্রীমদ্ভাগবতশাস্ত্রের সার মর্শ্ব। সুতরাং এই ভক্তিধর্মই সতত আশ্বাদনীয়। কে ভাই মন ! ব্রহ্মরুদ্ৰাদি অন্যান্যদেবতার আশ্রয় না লইয়া একান্তভাবে কৃষ্ণাশ্রিত হইয়া এই নববিধ ভক্তি-ধর্মের অনুষ্ঠানই পরমকারণ—প্রেমভক্তি লাভের শ্রেষ্ঠ উপায় বা সাধন ॥ ১১ ॥

সাধু-শাস্ত্র-গুরু বাক্য,

হৃদয়ে করিয়া ঐক্য;

সতত ভাসিব প্রেমমাঝে ।

কর্মা জ্ঞানী ভক্তিহীন,

ইহারে করিবে ভিন,

নরোত্তম এই তত্ত্ব গাজে ॥ ১২ ॥

নববিধ সাধনভক্তি অনুষ্ঠানকারী সাধকের কি রীতিতে চলিতে হইবে, তাহাই বলিতেছেন সাধু, শাস্ত্র ও গুরু এই তিনের বাক্য চিত্তে মিলাইয়া লইয়া গ্রহণ করিতে হইবে। এই তিনের একমত থাকিলে সেই বাক্যই গ্রহণীয়, তিনের মধ্যে দুইয়ের ঐক্যমত হইলে সে বাক্যও আচরণীয়। যদি শাস্ত্রের সহিত গুরুবাক্যের ঐক্য হয়, সাধুবাক্যের ঐক্য না হয়, তবে গুরু বাক্যই গ্রহণ করিবে; সাধুবাক্যে অবজ্ঞাবুদ্ধি না করিয়া মনে করিবে—আমি ইহার মর্ষ্য বৃত্তিতে অসমর্থ। এইরূপ শাস্ত্রের সহিত সাধুবাক্যের ঐক্য হইলে, গুরুবাক্যের ঐক্য না হইলে, সাধুবাক্যই গ্রহণ করিবে; গুরুবাক্যে অবজ্ঞা বুদ্ধি না করিয়া পূর্ববৎ মনে করিবে। ফলকথা শ্রীকৃষ্ণপ্ৰীতির অনুকূল বাক্য সকলই গ্রহণীয় আর প্রতিকূল বাক্য সকলই বর্জনীয়। কর্ম্মী জ্ঞানীর সঙ্গ বর্জন করিবে; যেহেতু তাহারা ভক্তিহীন। কর্ম্মী জ্ঞানী যদিও ভক্তির অনুষ্ঠান করে বটে তাহা কর্ম্মাদির ফলাভের নিমিত্ত মাত্র, শ্রীকৃষ্ণপ্ৰীতির নিমিত্ত নহে। অতএব শ্রীকৃষ্ণপ্ৰীতিতে তাৎপর্যশূন্য বলিয়া, তাহাদের অনুষ্ঠিত ভক্তি



সাধন-স্বরূপ লীলা,

ইহাতে না কর হেলা,

কায় মনে করিয়া সুসার ॥ ১৪ ॥

দণ্ডকারণ্যবাসি মুনয়ো বৃহদ্বামনোক্তশ্চ তয়শ্চ চন্দ্রকান্তিশ্চ

বিন্ধমঙ্গলাদয়শ্চ পূর্বমহাজনাঃ । ষড়্গোষ্ঠামিনশ্চ পরমহাজনাঃ ।

সুসার—সুসিদ্ধম্ ॥ ১৪ ॥

দণ্ডকারণ্যবাসী মুনিগণ, বৃহদ্বামনপুরাণোক্ত শ্ৰুতিগণ ও চন্দ্রকান্তি প্রভৃতি, শ্রীকৃষ্ণকে কান্তরূপে পাইবার নিমিত্ত লুক্ক হইয়া, কান্তা-  
 ভাব অবলম্বনে সাধন করিয়া গোপীদেহ লাভ করতঃ শ্রীকৃষ্ণের  
 প্রেমসেবা প্রাপ্ত হন । শ্রীবিন্ধমঙ্গল ঠাকুর, শ্রীরাধিকার সখীভাবে  
 লুক্ক হইয়া সখীভাব লাভ করিয়াছেন, ইনি সখীভাবের ও সখী-  
 বিশেষের অনুগত্য বিশিষ্ট সাধনরীতি প্রদর্শন করিয়া রাখিয়া-  
 ছেন । ইহারা শ্রীমন্মহাপ্রভুর পূর্ববর্তী বলিয়া পূর্ব মহাজন ।  
 আর পরবর্তী মহাজন শ্রীরূপসনাতনাদি ছয় গোষ্ঠামী ; ইহারা  
 গোপীদেহে শ্রীরাধিকার সেবাপরা কিঙ্করী বা মঞ্জরীরূপে বিরাজ-  
 মান । শ্রীরাধিকার কিঙ্করীভাবে লুক্ক সাধক, কিঙ্করীগণের ভাবের  
 ( প্রেমসেবা পরিপাটীর ) এবং কিঙ্করী বিশেষের অনুগত হইয়া  
 সাধনে রত থাকিবে—এই সাধনরীতি পরমহাজন ছয় গোষ্ঠামী  
 প্রদর্শন করিয়া রাখিয়াছেন ।

দ্বিবিধ মহাজনগণের সাধন ও সিদ্ধরীতি বিচার করিলে  
 জানা যায়, ঐহারা কান্তভাব প্রাপ্ত হইয়াছেন, তাঁহারা একাকী

অসৎ-সঙ্গ সদা তাগ,

ছাড় অন্ম গীতরাগ,

কর্ম্মী জ্ঞানী পরিহরি দূরে ।

কেবল ভকত-সঙ্গ,

প্রেমকথা রস রঙ্গ,

লীলাকথা ব্রজরসপুরে ॥ ১৫ ॥

(রাধাবিরহিত) কৃষ্ণকে উপভোগ করেন বলিয়া, পূর্ণ মাধুর্য্য আশ্বাদনে অসমর্থ। যাঁহারা সখীগণের প্রাপ্ত, তাঁহারা শ্রীরাধারমণ বা মদনমোহন শ্রীকৃষ্ণের পরিপূর্ণ মাধুর্য্য আশ্বাদন করেন। আর যাঁহারা শ্রীরাধিকার কিস্করী বা সেবাপরা মঞ্জরীভাব প্রাপ্ত হন, তাঁহারা যুগলকিশোরের পরিপূর্ণ মাধুর্য্য বা অন্মোগ্যসমুদ্ভাসিত রসোল্লাস ত আশ্বাদন করেনই। “এতদ্ভিন্ন তাঁহারা শ্রীরাধিকার অঙ্গজা বলিয়া, তাঁহাদের অঙ্গে শ্রীরাধিকার অঙ্গস্থিত বিলাস চিহ্ন সকলও প্রকাশ পায় এবং সখীগণেরও অগোচর রহোলীলা দর্শন ও তত্বচিত সেবা-সৌভাগ্যান্ধে বঞ্চিত হইয়া থাকেন।” এই অংশে সখীগণ হইতে মঞ্জরীগণের আশ্বাদনাধিক্য। এজন্য পরম করুণ শচীনন্দন শ্রীগৌরসুন্দর মহাভাব স্বরূপিণীর প্রেম ভাণ্ডারের সমুজ্জলরত্ন প্রদানের নিমিত্ত, এই কিস্করীভাবের উপাসনামার্গ শ্রীরূপসনাতনাদি গোস্বামীগণ দ্বারা প্রবর্ত্তন করিয়া রাখিয়াছেন। সুতরাং এই শেষোক্ত উপাসনামার্গই সমধিক মাধুর্য্য আশ্বাদনের হেতুভূত। এই সকল বিচার অবগত হইয়া সতত নিজাভিলষিত মহাজন কর্তৃক প্রদর্শিত ভজনরীতির অনুসরণ করিবে। নিজা-

যোগী হাসী কৰ্মী জ্ঞানী  
 অন্বেদেব-পূজক ধ্যানী  
 এইলোক দূরে পরিহরি ।  
 কৰ্ম ধৰ্ম ছুঃখ শোক,  
 যেবা থাকে অন্বে যোগ,  
 ছাড়ি ভজ গিরিবর-ধারী ॥১৬॥

অন্বেযোগ—স্ত্রী-পুত্র-বিষয়াসক্তিঃ ॥১৬॥

ভিলষিত পরিকর বিশেষের অনুগত ভাবে নীলাম্বরণ, এই  
 রাগানুগামার্গের প্রধান সাধনাজ্ঞ ॥ ১৪ ॥

পূর্বেকৃত সাধকগণের বিরূপ সঙ্গ বর্জনীয় এবং বিরূপ  
 সঙ্গ গ্রহণীয়, তাহাই বলিতেছেন—‘অসৎ’ শব্দে—অভক্ত এবং  
 ভক্ত হইয়াও ষাঁহারা স্ত্রীপরতন্ত্র—এই উভয় বৃত্তিতে হইবে,  
 ( স্ত্রী-সঙ্গী এক অসাধু কৃষ্ণভক্ত আর ) । ইহাদের সঙ্গ সর্বথা  
 পরিত্যাগ্য । কৰ্মী ও জ্ঞানীগণের সঙ্গ দূর হইতে পরিত্যাগ  
 করিবে এবং শ্রীকৃষ্ণ-নীলা-গুণবিষয়ক গীত ব্যতীত অন্বে গীত বর্জন  
 করিবে । কেবল ভক্ত—ষাঁহারা ভক্তির আবরক জ্ঞান কৰ্মাদি  
 পরিত্যাগ করিয়া কেবলা অর্থাৎ স্বরূপসিদ্ধা বিশুদ্ধা ভক্তির  
 অনুষ্ঠানে রত, একমাত্র তাঁহাদের সঙ্গ করিবে এবং রসময় ব্রজপুরে  
 হয় দেহ দ্বারা না হয় মন দ্বারা অবস্থিত হইয়া শ্রীষুগল-  
 কিশোরের প্রেমময় কথা ও রসরঙ্গপূর্ণ লীলা-প্রেমঙ্গে কালাতি-  
 পাত করিবে ॥ ১৫ ॥

তীর্থযাত্রা পরিশ্রম, কেবল মনের ভ্রম,  
 সর্বসিদ্ধি গোবিন্দ চরণ ।  
 দৃঢ় বিশ্বাস হৃদে ধরি, মদ মাৎস্যধা পরিহরি,  
 সদা কর অনন্ত-ভজন ॥ ১৭ ॥

সর্বসিদ্ধি-তীর্থযাত্রাদি-পুণ্যকর্মণাং সিদ্ধিঃ । মদ—  
 বিবেকহারী উল্লাসঃ । মাৎস্যধা—পরোৎকর্মা সহনম্ ॥ ১৭ ॥

যোগী—যম-নিয়মাদি অষ্টাঙ্গ যোগাভ্যাস রত । শ্রাসী—  
 মায়াবাদী সন্ন্যাসী । কর্মী—স্বর্গাদি সুখলাভ প্রত্যাশায় বেদোক্ত-  
 যজ্ঞাদি কর্মানুষ্ঠানে ও স্মৃতি শাস্ত্রোক্ত- নিতানৈমিত্তিক কর্মে অন্ত-  
 রুক্ত । জ্ঞানী—নির্ভেদ ব্রহ্মানুসন্ধান তৎপর অর্থাৎ জীব ও  
 ব্রহ্মের ঐক্যভাবনাকারী । অন্তদেব-পূজক-ধ্যানী ব্রহ্মরূপাদি  
 দেবতাকে স্বতন্ত্র ঈশ্বরজ্ঞানে পূজা ও ভাবনাকারী । এই সকল  
 লোক ভক্তি পথের পরিপন্থী, ইহাদের সঙ্গ দূর হইতে পরিত্যাগ  
 করিবে । কর্ম—পুণ্যাদিজনক । ধর্ম—বর্ণাশ্রমোচিত । শোক—  
 প্রাপ্তবস্তুর নাশ হেতু অনুতাপ । অন্তযোগ-স্ত্রী, পুত্র ও বিষয়াদির  
 প্রতি আসক্তি ॥ ১৬ ॥

শ্রীমথুরা দ্বারকাদি শ্রীভগবদ্ধাম ব্যতীত অন্ততীর্থে গমন,  
 ভক্তির অনুকূল নহে বলিয়া বৃথা পরিশ্রম ও মনের ভ্রান্তিমাত্র ।  
 শ্রীমথুরাদি কৃষ্ণতীর্থ বা ভগবদ্ধাম-সম্বন্ধে একরূপ বুদ্ধিতে হইবে না,  
 কারণ চৌষট্টি-অঙ্গ ভজন মধ্যে “কৃষ্ণতীর্থে বাস” একটি অঙ্গ ।

কৃষ্ণভক্ত-সঙ্গ করি,

কৃষ্ণভক্ত-অঙ্গ হেরি,

শ্রদ্ধাস্থিত শ্রবণ কীর্তন ।

অর্চন স্মরণ ধ্যান,

নবভক্তি মহাজ্ঞান,

এই ভক্তি পরম কারণ ॥ ১৮ ॥

নামলীলাগুণাদীনাং শ্রুতিঃ শ্রবণম্ । নামলীলাগুণাদীনাং  
মুখেন ভাষণং কীর্তনম্ । শুদ্ধিগ্রাসাদিপূর্বকোপচারাণাং মন্ত্ৰেণো-  
পপাদনমর্চনং । যথাকথঞ্চিৎমানসঃ সম্বন্ধঃ স্মরণম্ । স্মরণ-  
ভেদবিশেষঃ ধ্যানম্ । শ্রদ্ধাস্থিত ইতি সর্বত্রায়ম্ ॥ ১৮ ॥

নিখিল তীর্থের জন্মভূমি শ্রীগোবিন্দচরণ আশ্রয়েই সর্বতীর্থ-  
গমনের ফল সিদ্ধ হইয়া থাকে ॥ ১৭ ॥

শ্রদ্ধায়ুক্তভাবে শ্রবণেন্দ্রিয় দ্বারা নামলীলাগুণাদি গ্রহণ  
করার নাম শ্রবণ । শ্রদ্ধায়ুক্তভাবে নামলীলাগুণাদি স্ফুটরূপে  
উচ্চারণের নাম কীর্তন । ভূতশুদ্ধি ও অঙ্গগ্রাসাদি পূর্বক উপ-  
চার সকল মস্ত্রপূত করিয়া অর্পণের নাম অর্চন । নামলীলা-  
গুণাদির সহিত যথাকথঞ্চিৎ মানস সম্বন্ধের নাম স্মরণ । স্মরণেরই  
ভেদবিশেষের নাম ধ্যান । স্মরণের পাঁচটা ভেদ ; যথা—স্মরণ  
ধারণা, ধ্যান, ধ্রুবানুস্মৃতি ও সমাধি ।

তন্মধ্যে যৎকিঞ্চিৎ মানস অনুসন্ধানের নাম স্মরণ । অন্য  
সমস্ত বিষয় হইতে চিত্ত আকর্ষণ পূর্বক, একমাত্র ধ্যেয় বস্তুতে  
সামান্যাকারে মনোনিবেশের নাম ধারণা । বিশেষ ভাবে রূপাদি

হৃষীকে গোবিন্দ-সেবা,

না পূজিব দেবী দেবাং.

এই ত অনন্য ভক্তি - কথা ।

আর যত উপালন্ত,

বিশেষ সকলি দন্ত,

দেখিতে লাগয়ে মনে ব্যথা ॥১৯॥

দেবী—পার্বত্যাদয়ঃ । উপালন্ত—শ্রীকৃষ্ণ-কথা-শ্রবণ-

কীর্তনাদিব্যাতিরিক্তমন্যসর্বজ্ঞানং দন্তমাত্রমেব স্যাৎ ॥ ১৯ ॥

চিন্তনের নাম ধ্যান । অমৃত ধারার ন্যায় অনবচ্ছিন্নভাবে রূপাদি-  
চিন্তনের নাম ধ্রুবানুস্মৃতি । ধ্যেয়মাত্র স্মরণের নাম  
সমাধি ॥ ১৮ ॥

হৃষীক—ইন্দ্রিয় । গোবিন্দ - ( গো—ইন্দ্রিয় ) ইন্দ্রিয়  
সকলের অধীশ্বর বা হৃষীকেশ, ইহাই এস্থলে গোবিন্দ শব্দের  
শ্লেষার্থ । অতএব পার্বতী ও রুদ্রাদি অন্তদেবতাগণকে পৃথক্  
পূজা না করিয়া সর্বৈন্দ্রিয় দ্বারা একমাত্র শ্রীগোবিন্দসেবা করাই  
কর্তব্য ; এরূপ ভজনের নামই অনন্য ভক্তি । ধর্ম অর্থ কামাদি  
লাভের নিমিত্ত অন্ত দেবতার আরাধনায় প্রবৃত্তি অবিচার কার্য্য ।  
অতএব শ্রীকৃষ্ণ ভজন ব্যতীত জীবের যত কিছু কার্য্যে প্রবৃত্তি,  
তৎ সমস্তই অবিচার কল্পিত দেহাভিমানিতা হেতুক দন্তমাত্রে পর্য্য-  
বসিত । এইরূপ মায়াময় দন্ত দেখিয়া মনে বড় ব্যথা বোধ  
হয় ॥ ১৯ ॥

দেহে বৈসে রিপুগণ, যতেক ইন্দ্রিয়গণ,  
 কেহ কারো বাধা নাহি হয় ।  
 শুনিলে না শুনে কাণ, জানিলে না জানে প্রাণ,  
 দড়াইতে না পারি নিশ্চয় ॥ ২০ ॥  
 কাম ক্রোধ লোভ মোহ, মদ মাৎসর্যা দম্বু সহ,  
 স্থানে স্থানে নিযুক্ত করিব ।  
 আনন্দ করি হৃদয়, রিপু করি পরাজয়,  
 অনায়াসে গোবিন্দ ভজিব ॥ ২১ ॥

### ভক্তিপথের অন্তরায় ও তৎপ্রতীকার

দেহ মধ্যে যে কামক্রোধাদি রিপুগণ ও চক্ষুকর্ণাদি ইন্দ্রিয় গণ বাস করে, তাহারা কেহই অণু কাহারও বশীভূত হয় না । রিপুগণ ও ইন্দ্রিয়গণ আমার অবশীভূত বলিয়া “সর্বেন্দ্রিয় দ্বারা শ্রীগোবিন্দ সেবা করা কর্তব্য” ইহা আমি শ্রবণ করিলেও, আমার কৰ্ণ আবার অণু বিষয়ে ধাবিত হইতেছে এবং আমি উহা জানিলেও আমার মন জানিতেছে না = অণু বিষয়ে সঙ্কল্প বিবল্ল করিতেছে । একারণে—“শ্রীকৃষ্ণভজন করাই যে আমার কর্তব্য” ইহা আমি দৃঢ় নিশ্চয় করিতে পারিতেছি না ॥ ২০ ॥

এক্ষণে শ্রীকৃষ্ণ ভজন বিরোধী রিপুগণকে দমন করিবার উপায় বলিতেছেন । —শ্রীকৃষ্ণ সম্বন্ধীয় এক একটা বিষয়ে এক এক রিপুকে নিযুক্ত করাই রিপু দমনের শ্রেষ্ঠ উপায় । তাহা



কিবা বা করিতে পারে,                      কাম ক্রোধ সাধকেরে,  
যদি হয় সাধুজনার সঙ্গ ॥ ২৩ ॥

ক্রোধে বা না করে চিবা,                      ক্রোধ ত্যাগ সদা দিবা,  
লোভ মোহ এইত কখন ।

ছয় রিপু সদা হীন,                      করিব মনের অধীন,  
কৃষ্ণচন্দ্র করিয়া স্মরণ ॥ ২৪ ॥

আপনি পলাবে সব,                      শুনিয়া গোবিন্দ রব,  
সিংহরবে যেন করিগণ ।

সকলি বিপত্তি যাবে,                      মহানন্দ সুখ পাবে,  
যার হয় একান্ত ভজন ॥ ২৫ ॥

“মামেব যে প্রপত্তন্তে মায়ামেতাং তরন্তি তে” ইত্যনুসারেণ  
কৃষ্ণং স্মৃত্বা রিপুং বশে নয়েৎ ॥ ২৪ ॥

অনুশা—কামকে কৃষ্ণসেবায় নিয়োগ না করিলে, কাম  
স্বতন্ত্র—স্বাধীন থাকে, বশীভূত হয় না এবং অনর্থরূপ ধারণ  
করিয়া সর্বদা ভক্তিপথের বিঘ্ন উৎপাদন করে। যদি সর্বদা  
ভগবদ্ভক্ত সঙ্গে বাস করা যায়, তবে কাম ক্রোধ ক্রমশঃ পরাজিত  
হইতে থাকে, ভজনবিঘ্ন জন্মাইতে পারে না ॥ ২৩ ॥

লোভ মোহ এইত কখন—লোভ মোহ সম্বন্ধেও এই কথা  
জানিবে অর্থাৎ কাম ক্রোধবৎ লোভ মোহাদিও ভজন বিরোধী  
বলিয়া অবশ্য বর্জনীয়। হীন—তুচ্ছ, রিপুগণ মহসা উত্তেজিত

না করিহ অসৎ চেষ্টা, লাভ পূজা প্রতিষ্ঠা,  
 সদা চিন্তা গোবিন্দ-চরণ ।  
 সকলি বিপত্তি যাবে, মহানন্দ সুখ পাবে,  
 প্রেমভক্তি পরম কারণ ॥ ২৬ ॥

অসৎ ক্রিয়া কুটিনাটী, ছাড় অণু পরিপাটী,  
 অণুদেবে না করিহ রতি ।  
 আপন আপন স্থানে, পিরীতি সভায় টানে,  
 ভক্তিপথে পড়য়ে বিগতি ॥ ২৭ ॥

অসৎক্রিয়া ছুষ্টক্রিয়াম্ অধর্মং ত্যজ ভক্তিপথে চলিতুং  
 ন সমর্থঃ স্ম্যৎ । সভায় সর্বজনান্ ইত্যর্থঃ ॥ ২৭ ॥

হইলে শ্রীকৃষ্ণকে স্মরণ করিবে ; তাহা হইলে রিপুর আক্রমণ  
 হইতে রক্ষা পাইবে । যেহেতু একান্তভাবে শ্রীকৃষ্ণ শরণাগতিই  
 মায়া ও তৎকার্য্য রিপুগণের হস্ত হইতে নিষ্কৃতি লাভের শ্রেষ্ঠ  
 উপায় ॥ ২৪-২৫ ॥

অভিধেয় সাধনভক্তি, প্রয়োজন প্রেম ও সম্বন্ধতত্ত্ব শ্রীকৃষ্ণ  
 —এই তিন ভিন্ন যত কিছু সব অসৎ । অতএব এই তিন সম্বন্ধীয়  
 চেষ্টা ব্যতীত, দেহদৈহিক অসৎ বস্তুতে অভিনিবেশ ও তৎসুখানু-  
 সন্ধান চেষ্টা এবং লাভ পূজা প্রতিষ্ঠা বাঞ্ছা ত্যাগ করিয়া সর্বদা  
 শ্রীকৃষ্ণচরণ চিন্তা করিবে । ইহাতে সাধকের সমস্ত বিপদ্ বিনাশ  
 ও পরমানন্দ লাভ হয়, ইহাই প্রেমভক্তি লাভের পরম উপায় ॥ ২৬

আপন ভজন-পথ, তাহে হবে অনুরত,  
 ইষ্টদেবস্থানে লীলাগান ।  
 নৈষ্ঠিক ভজন এই, তোমাতে কহিল ভাই,  
 হনুমান তাহাতে প্রমাণ ॥ ২৮ ॥

শ্রীনাথে জানকীনাথে চাভেদঃ পরমাত্মনি ।  
 তথাপি মম সর্বস্বং রামঃ কমললোচনঃ ॥২৯॥

অসংক্রিয়া—শ্রীকৃষ্ণ ভজন ব্যতীত অণু ছুষ্টক্রিয়া । অণু পরিপাটী—ভজনরীতিনীতি ভিন্ন দেহদৈহিক স্মৃথানুসন্ধান রীতিনীতি । ব্রহ্ম-রুদ্রাদি অণু দেবতার প্রতি স্বতন্ত্র ঈশ্বরজ্ঞানে রতি করিবে না । কারণ প্রীতির স্বভাব—নিজস্থানে আকর্ষণ করা । অতএব অণুদেবে প্রীতি করিলে সে প্রীতি নিজস্থান ( আলম্বন ) অণু দেবতার প্রতি অবশ্য আকর্ষণ করিয়া থাকে । ইহাতে সাধকের ভক্তিপথে অগ্রসর হওয়ার বিঘ্ন জন্মে, ঐ প্রীতি সাধককে আবদ্ধ করিয়া রাখে ॥ ২৭ ॥

### নৈষ্ঠিক ভজন—

নিজ ভজন পথে নিরন্তর রত থাকিবে । ইষ্টদেব-স্থানে—নিজাভিলষিত শ্রীভগবানের লীলাভূমি শ্রীবন্দাবনাদিতে, হয় দেহ দ্বারা না হয় মন দ্বারা অবস্থিত হইয়া তদীয় লীলাগান করিবে । রে ভাই মন ! ইহাই নৈষ্ঠিক ভজনের রীতি । নৈষ্ঠিক ভক্তের দৃষ্টান্তস্থল—শ্রীহনুমান্ ॥ ২৮ ॥

দেবলোক পিতৃলোক,

পায় তারা মহাসুখ,

সাধু সাধু বলে অনুক্ষণি ।

যুগল-ভজন যারা,

প্রেমানন্দে ভাসে তারা,

ত্রিভুবন তাহার নিছনি ॥৩৫॥

শ্রীনাথে লক্ষ্মীপতৌ শ্রীনারায়ণে, জানকীনাথে সীতাপতৌ  
শ্রীরামচন্দ্রে চ অভেদঃ স্বরূপতো ভেদো নাস্তি । যতঃ পরমা-  
অনি—দ্বৌ এব পরমাত্মনৌ ইত্যর্থঃ । তথাপি কমললোচনো রামো  
মম সর্বস্বঃ শ্রীরামচন্দ্রং বিনা মম কিমপি ধনং নাস্তীত্যর্থঃ ।  
অনেন স্বাভীষ্ট নিষ্ঠায়াঃ পরাবধিত্বং দর্শিতম্ ॥২৯॥

নৃত্যন্তি পিতরঃ সর্বে নৃত্যন্তি চ পিতামহাঃ । মদ্বংশে  
বৈষ্ণবো জাতঃ স মে ত্রাতা ভবিষ্যতি ॥ মঞ্চাঃ ক্রোশন্তীতিগ্ৰায়েন  
ত্রিভুবন শব্দেন ত্রিভুবন স্থিতা জনাঃ ॥ ৩০ ॥

শ্রীহনুমান্ বলেন, লক্ষ্মীপতি শ্রীনারায়ণ ও সীতাপতি  
শ্রীরামচন্দ্র উভয়ই পরমাত্মা ; অতএব উভয়ের মধ্যে স্বরূপতঃ  
কোন ভেদ নাই । তথাপি কমললোচন শ্রীরামচন্দ্রই আমার  
সর্বস্ব ধন । সুতরাং ( স্বরূপতঃ উভয়ের মধ্যে কোন ভেদ না  
থাকিলেও ) আমি শ্রীরামচন্দ্র বৈ জানি না । ইহাতে শ্রীহনুমানের  
নিজাভীষ্ট শ্রীরামচন্দ্রে নিষ্ঠাপরাকাষ্ঠা দর্শিত হইল । এইরূপ  
অভীষ্টনিষ্ঠা একান্ত আবশ্যিক ॥ ২৯ ॥

পৃথক্ আবাস যোগ,

দুঃখময় বিষয়ভোগ,

ব্রজে বাস গোবিন্দ-সেবন ।

কৃষ্ণ-কথা কৃষ্ণ-নাম,

সত্য সত্য রসধাম,

ব্রজজনের সঙ্গে অনুক্ষণ ॥ ৩১ ॥

ব্রজভিন্নদেশে বাসো দুঃখরূপ-বিষয় ভোগ এব স্মাৎ ;  
ব্রজবাসস্তু শ্রীগোবিন্দস্তু সুখময়ভজনং স্মাৎ । তদভাবে মনসা  
বাসোহপি তদেব । শ্রীগোবিন্দভজনং বিনা ব্রজভূমাবপি বাসে  
সুখং নাস্তি । যথা শ্রীকৃষ্ণদাস কবিরাজোক্তো—

সন্দেহ হইতে পারে, নিজাভীষ্ট ব্যতীত অন্তদেবাদের পূজা  
যদি ত্যাগ করিতে হয়, তবে দেব-ঋষি পিতৃঋণাদি পরিশোধের  
উপায় কি ? এই আশঙ্কা পরিহারের নিমিত্ত বলিতেছেন—  
দেবলোক ইত্যাদি । যিনি অনন্তভাবে ( অন্তদেবারাধনা ত্যাগ  
করিয়া ) শ্রীকৃষ্ণ-ভজনে প্রবৃত্ত হন, তাঁহার ভজননিষ্ঠা দেখিয়া  
দেবলোক, পিতৃলোক সকলেই মহাসুখ পাইতে থাকেন । তাঁহাকে  
আর কেহই ঋণী রাখেন না । কারণ বৃক্ষের মূলে জল সিঞ্চন  
করিলে যেমন শাখাপল্লবাদি সব উৎফুল্ল হয়, সেইরূপ সর্বপ্রায়  
শ্রীকৃষ্ণকে ভজন করিলে, দেব ঋষি প্রভৃতি সকলেই পরিতৃপ্ত  
হন । পিতৃ-পিতামহগণ, আনন্দে নৃত্য করেন ও বলেন—অহো !  
আমার বংশে কৃষ্ণভক্ত জন্মগ্রহণ করিয়াছে, এ আমার ত্রাণকারী  
হইবে ॥ ৩০ ॥

বৃন্দাবনে কিমথবা নিজ মন্দিরে বা,  
 কারাগৃহে কিমথবা কনকাসনে বা ।  
 ঐন্দ্রম্ জজে কিমথবা নরকং ভজামি  
 শ্রীকৃষ্ণ-সেবনমৃতে ন সুখং কদাপি ॥

অনুক্ষণং ব্রজবাসি-ভক্তজনৈঃ সহ শ্রুতাঃ কীর্তিতা বা কৃষ্ণ-  
 কথা, তৈঃ সহ শ্রুতং কীর্তিতং বা কৃষ্ণনাম সত্যং রসধাম স্মৃৎ ॥ ৩১ ॥

আবাস-যোগ—বাসস্থান রচনা। ব্রজ ভিন্ন দেশসকল  
 মায়িক প্রপঞ্চ, এজন্য সে সকল দেশে যে সব ভোগ্য বিষয় আছে,  
 তাহা সমস্তই মায়িক উপাদানে গঠিত বলিয়া দুঃখময় । একারণে  
 ব্রজ ভিন্ন অন্য দেশে বাস করিলে দুঃখময় বিষয় সকল ভোগ  
 হইয়া থাকে । ব্রজবাসে সুখময় শ্রীগোবিন্দ ভজন হয় দেহ  
 দ্বারা ব্রজবাসে অসমর্থ হইলে মানসে বাস করিলেও শ্রীকৃষ্ণ  
 ভজন সুখ লাভ হয় । কিন্তু শ্রীগোবিন্দভজন না করিয়া সাফাৎ  
 ব্রজবাসেও সুখ নাই । এজন্য শ্রীপদ কবিরাজ গোস্বামী বলি-  
 য়াছেন,—“বৃন্দাবনেই বাস করি অথবা নিজ গৃহেই বাস করি,  
 কারাগৃহেই থাকি অথবা স্বর্ণাসনেই উপবিষ্ট হই, ইন্দ্রপদই লাভ  
 করি অথবা নরকেই গমন করি, শ্রীকৃষ্ণভজন বাতীত কোথাও  
 সুখ নাই ।”

ব্রজে বাস করিয়া নিরন্তর ব্রজজন সঙ্গে শ্রীকৃষ্ণের নাম  
 ও লীলাকথা শ্রবণকীর্তন করিলে উহা সত্য সত্যই রসধাম অর্থাৎ  
 পরমানন্দ আন্বাদনের হেতু হইয়া থাকে ॥ ৩১ ॥





তুমি ত পরম দেবা, নাহি মোরে উপেখিবা,  
 শুন শুন প্রাণের ঈশ্বর ।  
 যদি করেঁ অপরাধ, তথাপিহ তুমি নাথ,  
 সেবা দিয়া কর অনুচর ॥ ৩৬ ॥

কামে মোর হত চিত, নাহি জানে নিজ হিত,  
 মনের না ঘুচে দুর্ব্বাসনা ।  
 মোরে নাথ ! অঙ্গী কুরু, তুমি বাঞ্ছা কল্পতরু,  
 করুণা দেখুক সর্ব্বজনা ॥ ৩৭ ॥

মো-সম পতিত নাই, ত্রিভুবনে দেখ চাই,  
 “নরোত্তম-পাবন” নাম ধর ।  
 ঘুষুক সংসারে নাম, পতিত-পাবন শ্যাম,  
 নিজ দাস কর গিরিধর ॥ ৩৮ ॥

অশেষ অপরাধে অপরাধী হই, তথাপি তুমি আমাকে উপেক্ষা  
 করিতে পার না, যেহেতু তুমি ভিন্ন আমার শরণ্য আর কেহই  
 নাই । শ্রীল ঠাকুর মহাশয়ের এই সকল প্রার্থনা দ্বারা জানা  
 যাইতেছে যে, প্রেমভক্তিলিপ্সু সাধককে এইরূপ অননুভাবে  
 শ্রীকৃষ্ণের শরণাপন্ন হইতে হইবে ॥ ৩৫-৩৬ ॥

অঙ্গীকুরু—নিজ দাস্ত্রে গ্রহণ কর ॥ ৩৭ ॥

নরোত্তমপাবন - নরোত্তমের ত্রাণকর্ত্তা । ঘুষুক সংসারে  
 নাম - সাংসারিক জন সকল তোমার পতিতপাবন নাম ঘোষণা  
 করুক ॥ ৩৮ ॥





যুগল চরণ-সেবা, এই ধন মোরে দিবা,

যুগলেতে মনের পিরীতি ।

যুগল-কিশোর-রূপ, কামরতিগণ-ভূপ,

মনে রহ ও লীলা কি রীতি ॥৪৩॥

দশনেতে তৃণ ধরি, হা হা ! কিশোর কিশোরি !

চরণাজ্ঞে নিবেদন করি ।

ব্রজরাজ কুমার শ্যাম ! বৃষভানু কুমারী নাম,

শ্রীরাধিকা-রামা মনোহারি ॥৪৪॥

হে শ্রীরাধিকাদীনাং রামাণাং মনোহারিন শ্রীকৃষ্ণ ! ॥৪৪॥

অনুভব করেন, সেই সুখে সুখী হইয়া যাহারা শ্রীশ্রীরাধাকৃষ্ণ  
যুগলের ভজনে রত, তাঁহারা প্রেমানন্দে ভাসিতে থাকেন,—  
এই কথা আমার হৃদয়ে সতত জাগরুক থাকুক অর্থাৎ এই বিষয়ে  
আমার চিত্ত লুক্ক হউক : যেহেতু এই লোভই রাগানুগা ভক্তির  
মূল কারণ ॥৪২॥

যুগল কিশোর রূপ ইত্যাদি—ব্রজকিশোর শ্রীকৃষ্ণের রূপ  
কোটিকন্দর্পের রাজা এবং ব্রজকিশোরী শ্রীরাধিকার রূপ কোটি  
কোটি রতিরূপের রাজ্ঞী ; অর্থাৎ যুগলের রূপমাধুর্য্য সমীপে  
কোটি কোটি কন্দর্প ও রতির রূপ অতি তুচ্ছ ॥৪৩॥

শ্রীল ঠাকুর মহাশয় অন্তর্দর্শাতে শ্রীরাধামাধবের ক্ষুণ্ণিত্তি



আভরণ মণিময়,

প্রতি অঙ্গে অভিনয়,

( তছু পায় ) কহে দীন নরোত্তম দাস ।

নিশি দিন গুণ গাঙ,

পরম আনন্দ পাঙ,

মনে মোর এই অভিলাষ ॥৪৭॥

রাগের ভজন পথ,

কহি এবে অভিমত,

লোক-বেদ-সার এই বাণী ।

ক্ষুণ্ণিতে সাক্ষাৎকার লাভ করিয়া শ্রীরাধামাধবের মাধুর্য্য বর্ণন করিতেছেন । পরস্পরের অন্তরের ভাবে ( প্রেমে ) পরস্পর লুকু থাকায় স্বর্ণকান্তিধারিণী শ্রীরাধা ও নীলকান্তিধারী শ্রীকৃষ্ণকে অশ্রু পুলকাদি সাত্ত্বিক ভাবরূপ ভূষণ সকল শোভিত করিয়াছেন । নীলকান্তিধর শ্রীকৃষ্ণের প্রেমে বিভোরা শ্রীরাধা, শ্রীকৃষ্ণ অঙ্গ-কান্তিকে নিজ অঙ্গ ভূষণ করিবার অভিপ্রায়ে নীলবসন পরিধান করিয়াছেন । শ্রীকৃষ্ণ আবার হেমকান্তিধারিণী শ্রীরাধিকার প্রেমে বিভোর হইয়া তদীয় অঙ্গকান্তিকে স্বীয় অঙ্গভূষণ করিবার অভিপ্রায়ে পীতবসন পরিধান করিয়াছেন ॥৪৬-৪৭॥

### রাগানুগভক্তি রীতি ।

শ্রীল ঠাকুর মহাশয় এক্ষণে রাগানুগামার্গের ভজনরীতি বলিতেছেন । অভিমত শাস্ত্রসম্মত । লোকবেদসার—লোক—রাগমার্গীয় জনসকল, বেদ—গোপালতাপনী শ্রুতি প্রভৃতি, বেদান্তভাস্কররূপ শ্রীমদ্ভাগবত ও তদনুগত শাস্ত্রসমূহ—ইহার।

দখীর অনুগা হৈঞা,

ব্রজে সিন্ধু দেহ পাঞা,

এই ভাবে জুড়াবে পরানী ॥৪৮॥

লোকবেদ-সার এই বাণী—ইয়ং বাণী লোকবেদয়োঃ

সাররূপাঃ ॥৪৮॥

রাগানুগা ভজনরীতি বিষয়ে যাহা বলেন, শ্রীল ঠাকুর মহাশয়ের  
বাক্য তাহারই সার নিষ্কর্ষ, স্বকপোল কল্পিত নহে ।

রাগানুগা ভজনরীতি জানিবার পূর্বে আমাদের জানা  
আবশ্যক—“রাগানুগাভক্তি কাহাকে কহে ।” এই রাগানুগাভক্তি  
জানিতে হইলে, রাগ-লক্ষণ সর্বাগ্রে জানা প্রয়োজন । যথা—

ইষ্টে স্বারসিকী রাগঃ পরমাবিষ্টতা ভবেৎ ।

তন্ময়ী যা ভবেদ্ধক্তিঃ সাত্ত রাগাত্মিকোদিতা ॥

—ভঃ রঃ সিঃ ।

নিজাভীষ্টে স্বাভাবিকী প্রেমময়ী প্রগাঢ় তৃষ্ণার নাম রাগ  
—ইহাই রাগের স্বরূপ (ইষ্টে গাঢ় তৃষ্ণা স্বরূপলক্ষণ—শ্রীচৈঃচঃ) ।  
চক্ষুরাদি ইন্দ্রিয়গণ, রূপাদি গ্রাহ্য বিষয়ের প্রতি যেমন স্বভাবতই  
(আপনা হইতেই) অনুরক্ত—তাহাতে যেমন কাহারও প্রেরণার  
অপেক্ষা নাই, সেই প্রকার নিজাভিলষিত শ্রীভগবৎ-স্বরূপে প্রেম-  
ময়ী প্রগাঢ় তৃষ্ণার নাম রাগ, এই তৃষ্ণাটী ভক্তের স্বাভাবিকী—  
কাহারও প্রেরণাহেতুক নহে । জল জমাট বাঁধিয়া গাঢ় (বরফ)

হইলে তাহাতে যেমন তৃণাদি প্রবেশ করিতে পারে না, সেইরূপ যে প্রেমময়ী তৃষ্ণা প্রগাঢ়, তাহাতে স্বস্বখানুসন্ধানের লেশমাত্রও নাই—একমাত্র কৃষ্ণস্বার্থে নিখিল চেষ্টা ।

এই স্বাভাবিকী প্রেমময়ী প্রগাঢ় তৃষ্ণার অসাধারণ কার্য—নিজাভীষ্টে পরম আবিষ্টতা । (ইষ্টে আবিষ্টতা—তটস্থ লক্ষণ কথন—শ্রীচৈঃচঃ) । প্রগাঢ় তৃষ্ণাতুর ব্যক্তির যেমন একমাত্র জলেই আবেশ, জল ভিন্ন বস্তুর অনুসন্ধান লইতে যেমন, তাহার মন অসমর্থ, সেই প্রকার নিজাভীষ্টে যাঁহার রাগ অর্থাৎ স্বাভাবিকী প্রেমময়ী প্রগাঢ় তৃষ্ণা, নিজাভীষ্ট ব্যতীত অন্য বস্তুর অনুসন্ধান লইতে তাঁহার মন অসমর্থ, একমাত্র নিজাভীষ্টেই তাঁহার আবেশ । যে ভক্তি রাগময়ী অর্থাৎ পূর্বেবাক্ত রাগই যে ভক্তির প্রবর্তক, তাহার নাম রাগাঙ্ঘ্রিকা ভক্তি । রাগাঙ্ঘ্রিকা ভক্তি একমাত্র ব্রজবাসিজনাদিতেই বিরাজমানা । এই রাগাঙ্ঘ্রিকাভক্তিनिষ্ঠ ব্রজবাসিজনের ভাববিশেষে অর্থাৎ তাঁহাদের সেই ভক্তি পরিপাটিতে লোভযুক্ত হইয়া নিজাভিলষিত ব্রজবাসিজন বিশেষের ও তাঁহাদের রাগাঙ্ঘ্রিকাভক্তি-পরিপাটির অনুসরণ পূর্বক, যাঁহারা শ্রবণ-কীৰ্ত্তনাদি ভক্তি অঙ্গের অনুষ্ঠান করেন, তাঁহাদের অনুষ্ঠিত ভক্তির নাম **রাগানুগাভক্তি**—এই রাগানুগাভক্তির অনুষ্ঠান করিতে করিতে ঐ ব্রজবাসিজন হইতে সাধক হৃদয়ে রাগের আবির্ভাব হইয়া থাকে ।

শ্রীরাধিকার সখী যত,

তাহা বা কহিব কত,

মুখা সখী করিয়ে গগন ।

এজন্য শ্রীল ঠাকুর মহাশয় বলিতেছেন,—সখীর অনুগা ইত্যাদি । ঐ ব্রজবাসীজনগণের মধ্যে সখীভাবে চিত্ত লুক্ক হইলে কোন সখীবিশেষের অনুগত হইয়া মনে নিজ সিদ্ধদেহ ভাবনা করতঃ সতত ব্রজে শ্রীরাধাকৃষ্ণের সেবায় (মানসে) নিযুক্ত থাকিবে এবং তাহারই পরিশোধকরূপে বাহুদেহে শ্রবণকীর্তন ও শ্রীবিগ্রহ সেবাদি করিবে । এইরূপে ভজন করিতে করিতে পরিপাকাবস্থায় প্রেমাভির্ভাবের পর যথাবস্থিত দেহ ভঙ্গ হইলে সাধক ব্রজে ঐ সিদ্ধদেহ সাক্ষাৎ লাভ করতঃ শ্রীরাধাগোবিন্দের প্রেমসেবায় বিভোর হইয়া চির পিপাসিত প্রাণ জুড়াইয়া থাকেন ॥৪৮॥

### শ্রীরাধিকা ও সখীগণের তত্ত্ব ।

নির্বিশেষ ব্রহ্ম ষাঁহার অঙ্গকান্তি, পরমাত্মা ষাঁহার বৈভ-বাংশ, পরব্যোমাধিপতি নারায়ণ ষাঁহার বিলাসমূর্তি, সেই সচ্চিদানন্দবিগ্রহ স্বয়ং ভগবান্ শ্রীকৃষ্ণের অনন্ত শক্তিগণ-মধ্যে তিন শক্তি প্রধান—অন্তরঙ্গা চিচ্ছক্তি, তটস্থা জীবশক্তি ও বহিরঙ্গা মায়াশক্তি । তন্মধ্যে অন্তরঙ্গা-চিচ্ছক্তিই সর্বশ্রেষ্ঠা, ইহার অপর নাম স্বরূপ শক্তি । এই স্বরূপ-শক্তি—হ্লাদিনী, সন্ধিনী ও সন্ধিৎ এই ত্রিবিধরূপে অভিব্যক্ত । ইহার মধ্যে আবার হ্লাদিনী শক্তি-রই সমধিক উৎকর্ষ । শ্রীকৃষ্ণ অখণ্ড পরমানন্দ স্বরূপ হইয়াও

ললিতা বিশাখা তথা,

সুচিত্রা চম্পকলতা,

রঙ্গদেবী সুদেবী কথম ॥৪৯॥

এই হ্লাদিনীশক্তি দ্বারা স্বরূপানন্দ বিশেষ স্বয়ং উপভোগ করেন এবং ভক্তগণকেও উপভোগ করান । এই হ্লাদিনী শক্তি দ্বিবিধ-রূপে শ্রীকৃষ্ণকে আনন্দ উপভোগ করান ; এক স্বরূপে অমূর্ত্যাবস্থায় শক্তিরূপে আর বাহিরে সেই শক্তির অধিষ্ঠাত্রীদেবী বা মূর্ত্তিমতী অবস্থায় বৃষভানু-রাজনন্দিনী শ্রীরাধিকারূপে । কেবল মাত্র শক্তিরূপে লীলার অসিক্তি হেতু, এই হ্লাদিনীশক্তি ক্রমোৎকর্ষ প্রাপ্ত হইয়া রতি, প্রেম, স্নেহ, মান, প্রণয়, রাগ, অনুরাগ, ভাব ও মহাভাব রূপে পরিণত । এই মহাভাবই শ্রীরাধিকার স্বরূপ, অর্থাৎ মহাভাবের মূল-আশ্রয়রূপা শ্রীরাধিকার অঙ্গ প্রত্যঙ্গাদি সব মহাভাবাখ্য প্রীতিরসে বিভাবিত । যথা—

হ্লাদিনীর সার প্রেম, প্রেম সার ভাব ।

ভাবের পরমাকাষ্ঠা নাম মহাভাব ॥

মহাভাব - স্বরূপা শ্রীরাধাঠাকুরাণী ।

সর্বগুণখনি কৃষ্ণকান্তা শিরোমণি ॥

কৃষ্ণপ্রেমে ভাবিত যার চিত্তেন্দ্রিয় কায় :

কৃষ্ণের নিজ শক্তি রাধা লীলার সহায় ॥ -শ্রীচৈঃচৈঃ ।

মহাভাবস্বরূপা শ্রীরাধিকা, রসিকেন্দ্রমৌলি শ্রীকৃষ্ণকে অশেষ বিশেষে প্রীতিরস আশ্বাদন করাইবার নিমিত্ত বিবিধ রস-

তুঙ্গবিদ্যা ইন্দুরেখা,

এই অষ্ট সখী লেখা,

এবে কহি নন্দ-সখীগণ ।

সন্তার স্বয়ং একাধারে ধারণ করিতেছেন ; আবার আকার স্বভা-  
বাদিভেদে পৃথক্-পৃথক্ রূপে রসসমূহ আশ্বাদন করাইবার নিমিত্ত  
স্বীয় কায়বৃহৎস্বরূপা অনন্ত ব্রজদেবীরূপে প্রকটিত আছেন ।  
নিখিল স্বরূপের মূল আশ্রয় বা সর্ববাংশী শ্রীকৃষ্ণ হইতে যেমন  
অংশাদি অবতার সকলের প্রকাশ, তেমনি নিখিল শক্তি-সমূহের  
( কান্তাগণের ) মূল আশ্রয় বা অংশিনী শ্রীরাধিকা হইতে চন্দ্রা-  
বলী ও ললিতাদি ব্রজদেবীগণের বিস্তার । শ্রীরাধিকা মহাভাবাখ্যা  
প্রেমরসের সাগর সদৃশী, আর ব্রজদেবীগণ প্রধানতঃ চারিভাগে  
বিভক্ত ; যথা—বিপক্ষ, তটস্থপক্ষ, সুহৃৎপক্ষ ও স্বপক্ষ ।  
শ্রীরাধিকার বিপক্ষ—চন্দ্রাবলী ; তটস্থপক্ষ ( বিপক্ষের সুহৃৎ-  
পক্ষ )—ভদ্রা ; সুহৃৎপক্ষ—যুথেশ্বরী শ্যামলা ; স্বপক্ষ—ললিতা  
বিশাখাদি সখীবৃন্দ ।

সখী, নিত্যসখী, প্রাণসখী, প্রিয়সখী ও পরমপ্রেমসখীভেদে  
সখী পঞ্চবিধ । ইহাদের মধ্যে কেহ সমস্নেহা, কেহ বিষমস্নেহা ।  
কুসুমিকা, বিদ্যা, কুন্দলতা, ধনিষ্ঠা প্রভৃতি সখী; ইহারা শ্রীকৃষ্ণের  
প্রতি অধিক স্নেহবতী । কস্তুরী মণিমঞ্জরী প্রভৃতি নিত্যসখী ;  
ইহারা শ্রীরাধিকাতে অধিক স্নেহবতী । এজন্য ইহাদিগকে বিষম-

ইহা সভা সহচরী,

প্রিয়প্রেষ্ঠ নাম ধরি,

প্রেমসেবা করে অনুক্ষণ ॥৫০॥

স্নেহা বলা হয় । শশীমুখী বাসন্তী, লাসিকা প্রভৃতি প্রাণসখী ।  
কুরঙ্গাক্ষী, সুমধ্যা, মদনালসা প্রভৃতি প্রিয়সখী । ললিতা, বিশাখা  
প্রভৃতি আটজন পরমপ্রেষ্ঠসখী : এই অষ্টসখী যদিও সমস্নেহ  
( শ্রীকৃষ্ণ ও শ্রীরাধিকার প্রতি তুল্য স্নেহবতী ), তথাপি সময়ে  
সময়ে শ্রীরাধিকাতে ইহাদের অধিক স্নেহ দৃষ্ট হয় ।

### সখীগণের বর্ণ-বস্ত্রাদি ।

১ । ললিতা—( শ্রীগৌরলীলায় স্বরূপ দামোদর ) অপর  
নাম অনুরাধা, গোরচনা-বর্ণা, শিখিপুচ্ছ বসনা, শারদী মাতা,  
বিশোক পিতা, ভৈরব পতিস্মৃতা(১), বামপ্রথর স্বভাবা, শ্রীরাধি-  
কার সাতাইশ দিনের বড়, কর্পূর-তাম্বুল-সেবা, অষ্টদল-কমলা-  
কৃতি যোগপীঠের(২) উত্তর দলে তড়িৎদ্বর্ণ ললিতানন্দকুঞ্জ ।

পতিস্মৃতা—তত্ত্বতঃ পতি নহে, অথচ যোগমায়াকল্পিত ভ্রমে  
নিপতিত হইয়া নিজেকে পতি বলিয়া মনে করে । এ সম্বন্ধে  
বিস্তৃত সিদ্ধান্ত “নূপুর মুরলী ধ্বনি” এই ত্রিপদী-ব্যাখ্যায় লিখিত  
“ব্রজপরকীয়া তত্ত্বে” দেখুন ।

সমশ্লেহা বিষমশ্লেহা,

না করিও ছুই লেহা,

কহি মাত্র অধিক শ্লেহাগণ ।

ইহার যুখে—রত্নপ্রভা, রতিকলা, সুভদ্রা, ভদ্ররেখিকা, সুমুখী, ধনিষ্ঠা, কলহংসী, কলাপিনী ।

২ । বিশাখা—( শ্রীগৌরলীলায় রায় রামানন্দ ) বিছাৎ বর্ণা, তারাবলী বসনা, জটিলার ভগ্নী-কন্যা, দক্ষিণা মাতা, পাবন পিতা, বাহিক পতিস্মৃগ, অধিক মধ্য স্বভাবা, শ্রীরাধিকার জন্ম-ক্ষণে জন্ম, বস্ত্রালঙ্কার সেবা, ঐশাণ্য-দলে মেঘবর্ণ বিশাখানন্দদ-কুঞ্জ । ইহার যুখে—মাধবী, মালতী, চন্দ্রলেখা, কুঞ্জরী, হরিণী, চপলা, সুরভি, শুভাননা ।

৩ । চিত্রা—(শ্রীগৌরলীলায় গোবিন্দানন্দ) কাশ্মীরগৌর বর্ণা, কাচতুল্য বসনা, চর্কিবিকা মাতা, বৃষভানুরাজার পিতৃব্য পুত্র চতুর পিতা, পিঠর পতিস্মৃগ, অধিকমৃদ্বী-স্বভাবা, শ্রীরাধিকার ছাব্বিশ দিনের ছোট, লবঙ্গমালা সেবা, পূর্বদলে বিচিত্র বর্ণ চিত্রানন্দদ পদ্মকিঞ্জক কুঞ্জ । ইহার যুখে—রসালিকা, তিলকিনী, শৌরসেনী, স্নগন্ধিকা, রমিলা কামনগরী, নাগরী, নাগবেলিকা ।

৪ । ইন্দুরেখা—( শ্রীগৌরলীলায় বসু রামানন্দ ) হরি-তালবর্ণা, দাড়িম্বপুষ্প বসনা, বেলা মাতা, সাগর পিতা, দুর্বল পতিস্মৃগ, বামপ্রথর স্বভাবা, শ্রীরাধার তিন দিনের ছোট, মধুপান সেবা, আগেয় দলে স্বর্ণবর্ণ ইন্দুরেখাসুখদ পূর্ণেন্দু কুঞ্জ । ইহার

নিরন্তর থাকে সঙ্গে,

কৃষ্ণকথা লীলারঙ্গে.

নন্দ সখী এই সব জন ॥ ৫১ ॥

যুথে—তুঙ্গভদ্রা, রসোত্তুঙ্গা, রঙ্গবাটী, সুমঙ্গলা, চিত্রলেখা, বিচিত্রাঙ্গী, মোদনী, মদনালসা ।

৫ । চম্পকলতা — (শ্রীগৌরলীলায় সেন দিবানন্দ) চম্পক কুসুমবর্ণা, চাসপক্ষ বসনা, বাটিকা মাতা, আরাম পিতা, চণ্ডাক্ষ পতিস্মৃগ, বামমধ্য স্বভাবা, শ্রীরাধার একদিনের ছোট, রত্নমালাদি দান ও চামরবাজন সেবা, দক্ষিণ দলে তপুজাম্বুদ বর্ণ চম্পক লতানন্দদ কামলতা কুঞ্জ । ইহার যুথে — কুরঙ্গাঙ্গী, সূচরিতা, মঞ্জলী, মণিকুণ্ডলা, চন্দ্রিকা, চন্দ্রলতিকা, কন্দুকাম্বী, সুমন্দিরা ।

৬ । রঙ্গদেবী — ( শ্রীগৌরলীলায় গোবিন্দ ঘোষ ) পদ্ম-কিঞ্জলুবর্ণা, জবাকুসুম বস্ত্রা, করুণা মাতা, রঙ্গসার পিতা, বক্রেক্ষণ পতিস্মৃগ, বামমধ্য স্বভাবা, শ্রীরাধার সাত দিনের ছোট, চন্দন সেবা, নৈঋত দলে শ্যামবর্ণ রঙ্গদেবী সুখদকুঞ্জ । ইহার যুথে — কলকণ্ঠী, শশিকলা, কমলা, মধুরা, ইন্দিরা, কন্দর্প সুন্দরী, কামলতিকা প্রেমমঞ্জরী ।

৭ । তুঙ্গবিদ্যা — ( শ্রীগৌরলীলায় বক্রেস্বর পণ্ডিত ) কর্পূর চন্দন মিশ্রিত কুঙ্কুমবর্ণা, পাণ্ডুর বস্ত্রা, মেধা মাতা, পৌষ্কর পিতা, বালিশ পতিস্মৃগ, দক্ষিণপ্রথর স্বভাবা, শ্রীরাধার পাঁচ দিনের বড়, নৃত্যগীতাদি সেবা, পশ্চিমদলে অরুণবর্ণ তুঙ্গবিদ্যানন্দদ কুঞ্জ ।

শ্রীরূপ মঞ্জরী সার,

শ্রীরস মঞ্জরী আর,

অনঙ্গমঞ্জরী মঞ্জুলালী ।

ইহার যুথে —মঞ্জুমেধা, স্তমধুরা, স্তমধ্যা, মধুরেক্ষণা, তনুমধ্যা, মধুস্বন্দা, গুণচূড়া, বরাদ্দদা ।

৮ । সুদেবী — (শ্রীগৌরলীলায় বাসুদেব ঘোষ) রঙ্গদেবীর যমজ ভগ্নী, বর্ণবস্ত্রাদি রঙ্গদেবীবৎ, বক্রেক্ষণের কনিষ্ঠ ভ্রাতা, পতিস্মৃতা, বামপ্রথর অভাবা, জলসেবা, বায়বীয় দলে হরিতবর্ণ, সুদেবী সুখদ কুঞ্জ । ইহার যুথে —কাবেরী, চারুকবরা, সুকেশী, মঞ্জুকেশী, হারহীরা, মহাহীরা, হারকণ্ঠী মনোহরা ॥ ৪৯-৫১ ॥

### মঞ্জরীগণের বর্ণ-বস্ত্রাদি ।

১ । রূপমঞ্জরী —গোরোচনা বর্ণা, শিখিপুচ্ছ বসনা, স্বর্ণ-বর্ণ তাম্বুল বীটিকা সেবা, ললিতা কুঞ্জের উত্তরে রূপোল্লাস কুঞ্জ, ( শ্রীগৌরলীলায় রূপ গোস্বামী ) ।

২ । মঞ্জুলালী মঞ্জরী —তপ্ত কাঞ্চনবর্ণা, কিংশুক বসনা, বস্ত্রসেবা, বিশাখা কুঞ্জের উত্তরে লীলানন্দদ কুঞ্জ, (শ্রীগৌরলীলায় লোকনাথ গোস্বামী), অপর নাম লীলা মঞ্জরী ।

৩ । রসমঞ্জরী—চম্পকবর্ণা, হংসপক্ষ বস্ত্রা, চিত্রসেবা, চিত্রাকুঞ্জের পশ্চিমে রসানন্দদ কুঞ্জ, ( শ্রীগৌরলীলায় রঘুনাথ ভট্ট গোস্বামী ) ।

শ্রীরসমঞ্জরী সঙ্গে,

কস্তুরিকা-আদি সঙ্গে,

প্রেমসেবা করে কুতূহলী ॥৫২॥

৪ । রতিমঞ্জরী—অপর নাম তুলসী মঞ্জরী, কেহ কেহ ভানুমতী মঞ্জরীও বলেন—বিছাদ্বর্ণা, তারাবলি বস্ত্রা, চরণসেবা, ইন্দুরেখা কুঞ্জের দক্ষিণে রত্নস্বজ কুঞ্জ, ( শ্রীগৌরলীলায় রঘুনাথ দাস গোস্বামী ) ।

৫ । গুণমঞ্জরী—বিছাদ্বর্ণা, জবাকুসুম বসনা, জলসেবা, চম্পকলতা কুঞ্জের ঈশানে, গুণানন্দদ কুঞ্জ, ( শ্রীগৌরলীলায় গোপাল ভট্ট গোস্বামী ) ।

৬ । বিলাসমঞ্জরী—স্বর্ণকেতকী বর্ণা, চঞ্চরীক বস্ত্রা, রাগজ অঞ্জন সেবা, রঙ্গদেবী কুঞ্জের পশ্চিমে বিলাসানন্দদ কুঞ্জ, ( শ্রীগৌরলীলায় শ্রীজীব গোস্বামী ) ।

৭ । লবঙ্গমঞ্জরী নামান্তর রতি মঞ্জরী, উদীয়মান বিছাদ্বর্ণা, তারাবলিবস্ত্রা, লবঙ্গমালা সেবা, তুঙ্গবিছা কুঞ্জের পূর্বে লবঙ্গসুখদ কুঞ্জ, ( শ্রীগৌরলীলায় সনাতন গোস্বামী ) ।

৮ । কস্তুরীমঞ্জরী—শুক্ৰস্বর্ণবর্ণা, কাচতুলাবসনা, চন্দন সেবা, সূদেবী কুঞ্জের উত্তরে কস্তুর্য্যানন্দদ কুঞ্জ, ( শ্রীগৌরলীলায় কৃষ্ণদাস কবিরাজ গোস্বামী ) ॥৫২॥



যুগল চরণ সেবি, নিরন্তর এই ভাবি,  
 অনুরাগে থাকিব সদায় ।  
 সাধনে ভাবিব যাহা, সিদ্ধদেহে পাব তাহা,  
 রাগপথের এই সে উপায় ॥৫৫॥  
 সাধনে যে ধন চাই সিদ্ধদেহে তাহা পাই,  
 পঙ্কাপক মাত্র সে বিচার ।

ছেন । এমতাবস্থায় তাঁহারা আমাকে ইঙ্গিত ( নয়নভঙ্গ্যাদি দ্বারা যুগলের সেবায় নিয়োগ ) করিবেন, তখন আমি সময়োচিত সেবাবসর বুঝিয়া কিশোর-যুগলকে চামর দ্বারা বাতাস করিব, কখনও চাঁদমুখে তাম্বুল অর্পণ করিব এবং কখনও বা যুগলের পাদসম্বাহন করিব । সাধক সর্বদা শ্রীরাধাধারী কিস্করীভাবে এই সকল সেবা ভাবনা করিবেন এবং ইহা লাভের নিমিত্ত সতত অনুরাগী ( লোভযুক্ত ) থাকিবেন ॥৫৪॥

সাধনে ভাবিব যাহা—সাধক, অন্তশ্চিন্তিত সাক্ষাৎ সেবো-পযোগী সিদ্ধদেহ সতত চিন্তা করিয়া সেই দেহে শ্রীরূপমঞ্জরী প্রভৃতির অনুগতভাবে শ্রীরাধামাধবের পূর্বোক্তরূপ প্রেমসেবার মানসে রত থাকিবেন । সাধকদেহ ভঙ্গের পর ঐ সিদ্ধদেহ সাক্ষাৎ প্রাপ্ত হইয়া শ্রীরূপমঞ্জরী প্রভৃতির সঙ্গিনীরূপে লীলায় প্রবেশ হইবে এবং তখন সেই অন্তশ্চিন্তিত “প্রেমসেবা” সাক্ষাৎরূপে লাভ হইবেন ॥৫৫॥

স্বাকিলে মে প্রেমভক্তি,

অপকে সাধনরীতি,

ভক্তি-লক্ষণ তৎসার ॥৫৬॥

অরোত্তম দাসে কহে,

এই যেন মোর হয়ে,

স্বজপুরে অনুরাগে বাস ।

সখীগণ-গণনাতে

আমারে গণিবে তাতে

তবহু পূরিব অভিলাষ ॥৫৭॥

সাধনে যে ধন চাই - সাধনাবস্থায় যে সকল সেবা পরি-  
পাটী চিন্তা করা যাইবে, সিদ্ধাবস্থায় তাহাই লাভ হইবে—  
( যথাক্রম হুরশিল্লোকে পুরুষো ভবতি তথেষ্টঃ প্রোত্য ভবতীতি  
শ্রুতিঃ । ক্রতুরত্র সঙ্কল্প ইতি ভাষ্করঃ—শ্রীতিসন্দর্ভঃ ) ; তবে  
সাধকের অবস্থাগত অপকৃত্য ও পকৃত্য অংশে ভেদমাত্র-স্বরূপতঃ  
ভক্তিতে কোন ভেদ নাই ; যেহেতু সাধনভক্তি ও প্রেমভক্তি  
উভয়ই স্বরূপগতি-বৃত্তিরূপা । পক্কাবস্থায় ( প্রেমোৎকর্ষ লাভের  
পর ) অর্থাৎ সাধকদেহ ভঙ্গানন্তর সাক্ষাৎরূপে প্রাপ্ত সিদ্ধদেহে  
ক্রিয়মাণ সাক্ষাৎ সেবার নাম—প্রেমভক্তি বা প্রেমসেবা সিদ্ধ-  
রীতি । আর সাধকদেহ ভঙ্গের পূর্বপর্যন্ত অন্তর্নিহিত সিদ্ধদেহে  
ভাবনা দ্বারা ক্রিয়মাণ সেবা বা প্রেমসেবা পরিপাটী অনুকরণের  
নাম—সাধনভক্তি বা প্রেমসেবা সাধনরীতি; ইহা দ্বারাই সাক্ষাৎ  
সেবা বা প্রেমভক্তি লাভ হইয়া থাকেন ॥৫৬-৫৭॥

সখীনাং সঙ্গিনীরূপামাত্মানং বাসনাময়ীম্ ।

আজ্ঞাসেবা-পরাং তত্তৎকৃপালঙ্কার-ভূষিতাম্ ॥৫৮॥

কৃষ্ণং স্মরন্ জনক্যস্ত প্রেষ্ঠং নিজসমীহিতম্ ।

তত্তৎকথারতশ্চাসৌ কুৰ্যাদ্বাসং ব্রজে সদা ॥৫৯॥ (ভঃরঃসিঃ)

সখীনাং শ্রীললিতা-শ্রীরূপমঞ্জর্যাदीনাং সঙ্গিনীরূপাম্  
আত্মানং ধ্যায়েদিতিশেষঃ । কিন্তু্ তাম্ আজ্ঞাসেবাপরাম্ আজ্ঞয়া  
তাসামনুমত্যা সেবাপরাং শ্রীরাধামাধবয়োরিতিশেষঃ । পুনঃ  
কিন্তু তাং তত্তৎকৃপালঙ্কারভূষিতাং সুপ্রসিক্ত-শ্রীকৃষ্ণমনোহররূপেণ  
শ্রীরাধিকা নিশ্চাল্যলঙ্কারেণ ভূষিতাং ; “নিশ্চাল্য মাল্যবসনা-  
ভরণাস্ত দাস্ত” ইত্যুক্তেঃ । পুনঃ কিন্তু্ তাং বাসনাময়ীং চিন্তাময়ীম্  
ঈক্ষেত চিন্তাময়মেতমীশ্বরমিতাদিবৎ” ॥৫৮॥

কৃষ্ণং স্মরন্নিতি । স্মরণস্তাত্র রাগানুগায়াং মুখ্যত্বং রাগস্ত  
মনোধর্মত্বাৎ । প্রেষ্ঠং নিজভাবোচিত-লীলাবিলাসিনং কৃষ্ণং  
বৃন্দাবনাধীশ্বরম্ । অস্ত কৃষ্ণস্য জনক্য কীদৃশং নিজসমীহিতং

প্রেমসেবালিপ্সু সাধক সিন্ধুদেহাভিমনে সতত ভাবনা  
করিবেন,—“আমি শ্রীললিতা-বিশাখা ও শ্রীরূপমঞ্জরী আদির  
সঙ্গিনীরূপা, তাঁহাদের আজ্ঞাক্রমে শ্রীরাধামাধবের সেবাপরা  
কিঙ্করী, সর্বমনোহারী শ্রীকৃষ্ণেরও যাহাতে মন হরণ হয়, ঈদৃশ  
শ্রীরাধিকার প্রসাদী অলঙ্কারাদি দ্বারা বিভূষিতা এবং শ্রীরাধা-  
মাধবের প্রেমসেবা সঙ্কল্প দ্বারা আমার সর্বাবয়ব বিভাবিত” ॥৫৮॥

যুগলচরণে-শ্রীতি,

পরম আনন্দ তথি,

রতি প্রেমা-ময় পরবন্ধে ।

কৃষ্ণনাম রাধানাম,

উপাসনা রসধাম,

চরণে পড়িয়া পরানন্দে ॥৬০॥

শ্ৰীভিলষণীয়ঃ শ্রীবৃন্দাবনেশ্বরী ললিতাবিশাখারূপমঞ্জর্যাদিকং  
কৃষ্ণশ্রীনিজসমীহিতত্বেহপি তজ্জনস্য উজ্জলভাবৈকনিষ্ঠত্বাৎ  
নিজসমীহিতত্বাধিক্যম্ । ব্রজে বাসমিতি অসামর্থ্যে মনসাপি  
সাধকশরীরেণ বাসং কুর্যাৎ । সিদ্ধশরীরেণ বাসস্ত উত্তর শ্লোকার্থঃ  
প্রাপ্ত এব ॥৫৯॥

পরবন্ধে—প্রবন্ধে, শ্রীকৃষ্ণ-ভক্তিরসবিচ্ছ-ভক্তজনবিরচিত,  
প্রেমময়কথায়ঃ মম রতির্ভবতু । চরণে রাধামাধবয়োরিতি  
শেষঃ ॥৬০॥

রাগানুগামার্গে স্মরণাজ্জই প্রধান । রাগানুগীয় সাধক  
নিজাভিলষিত ভাবোচিত লীলাবিলাসী ব্রজেন্দ্রনন্দন শ্রীকৃষ্ণকে  
ও তদীয় প্রিয়জনকে স্মরণ করতঃ শ্রীকৃষ্ণ ও তদীয় প্রিয়জনের  
কথায় রত থাকিয়া সাধকদেহ ও সিদ্ধদেহ উভয়দেহ দ্বারাই সতত  
ব্রজে বাস করিবেন । সাধকদেহ দ্বারা সাক্ষাৎরূপে বাসে অসমর্থ  
হইলে মন দ্বারাও বাস করিবেন । যেহেতু সিদ্ধদেহ দ্বারা মানসে  
সতত ব্রজে বাস করার কথা, ভক্তিরসামৃতসিন্ধুতে “সেবা সাধক-

মনের স্মরণ প্রাণ,

মধুর মধুর ধান্দা.

যুগল - বিলাস স্মৃতি - সার।

সাধ্য সাধন এই,

উহা বই আর নাই;

এই তত্ত্ব সর্ববিধি সার ॥৩১॥

বিধীনাং কর্তব্যোপদেশানাং সারঃ ॥৩১॥

রূপেণ সিদ্ধরূপেণ চাত্ৰ হি" এই শ্লোকের অর্থ দ্বারাই পাওয়া যাইতেছে ॥৫৯॥

যুগলচরণে প্রীতি--শ্রীরাধামাধব যুগলের চরণকমলে আমার প্রীতি হউক। পরম আনন্দ তথি—তাহাতেই ঐ ( প্রীতিতেই ) পরম আনন্দলাভ হইয়া থাকেন। পরবন্ধে—প্রেমনয় প্রবন্ধে, শ্রীকৃষ্ণ-ভক্তিরসজ-ভক্তজন-বিবচিত যুগলের প্রেমনয় কথাতে আমার রতি হউক। রসধাম—পরমানন্দরসের মন্দির মূল প্রতিষ্ঠান। চরণে পড়িয়া শ্রীরাধামাধব-যুগল-চরণে ঐকান্তিক ভাবে শরণাপন্ন হইয়া পরমানন্দরসনিলয় শ্রীকৃষ্ণনাম ও শ্রীরাধা-নাম উপাসনায়ই ( শ্রবণকীর্তনাদিতেই ) শ্রীযুগলকিশোর চরণে প্রীতি লাভ হইয়া থাকেন ॥৬০॥

প্রাণ—জীবনীশক্তি। স্মরণই মনের জীবনীশক্তি, যাহার মনে স্মরণ নাই তাহার মন প্রাণহীন দেহের ন্যায় নির্জীব বা মৃতপ্রায়। এবং যে দেহে প্রাণ নাই, সে দেহ যেমন শৃগাল কুকুরাদিতে ভক্ষণ করে, সেই প্রকার যাহার মনে স্মরণ নাই তাহার

জ্ঞানদ-সুন্দর কীৰ্ত্তি,

মধুর মধুর ভাষি,

বৈদগধি অবধি সুবেশ ।

মনকে অনবরত কামক্রোধাদি-রিপুগণ দংশন করিতে থাকে । আবার যে দেহে প্রাণ আছে সে দেহ দেখিয়া যেমন শৃগাল কুকুরাদি ভয়ে পলায়ন করে, সেই প্রকার যে মনে স্মরণ আছে সেই সজীব মনকে দেখিয়া কামাদি রিপুগণ দূর হইতে ভয়ে পলায়ন করে । অতএব কামাদি রিপুগণের মর্মান্তক নিপীড়ন হইতে রক্ষা পাইয়া পরমানন্দ লাভ করিতে হইলে স্মরণাই প্রধানরূপে অবলম্বনীয় । যুগলবিলাস স্মৃতিসার - স্মরণ প্রধানতঃ চতুর্বিধ - নামস্মরণ, গুণস্মরণ, রূপস্মরণ, লীলাস্মরণ; ইহার মধ্যে লীলাস্মরণেরই সমধিক উৎকর্ষ । যেহেতু লীলাস্মরণের অবান্তর ভাবে নাম-রূপ গুণ স্মরণও বিদ্যমান আছেন । এই লীলা আবার বাল্য পৌগণ্ড-কৈশোরভেদে ত্রিবিধ । তন্মধ্যে কিশোরধর্ম্মি, শ্রীরাধামাধব যুগলের লীলাস্মরণই সর্ববিধ সার শ্রেষ্ঠ । যেহেতু যুগলের লীলাবিলাসরস আস্থাদনরূপ সাধ্যশিরোমণি লাভের একমাত্র সাধন হইলেন— ঐ লীলাবিলাস-স্মরণ । ইহা বৈ ইত্যাদি—ইহা ব্যতীত শ্রেষ্ঠ সাধ্য সাধনতত্ত্ব আর নাই । কারণ নিখিল শাস্ত্র জীবের প্রতি যে সকল কর্তব্য উপদেশ করিয়াছেন, তন্মধ্যে এই সাধ্য-সাধনতত্ত্ব সকল উপদেশের সারমর্ম্ম (স্মর্তব্যঃ সততং বিমুর্ষিস্মর্তব্যো ন জাতু-চিৎ । সর্বেষ বিধিনিষেধাঃ স্ম্যরেতয়োরেব কিঙ্করাঃ ॥—পদ্মপুরাণ )

পীতবসন ধর,

আভরণ মণিবর,

ময়ূর-চন্দ্রিকা করু কেশ ॥৬২॥

মৃগমদ চন্দন,

কুক্কুম-বিলেপন,

মোহন-মুরতি ত্রিভঙ্গ

নবীন কুসুমাবলী,

শ্রীঅঙ্গে শোভয়ে ভালি,

মধুলোভে ফিরে মত্ত ভৃঙ্গ ॥৬৩॥

ঈষত মধুর স্মিত,

বৈদগধি-লীলামৃত,

লুবধল ব্রজবধু-বৃন্দে ।

মধুর মধুর — মধুরাদপি মধুরম্ অতিশয়মধুরমিতার্থঃ ॥৬২॥

নবীনকুসুমাবল্যা মধুলোভেন মত্তভৃঙ্গঃ যস্য সমীপে ভ্রম-  
তীত্যর্থঃ ॥৬৩॥

শ্রীল ঠাকুর মহাশয়, শ্রীযুগলকিশোরের লীলাবিলাস-  
স্বরণের শ্রেষ্ঠতা কীর্তন করিতে-করিতে স্ফূর্ত্তিপ্ৰাপ্ত শ্রীকৃষ্ণ রূপ-  
মাধুর্য্য বর্ণন করিতেছেন—জলদ সুন্দর ইত্যাদি। কাঁতি—কাস্তি  
নবীন মেঘ অপেক্ষাও অতি সুন্দর শ্রীকৃষ্ণের নীল অঙ্গকাস্তি  
মধুর হইতেও সুমধুররূপে শোভা পাইতেছেন। বৈদগধি---অবধি  
স্ববেশ—শ্যামসুন্দর যেরূপ সুন্দর বেশ-ভূষণে বিভূষিত আছেন,  
তাহাতে পরম-কেলিকলা-পাণ্ডিত্যের চরম নৈপুণ্য স্মৃচিত হই-  
তেছেন। ময়ূর চন্দ্রিকা করু কেশ—কুঞ্চিত কেশকলাপের উপর  
ময়ূরপুচ্ছরচিত চূড়া ধারণ করিয়াছেন ॥৬২-৬৩॥

চরণ কমল' পর,

মণিময় নূপুর,

নখমণি ঝলমল - চন্দ্রে ॥৬৪॥

নূপুর মুরলী ধ্বনি,

কুলবধু মরালিনী,

শুনিয়া রহিতে নারে ঘরে ।

ঈষত মধুর স্মিত—হৃৎ মধুর হাস্ত ও বিদম্বতা ( কেলি-কলা-রসিকতা ) পূর্ণ লীলামৃত—ভাবতঙ্গী-মধুরিমা দ্বারা ব্রজবধু-গণের লোভ জন্মাইতেছেন । চরণ-কমলে মণিময় নূপুর ও নখ-শ্রেণীরূপ মণিসমূহ চন্দ্রের গায় ঝলমল করিতেছেন ॥৬৪॥

### ব্রজপরকীয়া-তত্ত্ব ।

কুলবধু মরালিনী—ব্রজাঙ্গনারূপ রাজহংসিনী । শ্রীকৃষ্ণের নূপুর ও মুরলীধ্বনি শ্রবণে ব্রজাঙ্গনাগণের হৃদয়ে শ্রীকৃষ্ণ-বিষয়িনী রতি উদ্দীপ্ত হইয়া উঠে । ব্রজাঙ্গনাগণ যদিও কুলবধু, তথাপি সতী স্ত্রী যেমন পতির সহিত মিলিতা হয়, তাঁহারাও তেমন ঐ স্বরূপজা রতি স্বভাবে ছুস্তাজ লোকধর্ম্য মর্যাদা উল্লঙ্ঘন পূর্বক নির্ব্বাধগতিতে প্রাণবল্লভ শ্রীকৃষ্ণের সহিত মিলিতা হয়েন ।

কৃষ্ণানুরাগিণী ব্রজাঙ্গনাগণকে তাঁহাদের পতিস্মৃতি প্রভৃতি, শত শত বাধা প্রদানে গতিরোধ করিয়াও গৃহে রাখিতে সমর্থ হন না—“তা-বার্যমাণাঃ পতিভিঃ পিতৃভিঃ পিতৃবন্ধুভিঃ । গোবিন্দা-পহতাঅনো ন গুবর্তন্ত মোহিতাঃ ॥”—শ্রীভাঃ ১০।২৯।৭ । এই সকল প্রমাণানুসারে এবং শ্রীল ঠাকুর মহাশয়ের “নূপুর মুরলী-

হৃদয়ে বাঢ়য়ে রতি,

যেন মিলে পতি সতী,

কুলের ধরম গেল দূরে ॥৬৫॥

ধ্বনি এই ত্রিপদীতে জানা যাইতেছে, ব্রজাঙ্গনাগণ পরবধু এবং শ্রীকৃষ্ণ পরপুরুষ । প্রকৃত প্রস্তাবে যদি তাহাই হয় তবে যিনি সর্বনিয়ন্তা সর্বেশ্বর—যিনি অধর্মের নিবারক ধর্মের সংস্থাপক—ঐহ্যার লীলামাধুর্য আত্মারাম মুনিগণবন্দ্য-শুকদেবেরও চিত্তাকর্ষক সেই ব্রজরাজনন্দন শ্রীকৃষ্ণ পরদারাভিমর্ষণজনিত দোষ-সংস্পর্শে চিরকলঙ্কিত হইতেন এবং অরুদ্ধতী প্রভৃতি সতীবৃন্দ ঐহ্যাদের পাতিব্রত্য বাঞ্ছা করেন, শ্রুতিগণ ( বেদ উপনিষদ্ অহিমানিনী দেবতাগণ ) ঐহ্যাদের ভাব প্রাপ্তির নিমিত্ত আনুগত্য পর্য্যাপ্ত স্বীকারে গোপীরূপে জন্মলাভ করিয়াছেন, শ্রীমান্ উদ্ধব মহাশয় ঐহ্যাদের ভাবের নিরবচ্ছতা ঘোষণা করিয়াছেন, আত্মারাম চূড়া-মণি শ্রীশুকদেব ঐহ্যাদের অনুরাগবিলসিত লীলাসমূহ তন্ময়ভাবে কীর্তন করিয়াছেন, ধার্মিক শ্রবর পরীক্ষিত মহারাজ ঐহ্যাদের তাদৃশ প্রেমবিলসিত-লীলা তাদৃশ ভাবে শ্রবণ করিয়াছেন, সেই পরমবন্দ্য ব্রজাঙ্গনাগণও ব্যভিচারিণী বলিয়া নিন্দাভাজন হইতেন ।

কিন্তু উহা কখনও সম্ভবে না ; যেহেতু বেদাদি শাস্ত্র শ্রীকৃষ্ণকেই পরমেশ্বর বলিয়া স্বীকার করিয়াছেন যথা—“কৃষ্ণো বৈ পরমদৈবতম্”—গোপালতাপনী শ্রুতি । “কৃষ্ণস্তু ভগবান্

স্বয়ম্”—শ্রীমদ্ভাগবত । “ঈশ্বরঃ পরমঃ কৃষ্ণঃ সচ্চিদানন্দ-বিগ্রহঃ ।  
 অনাদিরাদি গোবিন্দঃ সর্বকারণকারণম্ ॥”—ব্রহ্মসংহিতা । এই  
 সকল শাস্ত্র ব্রজাঙ্গনাগণকেই নন্দনন্দন শ্রীকৃষ্ণের নিজ শক্তি  
 বলিয়া কীর্তন করিয়াছেন যথা—“গোপীজনাবিদ্যা কলাপ্রেরকঃ”  
 ( গোপীসমূহই সম্যকরূপে শ্রীকৃষ্ণবশীকারিণী কলা অর্থাৎ শ্রীকৃষ্ণের  
 স্বরূপভূতা শক্তিবিশেষ, শ্রীকৃষ্ণ তাঁহাদের বলভ ) “স বো হি স্বামী  
 ভবতি”—গোপালতাপনীশ্রুতি । “পাদচ্যাসৈঃ” ইত্যাদি শ্লোকে  
 “কৃষ্ণবধঃ--শ্রীমদ্ভাগবত ১০।৩৩ ৭ “অনেকজন্মবিদ্বানাং গোপীনাং  
 পতিরেব বা” - গোতমীয়তন্ত্র । “আনন্দচিন্ময়রস প্রতিভাবিতা-  
 ভিস্তাভির্ষ এষ নিজরূপতয়া কলাভিঃ - ব্রহ্মসংহিতা ( “কলাভিঃ  
 শক্তিভিঃ, নিজরূপতয়া স্বস্বরূপতয়া”—শ্রীকৃষ্ণসন্দর্ভ ১৮৬ অঃ ) ।  
 —ইত্যাদি স্থলে ব্রজাঙ্গনাগণ নন্দনন্দন শ্রীকৃষ্ণেরই নিজ শক্তি  
 ও প্রেয়সীরূপে বর্ণিত আছেন । বৃহদেগোতমীয়তন্ত্রে এই ব্রজাঙ্গনা  
 গণের মুকুটমণি শ্রীরাধাকেই সর্বশক্তির মূলাশ্রয় বা শ্রেষ্ঠা  
 শক্তিরূপে বর্ণন করিয়াছেন, যথা—“সর্বলক্ষ্মীময়ী সর্বকান্তি-  
 সম্মোহিনী পরা” । ঋক্পরিশিষ্টে বর্ণিত আছেন—“রাধয়া  
 মাধবো দেবো মাধবেনৈব রাধিকা বিভ্রাজন্তে জনেছা”—অন্য  
 সমস্ত পরিকর অপেক্ষা শ্রীরাধাসহ বিহারেই, শ্রীকৃষ্ণ সমধিক  
 শোভমান হন এবং শ্রীরাধাও অশেষরূপে সুশোভিতা হন ।  
 সর্বশক্তি-মূলাশ্রয় বা আচ্ছাশক্তি শ্রীরাধাই বৃন্দাবনে শ্রীকৃষ্ণের  
 নিত্যপ্রেয়সীরূপে স্কন্দপুরাণে বর্ণিত আছেন—“বারাণস্ত্যাং বিশা-

লাক্ষী বিমলা পুরুষোত্তমে । রুক্মিণী দ্বারাবত্যান্ত রাধা বৃন্দাবনে-  
বনে ॥”

সুতরাং শ্রীরাধিকাদি ব্রজাঙ্গনাগণ, শ্রীকৃষ্ণের নিজ শক্তি  
ও নিত্যপ্রেয়সী, শ্রীকৃষ্ণ ঔহাদের নিত্যকান্ত ; এইরূপেই  
গোলোকে ব্রজাঙ্গনাগণসহ শ্রীকৃষ্ণ নিত্যবিহার করিতেছেন ;  
ইহা পূর্বেও “আনন্দচিন্ময়রসপ্রতিভাবিতাভিঃ” এই ব্রহ্মসংহিতা  
বাক্যে বর্ণিত আছেন—“গোলোক এব নিবসতাখিলাঅভূতে  
গোবিন্দমাদি পুরুষঃ তমহং ভজামি” । রসিকশেখর শ্রীকৃষ্ণ  
গোলোকে ঐ রূপে (স্বকীয়া ভাবে) নিত্যবিহার করিয়াও আবার  
কি যেন কি এক অতৃপ্ত আকাজ্জার বশবর্তী হইয়া সঙ্কল্প করেন—  
“বৈকুণ্ঠাঞ্চে নাহি যে যে লীলার বিস্তার । সে সে লীলা করিমু  
যাতে মোর চমৎকার ॥” ইত্যাদি— শ্রীচৈতন্যচরিতামৃত রসিক-  
শেখর শ্রীকৃষ্ণের ঈদৃশ আকাজ্জাটী স্বরূপ হইতেই উৎথিত—  
আগস্ত্যক নহেন । এই আকাজ্জার সাফল্যই শ্রীকৃষ্ণের চরমোৎ-  
কর্ষ বিস্তার করেন । যেহেতু অগ্ৰাণ্য ভগবৎস্বরূপ হইতে শ্রীকৃষ্ণের  
যতই উৎকর্ষ থাকুক না কেন, রসকৃত উৎকর্ষই শ্রীকৃষ্ণরূপের  
অসাধারণ বিশিষ্টতা বা রসিকশেখরতা সম্পাদক (—রসেনোৎ-  
কর্ষতে কৃষ্ণরূপমেধা রসস্থিতিঃ—ভক্তিরসামৃতসিন্ধু ) । অতএব  
রসিকশেখর শ্রীকৃষ্ণের উৎকর্ষ বৃদ্ধিতে হইলে প্রথমতঃ রসের  
উৎকর্ষ বৃদ্ধিতে হইবে । ভক্তিরস গোণমুখ্য-ভেদে দ্বিবিধ ;  
হাস্যাদি সাতটী গোণভক্তিরস ; আর শাস্ত, দাস্ত, সখ্য, বাৎসল্য

ঋষুর এই পাঁচটি মুখ্যভক্তিরস । এই মুখ্য ভক্তিরস মধ্যেও আবার শান্তাদি পূর্ব পূর্ব রসের গুণ, দাশ্যাদি পর পর রসে বিদ্যমান-হেতু, এক শৃঙ্গাররসেই একাধারে পাঁচটি গুণ বিরাজিত আছে, এজন্য শৃঙ্গাররসই সর্ব্বাপেক্ষা শ্রেষ্ঠ । এই শৃঙ্গাররসের চরমোৎকর্ষ আবার পরকীয়াভাবেই প্রতিষ্ঠিত—স্বকীয়াতে নহে (—“অত্রৈব পরমোৎকর্ষঃ শৃঙ্গারস্য প্রতিষ্ঠিতঃ”— উজ্জ্বলনীলমণি । “পরকীয়া-ভাবে অতিরসের উল্লাস”—শ্রীচৈঃ চঃ ) । একারণে পরকীয়া-ভাবে চরমোৎকর্ষপ্রাপ্ত শৃঙ্গাররসোল্লাস আশ্বাদনেই শ্রীকৃষ্ণেরও চরমোৎকর্ষ বা রসিকশেখরতা পরাকাষ্ঠা প্রকটিত (—“উদাত্তা-ঐতরিতি উপপতিত্বে পূর্ণতমত্বয়েব—শ্রীপাদ জীবগোস্বামী কৃত লোচনরোচনী ) ।

শ্রীকৃষ্ণ গোলোকে ব্রজাঙ্গনাগণ সহ যে নিত্যবিহার করি-তেছেন, সেখানে স্বকীয়াভাবে রসাশ্বাদন হইতেছেন তথায় পর-কীয়াভাব না থাকায় শৃঙ্গাররসের চরমোৎকর্ষাবস্থার আশ্বাদন হন না, এজন্য গোলোকে শ্রীকৃষ্ণের রসিকশেখরতা বা রসনির্যাস আশ্বাদন চাতুর্য্যের সাফল্য না হওয়ায়, রসগত উৎকর্ষের চরমা-বস্থাও তথায় অভিব্যক্ত হন না ; ইহা একমাত্র ভৌমব্রজেই হইয়া থাকেন, যেহেতু ভৌমব্রজেই পরকীয়াভাবের অব্যভিচারিনী নিত্যস্থিতি ( “ব্রজ বিনা ইহার অন্ত্র নাহি বাস”—শ্রীচৈঃচঃ ) । এজন্য শ্রীকৃষ্ণ গোলোক হইতে সঙ্কল্প করেন,—“বৈকুণ্ঠাচ্ছে নাহি যে যে লীলার বিস্তার । সে সে লীলা করিমু যাতে মোর চমৎ-

কার ॥ মো বিষয়ে গোপীগণের উপপতিভাবে । যোগমায়া করি-  
বেন আপন প্রভাবে ॥ আমিহ না জানি তাহা না জানে  
গোপীগণ । দৌহার রূপেগুণে দৌহার নিত্য হরে মন ॥”শ্রীচৈঃচঃ

পরকীয়াভাব, প্রাকৃত নায়িকাতেই অত্যন্ত রসবিঘাতক,  
কিন্তু ব্রজাঙ্গনাগণে নহে ( যথাহ ভরতঃ—“নেষ্টা যদঙ্গিনি রসে  
কবিভিঃ পরোঢ়াস্তদেগাকুলাশুজদৃশাং কুলমন্তরেণ”—উজ্জ্বলনীল-  
মণিঃ ) । ব্রজাঙ্গনাগণের এই পরকীয়াভাব, দোষাবহ না হওয়ার  
কারণ এই,—ব্রজাঙ্গনাগণ শ্রীকৃষ্ণেরই স্বরূপভূতা হ্লাদিনীশক্তি-  
পরিণতিরূপা\* বা আনন্দচিন্ময়রস প্রতিভাবিতা, তদীয় নিত্য-  
কান্তা শ্রীকৃষ্ণেচ্ছায় অঘটন-ঘটনাপটীয়সী যোগমায়া, এই নিত্য-  
কান্তাগণেই আপন প্রভাবে পরকীয়ারূপ ভ্রম জন্মাইয়া দিয়া  
রসিকেন্দ্রমৌলি শ্রীকৃষ্ণের ঐ অতৃপ্ত আকাঙ্ক্ষার চরিতার্থতা  
সম্পাদন করেন ।

একথা পূর্বেবাক্ত “নেষ্টা যদঙ্গিনিরসে” শ্লোকের লোচন-  
রোচনী টীকায় শ্রীজীবগোস্বামীচরণও বলিয়াছেন ; যথা—  
“আশংসয়েতি\*\*\*তদ্বারাবতারিতানাং নিত্যপ্রেয়সীনামেব তাসাং

\*হ্লাদিনীর সার প্রেম ; প্রেমসার ভাব ।

ভাবের পরমকাষ্ঠা নাম মহাভাব ॥

মহাভাবস্বরূপা শ্রীরাধাঠাকুরাণী ।

সর্বগুণখনি কৃষ্ণকান্তাশিরোমণি ॥—শ্রীচৈঃচঃ ।

পরদারহ্রম্ভমেগ যথা রসশ্চ বিধিঃ প্রকারবিশেষঃ সম্ভবতি তথা  
 জন্মাদিলীলয়া বিস্মার্য্য প্রকটীকৃতানামিত্যর্থঃ” । শ্রীমদ্ভাগবতের  
 “নাস্ময়ন্ খলু কৃষ্ণায়” ( ১০।৩৩।৩৭ ) এই শ্লোকের লঘুতোষণীতে  
 উক্ত আছেন,—“\*\*\*যোগমায়া মোহিতাঃ সমুত্তে তশ্চ দারান্  
 স্বান স্বান্ মন্যমানাঃ \* \* \* অয়মভিপ্রায়ঃ—যোগমায়া কল্লিতা-  
 নামন্যাসামেব তৈর্বিবহনং সংপ্রবৃত্তং নতু ভগবন্মিত্যপ্রেয়সীনা-  
 মिति । \*\*\* ইত্যেব তাসাং তৈর্বিবাহসম্বন্ধো ন জাত ইতি” ।  
 তাৎপর্য্যার্থঃ—রসিকশেখর শ্রীকৃষ্ণ পরকীয়াভাবে রসনির্ঘ্যাস  
 আশ্বাদন সংকল্পে নিত্যপ্রেয়সীগগ সহ ভৌমব্রজে অবতীর্ণ হইলে,  
 জন্মাদিলীলাক্রমে ব্রজাঙ্গনাগণ স্বীয় নিত্যপ্রেয়সীভাব বিস্মৃত  
 হইয়াছিলেন যখন ব্রজাঙ্গনাগণের বিবাহ সময় উপস্থিত হইয়া-  
 ছিল, তখন যোগমায়া স্বীয় প্রভাবে প্রকৃত ব্রজাঙ্গনাগণকে  
 আবরণপূর্ব্বক, তৎকালে কল্লিত ব্রজাঙ্গনামূর্ত্তির সঙ্গে অভিমন্যু  
 প্রভৃতি গোপগণের স্বাপ্নিক বিবাহ সম্পাদন করিয়াছিলেন ।  
 এজন্য ব্রজাঙ্গনাগণের প্রতি অভিমন্যু প্রভৃতি গোপগণের দার-  
 বুদ্ধি মননমাত্র—বাস্তব নহে এবং অভিমন্যু প্রভৃতি গোপগণের  
 প্রতি ব্রজাঙ্গনাগণের পতিবুদ্ধিও যোগমায়ামোহিত স্বজনগণ  
 কর্তৃক আরোপিত ভ্রমমাত্র । সুতরাং ব্রজাঙ্গনাগণ ভাবে মাত্র  
 পরকীয়া, তত্ত্বতঃ পরকীয়া নহেন - নিত্য কান্তা । এজন্য ব্রজ-  
 পরকীয়াভাব রসদূষণ না হইয়া রসভূষণই হইয়াছেন ।

ব্রজাঙ্গনাগণের যদিও শ্রীকৃষ্ণেই নিজ কান্তবুদ্ধি সংস্কার-

রূপে বদ্ধমূল ছিল, তথাপি যোগমায়া মোহিত স্বজনগণের উপদেশে তাঁহারা ঐ সকল গোপগণের প্রতি পতি বলিয়া ভ্রান্ত হইয়াছিলেন। ইহা দ্বারাই তাঁহাদের কৃষ্ণানুরাগের চরমোৎকর্ষ অভিব্যক্ত হইয়াছিল। যেহেতু কুলকণ্ঠকাগগ প্রজ্জ্বলিত অগ্নিতে প্রাণবিসর্জ্জনকেও তত ছুঃখ বলিয়া মনে করেন না, লোকবেদ-মর্যাদা হইতে বিচ্যুতিটী তাঁহাদের যত ছুঃখকর। ব্রজাঙ্গনাগগ কুলবধু হইয়াও কৃষ্ণানুরাগ প্রভাবে ছুস্তাজ লোকবেদ-মর্যাদা অনায়াসে উল্লেখন করতঃ শ্রীকৃষ্ণের সহিত মিলিত হইয়াছিলেন। পরকীয়া লক্ষণেও তাহাই উক্ত আছে যে—“রাগেণৈবার্পিতাত্মানো লোকযুগ্মানপেক্ষিণা। বর্ষণোণাধীকৃত্য যাস্তু পরকীয়া ভবন্তি তাঃ ॥— উজ্জয়নীলমণি। ব্রজাঙ্গনাগণের ঐদৃশ অনুরাগ প্রাবল্য বিজৃম্বিত রসোল্লাস আশ্বাদনে বিমুগ্ধ হইয়াই শ্রীকৃষ্ণ স্বয়ং শ্রীমুখে তাঁহাদের তাদৃশ নিরবচ্ছিন্নপ্রেমের প্রশংসা করিয়াছেন—“ন পারয়ে-হং নিরবচ্ছ সংযুজাম্” ইত্যাদি— শ্রীভাঃ। শ্রীমান্ উক্তব মহাশয়ও “আসামহো চরণরেণু জুযামহং স্তাম্” (শ্রীভাঃ ১০।৪৭)। ইত্যাদি শ্লোকে ব্রজাঙ্গনাগণের তাদৃশ প্রেমোৎকর্ষের নিরবচ্ছিন্নতা উচ্চৈঃস্বরে ঘোষণা করিয়াছেন। সুতরাং শ্রীকৃষ্ণ নিত্যপ্রেয়সী ব্রজসুন্দরীগণের এই পরকীয়াভাব, সর্বকথা দোষবর্জিত ও তাদৃশ অনুরাগোৎকর্ষসূচক বলিয়া পরম শ্লাঘ্যতম।

**অপ্রকটব্রজে নিত্যপরকীয়াভাব।** — ব্রজবধুগণের এই পরকীয়াভাবের উৎকর্ষবিশেষ যে, শ্রীমদ্ভাগবত সম্বত এবং শ্রীপাদ

গোষ্ঠামীগণেরও পরম অভিপ্রেত, তাহা প্রদর্শিত হইল। এক্ষণে জানা আবশ্যিক “ব্রজাঙ্গনাগণের তাদৃশ পরকীয়াভাব কেবল অবতার লীলাতেই আছেন? কিংবা অপ্রকট লীলাতেও আছেন?” এ সম্বন্ধে শ্রীজীব গোষ্ঠামীচরণ বলেন—\*\*\*তদেতদ্বিচার্য্য গ্রন্থ-কুন্ডিরপি লঘুতমত্র যৎপ্রোক্রমিত্যাদৌ, নেষ্টা যদঙ্গিনি রসে কবিভিঃ পবোঢ়াইত্যাদৌ চ অবতারসময়ে এব উপপত্তিহ ব্যবহার স্তুদিতরসময়ে তু নেতি স্বীকৃতং”—লোচনরোচনী। শ্রীজীব গোষ্ঠামীচরণের এই বাক্যানুসারে প্রতীতি হইতেছে যে, পরকীয়া ভাব অবতার লীলায়ই আছেন মাত্র, অপ্রকট লীলায় নাই।

কিন্তু আমরা অপরদিকে দেখিতে পাই, রসিকেন্দ্রমৌলি শ্রীকৃষ্ণ স্বমাধুর্য্য আশ্বাদন লালসায় শ্রীরাধিকার পরকীয়াভাবময় প্রেমবিশেষে বিভাবিতচিত্তেই শ্রীগৌরসুন্দররূপে অবতীর্ণ হইয়াছিলেন, যথা—“পরকীয়াভাবে অতি রসের উল্লাস। ব্রজ বিনা ইহার অন্ত্র নাহি বাস ॥ ব্রজবধুগণের এই ভাব নিরবধি। তার মধ্যে শ্রীরাধার ভাবের অবধি। প্রৌঢ় নির্ম্মল ভাব প্রেম সর্ব্বোত্তম। কৃষ্ণের মাধুর্য্যরস আশ্বাদ কারণ। অতএব সেই ভাব অঙ্গীকার করি। সাধিলেন নিজ বাঞ্জা গৌরাঙ্গ শ্রীহরি ॥”—শ্রীচৈঃচঃ এবং শ্রীগৌরসুন্দর এই পরকীয়াভাবেই স্বমাধুর্য্য আশ্বাদন করিয়াছেন, যথা রাগঃ—“আমরা ধর্ম্মে ভয় করি, রহি যদি ধৈর্য্য ধরি, তবে আমায় করায় বিড়ম্বনা। নীবি খসায় গুরু আগে, লজ্জা ধর্ম্ম করায় ত্যাগে” ইত্যাদি—শ্রীচৈঃচঃ।

পরম করুণ শ্রীগৌরসুন্দর, শ্রীবৃন্দাবনীয় রসকেলিবর্ত্তা বা রাগমার্গীয় ভজন পরিপাটী প্রচারের নিমিত্ত যাঁহাকে শক্তি-সঞ্চার করিয়াছিলেন, সেই শ্রীরূপগোস্বামীচরণও শ্রীচৈতন্যমনো-হতীষ্ট পরকীয়াভাবময়ী লীলায়ই প্রেমসেবা প্রার্থনারীতি প্রদর্শন করিয়া রাখিয়াছেন ; যথা—“গুৰ্ব্বাত্তয়া কাপি ছল্লাভায়েন্য-বীক্ষণো । মিথঃ সন্দেশ সীধুভ্যাং নন্দয়িষ্যামি বাং কদা” স্তব-মালান্তর্গত কার্পণ্যপঞ্জিকা শ্রীরূপানুগত শ্রীমদ্রঘুনাথদাস গোস্বামীচরণও অপ্রকটকালে ঐ পরকীয়াভাবেরই সাক্ষাৎ অনুভব করিয়াছেন ; যথা—“প্রাতঃ পীতপটে কুচোপরি রুষা ঘূর্ণাভরে লোচনে বিস্মোৰ্ঠে পৃথুবিক্ষতে জটিলয়া সংদৃশ্যমাণে মুহুঃ । বাচা যুক্তিষুষা মৃষা ললিতয়া তাং সংপ্রত্যাধা ক্রুধা দৃষ্টেমাং হৃদি ভীষিতা রাধা ধ্রুবং পাতু বঃ ॥” —স্তবাবলী ।

শ্রীগৌরসুন্দর এবং শ্রীরূপগোস্বামীচরণ, শ্রীকৃষ্ণ লীলার অপ্রকট সময়েই ঐ সকল ভাব আশ্বাদন করিয়াছেন ; তৎকালে প্রকাশান্তরে যদি ঐ পরকীয়াভাবের লীলা না থাকিতেন, তবে তাঁহাদের ঐ সকল আশ্বাদন কেবল স্বপ্নবৎ অলীক হইয়া পরিতেন এবং তাঁহাদের প্রচারিত ঐ পরকীয়াভাবময় উপাসনা প্রণালী অবলম্বনে যাঁহারা ভজন করিবেন, তাঁহাদের ভজনানুরূপ পরকীয়াভাবের লীলাপ্রাপ্তি অতীব দুর্ঘট হইতেন । অতএব “অস্মিন্-ল্লোকে পুরুষো যথাক্রতুর্ভবতি স ইতঃপ্রেত্য তথা ভবতি” এই শ্রুতিবাক্য এবং শ্রীল ঠাকুর মহাশয়ের—“সাধনে যে ধন চাই,

সিদ্ধদেহে তাহা পাই, পক্ষাপক্ষ মাত্র সে বিচার” এই বাক্য সম্পূর্ণ  
 ব্যর্থ হয়। এসকল বাক্যের তাৎপর্য্য এই সাধক সাধনাবস্থায় যে  
 ভাব প্রার্থনা করিবেন, সিদ্ধাবস্থায় সেই ভাবই প্রাপ্ত হইবেন \*  
 অতএব সাধনাবস্থায় ষাঁহারা পরকীয়াভাবে উপাসনা করিবেন,  
 সিদ্ধাবস্থায়ও তাঁহারা পরকীয়াভাবেই লীলা প্রাপ্ত হইবেন এবং  
 ষাঁহারা স্বকীয়াভাবে উপাসনা করিবেন তাঁহারা স্বকীয়াভাবেই  
 লীলা প্রাপ্ত হইবেন। এজন্যই শ্রীপাদ জীবগোশ্বামীচরণ ব্রহ্ম-  
 সংহিতামতে অপ্রকটে গোলোকস্থ স্বকীয়াভাব লিপ্সু সাধকের  
 জন্ম, স্বরচিত “সঙ্কল্প-কল্পক্রম” নামক গ্রন্থে স্বকীয়াভাবের উপা-  
 সনা প্রণালী প্রণয়ন করিয়া রাখিয়াছেন। সুতরাং শ্রীকপ-  
 গোশ্বামীচরণ, শ্রীদাসগোশ্বামীচরণ ও শ্রীকবিরাজগোশ্বামীচরণের  
 প্রবর্তিত শ্রীচৈতন্যমনোহরীষ্ট পরকীয়াভাবময় উপাসনামার্গের  
 সাধক যে, অপ্রকটে প্রকাশভেদে পরকীয়াভাবে নিত্যলীলা প্রাপ্ত  
 হইবেন, তাহাতে আর সন্দেহ কি ?

অপ্রকটে যে প্রকাশভেদে পরকীয়াভাবে নিত্যলীলা  
 আছেন, তাহা শ্রীকবিরাজ গোশ্বামীচরণও ইঙ্গিত করিয়াছেন ;  
 যথা—“অতএব মধুর রস কহি তার নাম। স্বকীয়া পরকীয়াভাবে  
 দ্বিবিধ সংস্থান”— শ্রীচৈঃচঃ। ‘সংস্থান’ শব্দের অর্থ—সম্যক্

\*“ব্রজলোকের কোন ভাব লঞা যেই ভজে। ভাবযোগ্য  
 দেহ পাঞা কৃষ্ণ পায় ব্রজে ॥” শ্রীচৈঃচঃ।

স্থিতি, নিত্যস্থিতি। ষড়্গোশ্বামীচরণানুগত শ্রীকবিরাজ  
গোশ্বামীচরণ, শ্রীজীবগোশ্বামীপাদ-সমীপে বিশেষভাবে কৃতজ্ঞতা  
প্রকাশ করিয়া বলিয়াছেন,—“দৃষ্টে শ্রীরঘুনাথদাস-কৃতিনা  
**শ্রীজীব সঙ্গোদগতে**। কাব্যে শ্রীরঘুনাথ ভট্টবরজে গোবিন্দ-  
লীলামৃতে”—গোবিন্দলীলামৃত স্মুতরাং শ্রীজীবগোশ্বামীচরণের  
সঙ্গপ্রভাবে যে গোবিন্দলীলামৃত কাব্য প্রণয়ন করিয়াছেন, তাহাতে  
পরকীয়াভাবময়ী নিত্যলীলা বর্ণিত হওয়ায় জানা যাইতেছে যে,  
প্রকাশভেদে অপ্রকটেও পরকীয়াভাব আছেন এবং উহা শ্রীজীব-  
গোশ্বামীচরণের অনুমোদিত, নচেৎ তদনুগত শ্রীকবিরাজ  
গোশ্বামীচরণ উহা বর্ণন করিতেন না এবং শ্রীজীবগোশ্বামীচরণের  
ছাত্র শ্রীনরোত্তম ঠাকুর মহাশয়, স্বীয় প্রার্থনাতে,—“কবে বৃষ-  
ভানুপুরে, আহীরী গোপের ঘরে, তনয়া হইয়া জনমিব ॥ যাবটে  
আমার কবে, এ পাণি গ্রহণ হবে, বসতি করিব কবে তায় ।”  
এই পরকীয়াভাবময়-সিদ্ধাবস্থা প্রাপ্তি লালসা করাতেও জানা  
যাইতেছে যে, নিশ্চয়ই প্রকাশভেদে অপ্রকটেও পরকীয়াভাব  
আছেন, নচেৎ তিনি পরকীয়াভাবে প্রাপ্তি লালসা করিতেন না।  
আর এই পরকীয়াভাবে নিত্যলীলা না থাকিলে শ্রীল ঠাকুর  
মহাশয়ের “সাধনে যে ধন চাই, সিদ্ধদেহে তাহা পাই” এই বাক্য ব্যর্থ  
হইয়া পড়ে। বিশেষতঃ অপ্রকটে যে পরকীয়াভাব আছেন,  
তাহা সনৎকুমার সংহিতা ও পদ্মপুরাণ পাতালখণ্ডে দ্বিপঞ্চাশত্তম  
অধ্যায়ে সদাশিব-নারদ সংবাদে স্পষ্টভাবে উক্ত আছেন; যথা—

তথা প্রকটলীলায়াং পুরাণেষু প্রকীর্তিতাঃ ।  
 তথা তে নিতালীলায়াং সন্তি বৃন্দাবনে ভুবি ॥  
 গমনাগমনে নিত্যং করোতি বনগোষ্ঠয়োঃ ।  
 গোচারণং বয়শ্চৈশ্চ বিনাস্বরবিঘাতনম্ ॥  
 পরকীয়াভিমানিন্য স্তথা তস্মা প্রিয়া জনাঃ ।  
 প্রচ্ছন্নেনৈব ভাবেন রময়ন্তি নিজপ্রিয়ম্ ॥”

এই সকল শ্রুতার্থের অন্তথানুপপত্তিহেতু, অর্থাপত্তি প্রমাণ দ্বারা শ্রীজীবগোস্বামীচরণের পূর্বোক্ত সিদ্ধান্তের ভিতর দিয়াই অপ্রকটে পরকীয়াভাবের সিদ্ধান্তসঙ্গতি কর্তব্য। স্ফুটবাক্যে অস্বীকৃত অর্থের যেখানে প্রকারান্তরে লব্ধ অর্থদ্বারা সিদ্ধান্তসঙ্গতি হইয়া থাকে, পাণ্ডিতগণ সেইখানে অর্থাপত্তি প্রমাণ স্বীকার করেন। —“অসিদ্ধার্থদৃষ্ট্যা সাধকাত্মার্থ কল্পনমর্থাপত্তিঃ” যেমন— পীনোহয়ং দেবদত্তো দিবা ন ভুঙ্ক্তে—দেবদত্ত নামক ব্রাহ্মণ-বটকে স্থূল দেখায়, অথচ সে দিবাভাগে ভোজন করে না। এস্থলে যেমন দেবদত্তের, প্রকারান্তরে রাত্রিভোজনরূপ অর্থ কল্পনা দ্বারা স্থূলত্ব সিদ্ধ হইয়া থাকে, সেইরূপ অপ্রকটে পরকীয়াভাব শ্রীজীবগোস্বামীচরণ যদিও প্রকাশভাবে অস্বীকার করিয়াছেন, তথাপি পূর্বোক্ত স্থূলসমূহে—বিশেষতঃ পাদু পাতালখণ্ডে স্ফুটবাক্যে অপ্রকটে পরকীয়াভাব স্বীকৃত হওয়ায় অপ্রকটের প্রকাশভেদরূপ গূঢ়ার্থের অবতারণা দ্বারা এই দ্বিবিধ বাক্যের সিদ্ধান্ত সঙ্গতি করিতে হইবে। অর্থাৎ শ্রীজীবগোস্বামীচরণ, যে অপ্রকট প্রকাশ

হইতে শ্রীকৃষ্ণের প্রপঞ্চে অবতার বর্ণন করিয়াছেন, সেই অপ্রকট প্রকাশ সম্বন্ধেই পরকীয়াভাব অস্বীকার করিয়াছেন, অন্য অপ্রকট প্রকাশ সম্বন্ধে অস্বীকার করেন নাই।

শ্রীমদ্ভাগবতের “তত্রাংশেনাবতীর্ণস্য বিষ্ণোর্বীৰ্য্যাণি শংসনঃ” ১০।১।২ এই শ্লোকের লঘুতোষণীতে শ্রীজীবগোস্বামীচরণ— “অবতীর্ণস্য গোলোকাখ্য নিরূপমলোকাং প্রপঞ্চে অভিব্যক্তি-মাগতস্য” এরূপ অর্থ করিয়া দেখাইয়াছেন যে, পরব্যোমোর্দ্ধবর্তী গোলোকাখ্য অপ্রকট প্রকাশবিশেষ হইতে শ্রীকৃষ্ণ প্রপঞ্চে অবতীর্ণ হইয়াছেন। শ্রীগোপালচম্পূর প্রারম্ভেও শ্রীজীবগোস্বামীচরণ বলিয়াছেন—“প্রকট ও অপ্রকট প্রকাশময় শ্রীবৃন্দাবনের বহুবিধ প্রকাশ † আছেন, তন্মধ্যে ব্রহ্মসংহিতায় “গোলোক নামে যে প্রকাশ বর্ণিত হইয়াছেন, আমি সেই বৃন্দাবনীয় অপ্রকট প্রকাশময় বৈভব বিশেষই ‡ সম্প্রতি বর্ণন করিব” ৩। বৃন্দাবন

† “সদানন্তৈঃ প্রকাশৈঃ ঐশ্বরীলাভিশ্চ স দীবাতি”।—

শ্রীলঘুভাগবতামৃত ।

‡ “যন্তু গোলোক নাম স্যাৎ তচ্চ গোকুলবৈভবম্।

স গোলোকো যথা ব্রহ্মসংহিতায়ামিহ শ্রুতঃ ॥”

শ্রীলঘুভাগবতামৃত ।

৩ “তত্র চ প্রকটাপ্রকটপ্রকাশময়স্য বৃন্দাবনস্য বহুবিধ সংস্থানতয়া শাস্ত্রশ্রুতস্যাপ্রকটপ্রকাশময়বৈভববিশেষএব সম্প্রতি বর্ণনীয়ঃ”—

শ্রীগোপালচম্পূঃ পূর্ব ১।২২।

বা গোকুলের বৈভবরূপ এই গোলোকাখ্য অপ্রকট প্রকাশ বিশেষ শ্রীকৃষ্ণ ব্রজসুন্দরীগণসহ স্বকীয়াভাবে নিত্য বিহার করেন (“নিজ-রূপতয়া”—স্বদারত্বেন নতু প্রকটলীলাবৎ ঔপপত্য-পরদারত্ব-ব্যবহারেণ—ব্রহ্মসংহিতা)। সুতরাং রসিকশেখর শ্রীকৃষ্ণ যখন গোলোক হইতে ভৌমব্রজে অবতীর্ণ হইয়া প্রকট বিহার করেন; তখনই তিনি ( গোলোকবিহারী ), ভৌমব্রজের সম্পত্তি পরকীয়া ভাবোল্লসিত রসনির্যাস আশ্বাদন করেন, অণু সময়ে ( অপ্রকটে গোলোকে ) স্বকীয়াভাবে লীলারস আশ্বাদন করেন। এই অভি-প্রায়েই শ্রীজীবগোস্বামীচরণ, পরব্যোমোর্দ্ধবর্তী বৈভবময় অপ্রকট-প্রকাশবিশেষ গোলোককে লক্ষ্য করিয়াই অপ্রকটে পরকীয়াভাব অস্বীকার করিয়াছেন, কিন্তু পরকীয়াভাবের বিহারভূমি ভৌম ব্রজস্থিত অপ্রকট প্রকাশবিশেষকে লক্ষ্য করিয়া নহে।

গোলোক ও ব্রজে যে প্রকাশভেদে যুগপৎ নিত্য বিহার চলিতেছেন, তাহা শ্রীকবিরাজ গোস্বামীচরণও পরিশ্ফুটভাবে বলিয়াছেন; যথা—“স্বয়ং ভগবান্ কৃষ্ণ ব্রজেন্দ্রকুমার। গোলোক ব্রজের সহ নিত্য বিহার ॥”—শ্রীটৈঃ চঃ। গোলোক ও ব্রজের নিত্যবিহার, সহ—যুগপৎ—একই সময়ে চলিতেছেন; গোলোকের নিত্যবিহারেরও কখন বিরাম নাই, ব্রজের নিত্যবিহারেরও কখন বিরাম নাই। একই শ্রীকৃষ্ণলোক তত্ত্বতঃ অভিন্ন হইয়া যে যুগপৎ পরব্যোমোর্দ্ধে “গোলোক” ও পৃথিবীতে “ব্রজ বা গোকুলরূপে” প্রকাশভেদে নিত্যবিরাঙ্গমান আছেন, তাহা শ্রীপাদ জীবগোস্বামী

চরণই বলিয়াছেন ; যথা—“অতএব বৃন্দাবনং গোকুলম্বেই  
সর্বোপরি-বিরাজমানং গোলোকত্বেন প্রসিদ্ধম্” — শ্রীকৃষ্ণসন্দর্ভঃ ।  
পৃথিবীতে বিরাজমান শ্রীবৃন্দাবনের যে প্রকাশ নিখিল বৈকুণ্ঠো-  
পরি বিরাজিত আছেন, তাহারই নাম শ্রীগোলোক । “তদেবং  
ধাম্লামুপর্য্যধঃ প্রকাশমাত্রত্বেনোভয়বিধত্বং প্রসক্তম্ । বস্তুতন্তু  
শ্রীভগবন্মিত্যাধিষ্ঠানত্বেন শ্রীভগবদ্বিগ্রহবচ্ছভয়ত্র প্রকাশাবিরোধাৎ  
সমানগুণনামরূপত্বেন আশ্রিতত্বান্নাঘাট্টৈকবিধমেব মন্তব্যম্ । এক-  
শ্চৈব শ্রীবিগ্রহস্য বহুত্র প্রকাশশ্চ দ্বিতীয়সন্দর্ভে দর্শিতঃ— চিত্রং  
বতৈতদেকন বপুষা \* \* \* স্ত্রিয় এক উদাবহদিত্যাদিনা” ।—  
শ্রীকৃষ্ণসন্দর্ভঃ । ইহা দ্বারা দেখাইলেন যে একই শ্রীকৃষ্ণবিগ্রহ  
যেমন ষোড়শ সহস্র মহিষীর পাণিগ্রহণকালে একই সময়ে পৃথক-  
পৃথক গৃহে প্রকাশ পাইয়াছিলেন, তদীয় ধামও তেমন একই  
সময়ে অনন্ত বৈকুণ্ঠোপরি শ্রীগোলোকরূপে এবং পৃথিবীতে  
গোকুলবৃন্দাবনরূপে বিরাজমান আছেন ।

“ততোহশ্চৈবাপরিচ্ছিন্নস্য গোলোকাখা-বৃন্দাবনীয়-প্রকাশ  
বিশেষস্য বৈকুণ্ঠোপর্য্যাপি স্থিতির্মাহাত্ম্যাবলম্বনেন ভজতাং স্মুর-  
তীতি জ্ঞেয়ম্” ।—শ্রীকৃষ্ণসন্দর্ভঃ ১০৬ । ষাঁহার মাহিমাংশ অব-  
লম্বনে ভজন করেন, তাঁহাদের সম্বন্ধে বৃন্দাবনের প্রকাশ বিশেষ  
—যাহার নাম গোলোক—যাহা অপরিচ্ছিন্ন, তাহা উর্দ্ধাবস্থিত-  
রূপে স্মুরিত হইয়া থাকেন । ইহা দ্বারা স্পষ্টই প্রতীত হইতেছে

যে, শ্রীকৃষ্ণলোকের মাধুর্য্যময় প্রকাশ ভৌম বৃন্দাবন বা গোকুল,  
আর বৈভবময় প্রকাশ গোলোক ।

পরব্যোমোর্দ্ধবর্ত্তি গোলোকে ও ভৌমব্রজে, একই শ্রীকৃষ্ণ  
যে প্রকাশভেদে অপ্রকটভাবে নিত্যবিহার করিতেছেন, সে সম্বন্ধে  
শ্রীবৃহদ্ভাগবতামৃতে গোপকুমারের প্রতি দেবর্ষি নারদ বলিয়াছেন—

“যথা ক্রীড়তি তদ্ভুমৌ গোলোকেহপি তথৈব সঃ ।

অথ উর্দ্ধতথা ভেদোহনয়োঃ কল্লোত কেবলম্ ॥”

বৃঃ ভাঃ—২।৫।১৬৮

\*\*\* অতএব অনয়োর্ভৌম-মাথুর-গোকুলস্ম গোলকস্ম  
চ ইত্যেতয়োদ্বয়োঃ কেবলমথ উর্দ্ধতয়া ভুলোকবর্ত্তিহেন তস্মাৎসুতয়া  
বৈকুণ্ঠোপরি বর্ত্তমানহেন চাস্মোর্দ্ধতয়া ভেদঃ কল্লোত ন চ বস্তুতো  
বিচারেণ বিশেষোহস্তীর্থঃ ।-- ঐ টীকা ।

কিন্তু তদ্ভূজভুমৌ স ন সর্বৈবদৃশ্যতে সদা ।

তৈঃ শ্রীনন্দাদিভিঃ সাদ্ধমশ্রাস্তং বিলসন্নপি ॥

বৃঃ ভাঃ—২।৫।১৬৯

\*\*\* তস্মাৎ ব্রজভুমৌ স শ্রীনন্দনন্দনশ্চৈব সুপ্রসিক্তৈঃ  
শ্রীনন্দাদিভিঃ সহ ক্রীড়ন্নপি সর্বৈবর্জনৈঃ সদা তত্র ন দৃশ্যতে ।  
কিন্তু কস্মিংশ্চিৎ দ্বাপরাস্তে সর্বৈবেরেব দৃশ্যতে\* । অন্ত্যদা চ

\* বৈবম্বত মন্বন্তরের অষ্টাবিংশ চতুর্যুগীয় দ্বাপরযুগের  
শেষভাগে যখন ব্রজবিহারী শ্রীকৃষ্ণ প্রকট হয়েন, তখন গোলোক-

কদাচিৎ কেনচিদেব পরমৈকান্তিবরণেত্যর্থঃ । গোলোকে চ  
সর্বদা সর্বৈবেরেব তত্রগতৈদৃশ্যতে ইতি ।—ঐ টীকা ।

অপ্রকট সময়ে ভৌমব্রজে সাধারণ জনসকলের অদৃশ্যভাবে  
লীলা হইতেছেন ।—“তত্ত্বংশূণ্মিবারগাসরিদৃগির্ঘ্যাতি পশ্যতাং ॥”  
বৃঃ ভাঃ ২।৫।২৪২ । \*\*\* শূণ্মিব পশ্যতাম্ । ইবেতি বস্তুতঃ  
সর্বদা তত্রৈতরজ্জ লক্ষ্যমাণ ভগবৎক্রীড়ানুবৃত্তেঃ ।—ঐ টীকা ।

গোপকুমার ভৌমব্রজে আগমনপূর্বক লীলাস্থল সকল  
দর্শন করিতে করিতে অভ্যন্ত উৎকণ্ঠিত হইয়া মোহদশা প্রাপ্ত  
হইলে দয়ালু চুড়ামণি শ্রীকৃষ্ণ স্বয়ং, গোপকুমার সমীপে উপস্থিত  
হইয়া বংশীয়ুক্ত অমৃত সুশীতল করকমল দ্বারা তদীয় গাত্র হইতে  
ধূলি মার্জ্জন ও নাসারন্ধ্রে অপূর্ব সৌরভ্যভর যত্ন পূর্বক প্রবেশিত  
করিয়া লঘু লঘু সলিল সঞ্চালন পূর্বক তাহাকে সচেতন করিয়া  
ছিলেন,—

“ইথং বসনিকুঞ্জেশ্বিন্ বৃন্দাবনবিভূষণে ।

একদা রোদনাস্তোখৌ নিমগ্নো মোহমব্রজম্ ॥

দয়ালুচুড়ামণিনাহমুনৈব স্বয়ং সমাগত্য করাস্বুজেন ।

বংশীরতেনামৃশীতলেন মদগাত্রতো মার্জ্জয়তা রজাংসি ॥”ঐ

বিহারী শ্রীকৃষ্ণও ভৌমব্রজে অবতীর্ণ হইয়া ব্রজবিহারীর সঙ্গে  
একীভূতভাবে প্রকটবিহার করিয়া থাকেন ।

পূর্বোক্ত প্রমাণাদি দ্বারা স্থিরীকৃত হইল যে, গোলোকে শু ভৌমব্রজে একই সময়ে অপ্রকটভাবে নিত্যবিহার হইতেছেন। তন্মধ্যে গোলোকে যে স্বকীয়াভাবে নিত্যবিহার হইতেছেন, তাহার নিদর্শন “ব্রহ্মসংহিতা”। এই ব্রহ্মসংহিতার “আনন্দচিন্ময়রস” শ্লোকে উক্ত আছে—“নিজরূপতয়া গোলোকে এব নিবসতি” ব্রজসুন্দরীগণ সহ গোলোকাখ্য অপ্রকটেই স্বকীয়াভাবে নিত্যবিহার করিতেছেন। কিন্তু ভৌমব্রজস্থ অপ্রকটে স্বকীয়াভাবে নহে, পরকীয়াভাবে”—শ্লোকোক্ত ‘এব’ শব্দের তাৎপর্য কি ইহাও নহে? ভৌমব্রজস্থ অপ্রকট প্রকাশে যে পরকীয়াভাবে নিত্যবিহার করিতেছেন, তাহা পূর্বোক্ত স্থলসমূহে—বিশেষতঃ পাদ পাতালখণ্ড বাক্যে সুস্পষ্ট প্রমাণিত আছেন। শ্রীবিষ্ণুমঙ্গল ঠাকুর যথাবস্থিতদেহে মহাভাবের পূর্বভূমিকা অনুরাগ দশা প্রাপ্ত হইয়া যখন পদব্রজে ভৌমব্রজে গমন করেন, তখন ক্ষুণ্ণিত্তে নিকুঞ্জমধ্যে যে লীলা দর্শন করেন এবং পরিশেষে শ্রীকৃষ্ণকে সাক্ষাৎ প্রাপ্ত হইয়া যাহা প্রার্থনা করিয়াছেন, তাহাতেও ভৌমব্রজস্থ অপ্রকটে পরকীয়াভাবে নিত্যবিহারই সূচিত হইয়াছেন। যথা—“ভুবনং ভবনং বিলাসিনীশ্রী”—শ্রীকৃষ্ণকর্ণামৃত ১০২। এই শ্লোকের টীকায় শ্রীকৃষ্ণদাস কবিরাজ গোস্বামিচরণ ব্যাখ্যা করিয়াছেন,—

\* \* \* ইদং পরকীয়াসংখ্যানৃত্যং কিশোরীকুলৈঃ সহ রাসা-  
দিকেলিময়ত্চরিতং বিচিত্রমতিসর্বৌত্তমমেব নয়্য সেব্যমিতি

ভাবঃ” । এই যে পরিদৃশ্যমান নৃত্যপরায়ণা পরকীয়া অসংখ্য-  
 রমণীগণ সহ আপনার রাসবিলাসাদিময় অতি বিচিত্র চরিত্র,  
 ইহাই আমার সেবা । ইহা দ্বারা স্মৃচিত হইল যে, শ্রীবিষ্ণুমঙ্গল  
 ঠাকুর সেই অপ্রকট সময়েও ভৌমব্রজে পরকীয়াভাবে নিত্যলীলা  
 সাক্ষাৎকার করিয়াছিলেন । এজন্য শ্রীগৌরসুন্দর অপ্রকট ব্রজে  
 পরকীয়াভাবে নিত্যলীলার নিদর্শনস্বরূপ এই “শ্রীকৃষ্ণকর্ণামৃত”  
 প্রাপ্ত হইয়া যত্নসহকারে লিখাইয়া আনিয়াছিলেন । বলা বাহুল্য  
 গোলোকস্থ স্বকীয়াভাবে নিত্যলীলার নিদর্শন স্বরূপ প্রাপ্ত  
 হইয়া “ব্রহ্মসংহিতা” আনয়ন করিয়াছিলেন ।

শ্রীগৌরসুন্দরের আশ্বাদিত, শ্রীরূপ রঘুনাথের সাক্ষাদনু-  
 ভূত, পূর্বমহাজন শ্রীলীলাশুকের প্রত্যক্ষীকৃত—এই ভৌমব্রজস্থ  
 অপ্রকটপ্রকাশগত পরকীয়াভাবের নিত্যলীলা, শ্রীপাদগণের  
 অতীব রহস্যসম্পত্তি । এজন্য শ্রীরূপগোস্বামিপাদ ব্রজ-পরকীয়ার  
 নির্দোষত্ব খ্যাপন-প্রসঙ্গে বলিয়াছেন,—“ব্রজেন্দ্রনন্দনত্বেন সৃষ্ট  
 নিষ্ঠামুপেয়ুষঃ । যাসাং ভাবস্ত স মুদ্রা তদ্বৃত্তৈরপি তুর্গমা” ॥  
 উজ্জলনীলমণি—কৃষ্ণবল্লভা । শ্রীজীবগোস্বামিপাদও বলিয়াছেন,  
 —“তস্মিন্নৌপপত্যসাধারণদৃষ্টিবহিমুখানাংমেব জায়তে, তান্ প্রতি  
 তু নেদং শাস্ত্রং প্রকাশ্যতে ইতি ভাবঃ” ।—ঐ টীকা । সুতরাং  
 বহিমুখ-জনসকল ব্রজপরকীয়াভাবে জাগতিক কামময় কুৎসিৎ  
 ভাব মনে করিয়া অশেষ অপরাধে নিপতিত হইবে ভাবিয়া

গোবিন্দ-শরীর নিত্য,

তাহার সেবক সত্য,

বৃন্দাবন-ভূমি তেজোময় ।

শ্রীজীব গোষ্ঠামিচরণ ভোমব্রজস্থ অপ্রকট প্রকাশগত পরকীয়া-  
 ভাবময় নিত্যলীলা সুদৃঢ় আবরণের ভিতর রক্ষা করিয়াছেন ;  
 প্রকাশভাবে কোন কথাই না বলিয়া পরকীয়াস্থান উর্দ্ধতন গোলক  
 হইতেই ভোমব্রজে অবতার বর্ণন করিয়াছেন এবং অপ্রকটকালে  
 গোলোকবিহারীর গোলোকেই প্রবেশ বর্ণন করিয়াছেন, ব্রজ-  
 নাথের সম্বন্ধে কিছুই বলেন নাই । এজন্য তিনি গোলোকনাথকে  
 লক্ষ্য করিয়াই প্রকটে মাত্র পরকীয়াভাব এবং অপ্রকটে স্বকীয়া  
 ভাব দেখাইয়াছেন, ব্রজনাথকে লক্ষ্য করিয়া নহে । অতএব  
 প্রকাশভেদে ভোমব্রজের অপ্রকটে যে “পরকীয়াভাবে নিত্য  
 বিহার” হইতেছেন তাহা নিষেধ করা শ্রীজীবগোষ্ঠামিচরণের  
 অভিপ্রায় নহে, বস্তুতঃ ব্রজের পরম রহস্য সম্পত্তি বলিয়া উহা  
 ঐশ্বর্য্যজ্ঞান সম্ভ্রান্ত ভক্তগণ ও বহিমুখ জনসকলের নিকট গোপন  
 করিয়া রাখাই তদীয় হার্দে ॥৬৫॥

### শ্রীকৃষ্ণ-বিগ্রহের নিত্যত্ব—

গোবিন্দ শরীর নিত্যশ্রীকৃষ্ণের শ্রীবিগ্রহ নিত্য । জীবের  
 যেমন দেহ ও দেহী ভিন্ন বস্তু, শ্রীগোবিন্দের তেমন নহে । জীবের  
 দেহী—আত্মা চৈতন্যকণ অতএব নিত্য ; কিন্তু জীবের দেহ  
 প্রাকৃত উপাদানে গঠিত জড় অতএব অনিত্য । শ্রীগোবিন্দের

তাহাতে যমুনা জল,

করে নিত্য বলসল,

তার তীরে অষ্ট কুঞ্জ হয় ॥৬৬॥

দেহ-দেহী ভেদ নাই ( দেহ-দেহি-ভিদা চৈব নেশ্বরে বিত্ততে  
ক্চিৎ ) । শ্রীগোবিন্দের স্বরূপ অখণ্ড সচ্চিদানন্দময়, তদীয়  
শ্রীবিগ্রহ এই স্বরূপ হইতে পৃথক্ বস্তু নহেন (—“যদাত্মকো  
ভগবান্ তদাত্মিকা ব্যক্তিঃ”—পীঠকভাষ্য) । বস্তুতঃ অখণ্ড সচ্চিদা-  
নন্দময় স্বরূপই ঘনীভূত অবস্থায় শ্রীবিগ্রহরূপে নিত্য বিরাজমান  
আছেন । ক্ষীরের পুতুলের সর্বাবয়ব যেমন ক্ষীরেই পরিপূর্ণ,  
তেমন সচ্চিদানন্দঘন শ্রীগোবিন্দের করচরণাদি সর্বাবয়ব সচ্চিদা-  
নন্দ ভিন্ন আর কিছুই নহে ( “আনন্দমাত্রঃ করপাদমুখোদরাদিঃ  
সর্বত্র চ স্বগতভেদবিবর্জিতাত্মা” — শ্রুতি ) । অতএব শ্রীগোবি-  
ন্দের শ্রীবিগ্রহ নিত্য সত্য । তাহার সেবক সত্য—শ্রীগোবিন্দের  
দাস সখাদি পরিকরণগণ সকলই সচ্চিদানন্দস্বরূপ—নিত্যসিদ্ধ ।  
এমন কি শ্রীগোবিন্দের ঐ সকল পরিকরানুগত—জাগতিক  
ভক্তগণও তৎকৃপায় নিত্য সত্য সচ্চিদানন্দ কলেবর প্রাপ্ত হইয়া  
থাকেন ।

### শ্রীবৃন্দাবন-তত্ত্ব—

শ্রীবৃন্দাবনভূমি তেজোময়—শ্রীগোবিন্দের নিত্যধাম শ্রীবৃন্দা-  
বনও তদীয় শ্রীবিগ্রহবৎ সচ্চিদানন্দ স্বরূপ, অতএব জ্যোতির্স্বয়

শীতলকিরণ কর,

বঙ্গতরু-গুণধর,

তরুলতা ষড়ঋতু - শোভা ।

( চিদানন্দময় ) স্বপ্রকাশ ব্রহ্ম বস্তু (—“তাসাং মধ্যে সাক্ষাৎ ব্রহ্মগোপালপুরী হি”—গোপালতাপনী শ্রুতি ) ।

তাহাতে যমুনাঙ্গল, করে নিত্য ঝলমল—“নিত্য ঝলমল” এই দুইটি পদ প্রয়োগ দ্বারা যমুনারও ঐ প্রকার নিত্যতা ও সচ্চিদানন্দ স্বরূপতা কথিত হইল (“কালিন্দীয়ং সুষুম্নাখ্যা পরমামৃতবাহিনী”—শ্রীকৃষ্ণ সং—বৃঃ গোঃ ) ।

“তাহাতে যমুনাঙ্গল” ইত্যাদি শেষাৰ্দ্ধ-স্থলে একরূপ পাঠান্তর আছে যথা—“ত্রিভুবনে শোভাসার, হেন স্থান নাহি আর, যাহার স্মরণে প্রেম হয়” । একরূপ পাঠে স্মৃচিত হয় এই পূর্বেোক্তরূপ সচ্চিদানন্দময় বিভুবস্তু শ্রীবৃন্দাবন, শ্রীকৃষ্ণের ইচ্ছায় এই পৃথিবীতেই বিরাজমান আছেন ; স্বরূপে স্বপ্রকাশ জ্যোতির্স্বয়ং বিভুবস্তু হইয়াও প্রাকৃতনেত্রে উহা প্রাকৃত জগতের মতই প্রতীয়মান হইতেছেন, আবার কোন কোন ভাগ্যবান্ উহার স্বরূপ সাক্ষাৎকারও প্রাপ্ত হন ( বিশেষতঃস্তাদৃগলৌকিকরূপত্ব ভগবন্নিত্যধামত্বে তু দিব্যকদম্বাশোকাদি-বৃক্ষাদয়োহপ্যত্মাপি মহাভাগবতৈঃ সাক্ষাৎক্রিয়ন্তে ইতি প্রসিদ্ধেঃ—শ্রীকৃষ্ণ সং ) । এই শ্রীবৃন্দাবনের স্মরণে শ্রীকৃষ্ণ-প্রেম লাভ হয় ॥৬৬॥

পূর্ণচন্দ্র-সমজ্যোতি,  
 মহালীলা দরশন লোভা ॥৬৭॥  
 গোবিন্দ আনন্দময়,  
 নিকটে বনিতা চয়,  
 বিহরে মধুর অতি শোভা ।  
 ছ'ছ' প্রেমে উগমগি,  
 দৌহে দৌহা অনুরাগী,  
 ছ'ছ' রূপে ছ'ছ' মন লোভা ॥৬৮॥  
 ব্রজপুর বনিতার,  
 চরণ আশ্রয় সার,  
 কর মন একান্ত করিয়া ।  
 অন্য বোল গওগোল,  
 না শুনিহ উত্তরোল,  
 রাখ প্রেম হৃদয়ে ভরিয়া ॥৬৯॥

উত্তরোল উত্তরলঃ ॥৬৯॥

শীতল কিরণকর—শীতলকিরণ—চন্দ্র । সেই চন্দ্রের  
 কিরণে রঞ্জিত, স্বর্গীয় কল্পতরু হইতেও সমধিক গুণশালী নিত্য-  
 সিদ্ধ বৃক্ষলতা ও ষড় ঋতু দ্বারা শ্রীবৃন্দাবন সতত শোভমান ॥৬৭॥

তাদৃশ শোভাশালী শ্রীবৃন্দাবনে পূর্ণচন্দ্র অপেক্ষাও সুশী-  
 তল অঙ্গজ্যোতিপূর্ণ সচ্চিদানন্দধনবিগ্রহ মহামোহন লীলাবিলাস-  
 যুক্ত লোভনীয় দর্শন শ্রীগোবিন্দ চতুষ্পার্শ্ববর্তিনী অনুরাগবতী ব্রজ-  
 সুন্দরীগণসহ নিত্য বিহার করিতেছেন। ছ'ছ'—শ্রীকৃষ্ণ ও শ্রীরাধা ॥৬৮

মনঃশিক্ষা—

রে মন ! অনুরাগিনী ব্রজাঙ্গনাগণের চরণাশ্রয় একান্ত





অন্তের পরশ যেন, নহে কদাচিৎ হেন,  
ইহাতে হইবে সাবধান ।

রাধাকৃষ্ণ-নাম গান, এই সে পরম ধ্যান,  
আর না করিহ পরমাণ ॥৭৪॥

কর্মা জ্ঞানী মিশ্রভক্ত, না হবে তায় অনুরক্ত,  
শুদ্ধ ভজনেতে কর মন ।

ব্রজ-জনের যেই মত, তাহে হবে অনুরত,  
এই সে পরম-তত্ত্ব ধন ॥৭৫॥

অন্তের—যোগি-শাসি-কর্ষি জ্ঞানি-প্রভূতীনাং । কদাচিৎ  
আপত্নপি যথা স্পর্শনং ন ভবেৎ তথা সাবধানো ভবামি ॥৭৪॥

আনুষ্ঙ্গিকভাবে নিখিল ছুঃখরাশির আত্যন্তিক নিবৃত্তি ঘটবে ;  
রে মন ! পরমানন্দ লাভের ইহাই প্রেষ্ঠ উপায় তোমাকে  
বলিলাম ॥৭৩॥

অন্তের পরশ ইত্যাদি—বিপদ্ সময়েও যেন যোগী শাসী  
কর্মা জ্ঞানী প্রভূতি অভক্তজনের সঙ্গ স্পর্শ না ঘটে । সতত  
শ্রীরাধাকৃষ্ণের নাম কীর্তন ও রূপ ধ্যান করিবে । এতদ্বিন্ন জ্ঞান-  
কর্মাদি কোনও সাধনকে প্রমাণ—কর্তব্য বলিয়া মনে করিবে  
না ॥৭৪॥

কর্মা জ্ঞানী ইত্যাদি—কর্মা জ্ঞানীর সঙ্গ তো ত্যাগ  
করিবেই এমন কি কর্মমিশ্রা ভক্তি এবং জ্ঞানমিশ্রা ভক্তির অনুষ্ঠান

প্রার্থনা করিব সদা, শুদ্ধভাবে প্রেম কথা,  
 নামমন্ত্রে করিয়া অভেদ ।  
 আস্থিক করিয়া মন, ভজ রাজ্য শ্রীচরণ,  
 গ্রন্থি পাপ হবে পরিচ্ছেদ ॥৭৬॥  
 রাখাক্ষ-শ্রীচরণ, তাতে সব সমর্পণ,  
 শ্রীচরণে বলিহারি যাও ।

কারীদের সঙ্গও বর্জন করিবে । শুদ্ধ ভজনেতে—অন্যভিলাষিতা শূন্য হইয়া ভক্তি-আবরক কর্ম-জ্ঞানাদি বর্জন পূর্বক, যাহাতে শ্রীকৃষ্ণের সুখ হয় এমত ভাবে শ্রীকৃষ্ণানুশীলন কৃষ্ণার্থে নিখিল চেষ্টা ) রূপ বিশুদ্ধা ভক্তি অনুষ্ঠানে মন দাও । ব্রজজনের ইত্যাদি—শ্রীকৃষ্ণের সুখকর কার্যের রীতিনীতি, একমাত্র ব্রজ-বাসীজন সকলই জানেন, এজন্য নিজভিলাষিত ব্রজজনবিশেষের ও তদীয় রাগভক্তি রীতি সকলের অনুসরণ কর অর্থাৎ ব্রজজনানু-গতভাবে শ্রীকৃষ্ণভজনে রত থাক । এই সে ইত্যাদি—ঐদৃশ রাগানুগভক্তিই শ্রেষ্ঠ সাধনতত্ত্ব রূপ সম্পত্তি ॥৭৫॥

### রাগানুগীয় সাধকের প্রার্থনীয়—

শুদ্ধভাবে—সর্বতোভাবে স্বস্থানুসন্ধান বর্জন পূর্বক, একমাত্র শ্রীযুগলের স্থানুসন্ধান তৎপর হইয়া । নামমন্ত্রে করিয়া অভেদ—শ্রীহরিনাম মহামন্ত্র ও অষ্টদশাক্ষরাদি গেপোলমন্ত্রে অভেদ ভাবনা করিয়া । অথবা “নানচিন্তামণিঃ কৃষ্ণৈশ্চৈতন্যরস-



এই ভণে মনে মোর,\*

এই রসে হৈঞা ভোর,

নরোত্তম সদাই বিহরে ॥৭৯॥

রাধাকৃষ্ণ করোঁ ধ্যান,

স্বপনে না বল আন,

প্রেম বিনে আন নাহি চাঁউ ।

যুগলকিশোর প্রেম,

লাখবাণ যেন হেম,

আরতি পিরীতি রসে ধাঁউ ॥৮০॥

আরতি পিরীতি রসে ধাঁউ — আৰ্ত্ত্যা পীতিসুখস্বরূপতেন  
 ধ্যানং কুরু । হে মনঃ ! ইতি শেষঃ ॥৮০॥

সেবায় শ্রীরাধামাধবকে সুখী দেখিয়া তাঁহারা পরম সুখানুভব  
 করিতেছেন । শ্রীললিতাদি ও শ্রীরূপমঞ্জরী প্রভৃতির অনুগত-  
 ভাবে এই যুগল সেবাসুখ আশ্বাদনই রাগানুগীয় সাধকের একমাত্র  
 অভিলষণীয়, এই অভিপ্রায়ে বলিতেছেন — এই ভণে ইত্যাদি ॥৭৯

যুগল-কিশোর প্রেম, লাখবাণ যেন হেম — বাণ — পুট,  
 স্বর্ণাদির ময়লা দূর করিয়া উজ্জ্বল করিবার নিমিত্ত, অগ্নিতে দগ্ধ  
 করার নাম বাণ বা পুট । পাঁচ বার পুট দিলেই স্বর্ণ বিশুদ্ধ ও  
 উজ্জ্বল হইয়া থাকে, স্বর্ণকে পাঁচবারের অধিক পুট দেওয়া যায়  
 না । কিন্তু কোথাও যদি লক্ষপুটের স্বর্ণ থাকে, বিশুদ্ধতা ও

\* পাঠান্তর — এই মনতনু মোর । অর্থ — মনতনু — মনঃ  
 কল্পিত সিদ্ধদেহ ।

জল বিনু যেন মীন,

দুঃখ পায় আয়ুহীন,

প্রেম বিনা সেই মত ভক্ত ।

চাতক জলদ গতি,

এমতি একান্তরীতি,

জানে যেই সেই অনুরক্ত ॥৮-১॥

উজ্জ্বলতায় তাহা যেমন জগতে অতুলনীয়, তেমন যুগলকিশোরের প্রেম বিশুদ্ধতা ও উজ্জ্বলতায় অতুলনীয় । আরতি পিরীতিরসে ধ্যাউ—অতএব রে মন ! আর্তি সহকারে শ্রীযুগলকিশোরকে শ্রীতিসুখস্বরূপ ( ভালবাসার মূর্তি ) জ্ঞানে ধ্যান কর ॥৮-০॥

### ঐকান্তিকভক্ত-রীতি—

“যাঁহারা সর্বতোভাবে অন্ত্যাপেক্ষা ( অর্থাৎ দেহদৈহিক-সুখবাসনা, এমন কি মুক্তিবাসনা পর্য্যন্ত ) বর্জন পূর্বক একান্ত ( শ্রীযুগলকিশোরে একনিষ্ঠ বা শরণাপন্ন ) হইতে পারিয়াছেন, একমাত্র তাঁহারাই প্রেমভক্তিনাভে অধিকারী” । এই অভিপ্রায়ে শ্রীল ঠাকুর মহাশয় একান্ত ভক্তের রীতি বলিতেছেন—জল বিনা ইত্যাদি—মৎস্য যেমন জল বিনা ছটপট করিয়া প্রাণ পরিত্যাগ করে প্রেম বিনা ঐকান্তিক ভক্তের অবস্থাও তদ্রূপ হয় । চাতক জলদ গতি—চাতক যেমন প্রাণ গেলেও মেঘনিমুক্ত জল ভিন্ন পান করে না, ঐকান্তিক ভক্তও সেইরূপ হৃদয় বিদীর্ণ হইলেও প্রেমামৃতবর্ষি শ্রীযুগলকিশোরের প্রেমবারি ভিন্ন অণু কিছু আশ্বাদন করেন না ॥৮-১॥

মরন্দ ভ্রমর যেন চকোর চন্দ্রিকা তেন,  
 পতিব্রতা জনের যেন পতি ।  
 অশ্রুত্র না চলে মন, যেন দরিদ্রের ধন,  
 এই মত প্রেমভক্তি-রীতি ॥৮২॥

বিষয় গরলময়, তাতে মান সুখচয়,  
 সে না সুখ ছুখ করি মান ।  
 গোবিন্দ-বিষয় রস, সঙ্গ কর তার দাস,  
 প্রেমভক্তি সত্য করি জান ॥৮৩॥

মরন্দ ভ্রমর যেন ইত্যাদি - ভ্রমরের নির্ণা যেমন পুষ্প-  
 মকরন্দে, চকোরের নির্ণা যেমন চন্দ্রের সুধাতে, পতিব্রতা রমণীর  
 নির্ণা যেমন পতিতে, ঐকান্তিক ভক্তের নির্ণা সেইরূপ একমাত্র  
 যুগলকিশোরের চরণারবিন্দে ॥৮২॥

### মনঃশিক্ষা —

বিষয় গরলময় - প্রাকৃত বিষয় সকল বিষময় । গোবিন্দ  
 বিষয় রস - ইন্দ্রিয়ের উপভোগ্য বস্তুর নাম বিষয় । শ্রীগোবিন্দের  
 শব্দ-স্পর্শ-রূপ-রস গন্ধ" এই সকল বিষয়ই রসস্বরূপ অর্থাৎ  
 পরমানন্দময় । সঙ্গ কর তার দাস - রে মন ! যদি এই সকল  
 বিষয় আশ্বাদনে সুখী হইতে চাও, তবে শ্রীগোবিন্দের ভক্ত সঙ্গ  
 কর ॥৮৩॥



আর সব পরিহরি, পরম নাগর হরি,  
 সেব মন করি প্রেম-আশা ।  
 এক ব্রজরাজ-পুরে, গোবিন্দ রসিকবরে,  
 করহ সদাই অভিলাষা ॥৮৬॥  
 নরোত্তম দাস কহে, সদা মোর প্রাণ দহে,  
 হেন ভক্ত-সঙ্গ না পাইয়া ।  
 অভাগ্যের নাহি ওর, মিছায় হইলুঁ ভোর,  
 ছুঃখ রহে অন্তরে জাগিয়া ॥৮৭॥

এক ব্রজপুরে—ব্রজমণ্ডলে ইত্যর্থঃ ॥৮৬॥

মায়াময় অহঙ্কার হেতু, “আমি শ্রীকৃষ্ণের নিত্যদাস” এই নিজ স্বরূপ জানিতে পারে না ॥৮৫॥

এক ব্রজরাজ পুরে ইত্যাদি—একমাত্র ব্রজধামে ব্রজ-বিহারী রসিকেন্দ্রমৌলি শ্রীগোবিন্দকে প্রাপ্ত হইবার নিমিত্ত সতত অভিলাষী হও ॥৮৬॥

“শ্রীকৃষ্ণ-ভক্তসঙ্গ জনিত সৌভাগ্য ব্যতিরেকে বৈমুখ্য দোষ দূরীভূত হইয়া মায়াবিবর্তরূপ দেহাভিমান বিনষ্ট হয় না এবং শ্রীকৃষ্ণপ্রেম লাভের নিমিত্ত ও শ্রীযুগলের মাধুর্য্য আশ্বাদনের নিমিত্ত লালসা জন্মে না”—এই অভিপ্রায়ে শ্রীল ঠাকুর মহাশয় দৈন্য সহকারে বলিতেছেন—নরোত্তম ইত্যাদি ॥৮৭॥

বচনের অগোচর,

বৃন্দাবন লীলাস্থল,

স্বপ্রকাশ প্রেমানন্দ ঘন ।

ক্ষুদ্রীপ্রাপ্ত শ্রীবৃন্দাবন-মহিমা বর্ণন করিতেছেন।—  
 বচনের অগোচর—অনির্বচনীয়। শ্রীরাধামাধবের লীলাস্থল  
 শ্রীবৃন্দাবন (প্রকট অপ্রকট উভয় প্রকাশই) স্বরূপে সচ্চিদানন্দ-  
 ময় এবং কৃষ্ণ প্রেম-বিভাবিত কলেবর অতএব স্বপ্রকাশ\*।  
 যাহাতে প্রকটস্থ নাহি জরামৃত্যুঃখ—শ্রীবৃন্দাবনের গায় তত্রত্য  
 স্থাবর-জঙ্গম সমস্তই সচ্চিদানন্দময় সকলেরই কলেবর কৃষ্ণপ্রেম-  
 বিভাবিত; অতএব মায়াতীত বলিয়া তাঁহাদের জরামৃত্যু নাই।  
 তবে আমাদিগের পরিদৃশ্যমান শ্রীবৃন্দাবনধামের মনুষ্য পশুপক্ষী-  
 প্রভৃতি বৃক্ষলতাদির যে জরামৃত্যু দেখা যায়, তাহার  
 তাৎপর্য্য এই,—শ্রীবৃন্দাবনের সচ্চিদানন্দময় স্বরূপ প্রাকৃত  
 লোচনের গোচরীভূত নহে বলিয়া শ্রীবৃন্দাবন ধাম প্রাকৃতনেত্রে  
 প্রাপঞ্চিক জগতের তুল্যরূপে দৃষ্ট হয় (—“অত্র তু যৎ প্রাকৃত  
 প্রদেশ ইব রীতয়োহবলোক্যন্তে তত্র শ্রীভগবতীব স্বৈচ্ছয়া  
 লৌকিক-লীলাবিশেষাঙ্গীকারনিবন্ধনমিতি জ্ঞেয়ম্”—শ্রীকৃঃ সঃ  
 ১৭২)। আর লোকলোচনের গোচরীভূত বৃন্দাবনীয় প্রকাশ-  
 বিশেষ প্রপঞ্চ ও অপ্রপঞ্চ মিশ্রিত; শ্রীকৃষ্ণের প্রকটলীলাকালেও

\* “গোবিন্দ শরীর নিত্য” এই ত্রিপদী ব্যাখ্যায় ৯০ পৃষ্ঠায়  
 বৃন্দাবনের তত্ত্ব দেখুন।

যাহাতে প্রকট সুখ,

নাহি জরামৃত্যুঃখ,

কৃষ্ণলীলারস অনুক্ষণ ॥৮৮॥

রাধাকৃষ্ণ ছুঁই প্রেম,

লক্ষবাণ যেন হেম,

যাহার হিল্লোল রসসিন্ধু ।

শ্রীবৃন্দাবনং বিশিনষ্টি “বচনের অগোচর” ইত্যাদিনা ।

বচনের অগোচর—অনির্বচনীয়ং, নির্ব্বক্তুমশক্যমিত্যর্থঃ ॥৮৮॥

ঐদৃশ মিশ্রভাব প্রমাণিত আছে—“ন চ বক্তব্যং গোকুলজাতানাং  
প্রাকৃতদেহাদিত্বং ন সম্ভবতীতি, অবতারলীলায়াঃ প্রাপঞ্চিক-  
মিশ্রত্বাৎ”—লঘুতোষণী ১০।২৯।৮ ) । অতএব দৃশ্যমান প্রকাশে  
যে সকল প্রাপঞ্চিক দেহধারী মনুগ্ন্য-পশু-পক্ষ্যাদি ও বৃক্ষলতাদি  
আছে, তাহারাও শ্রীধাম প্রভাবে প্রাপঞ্চিক দেহাবসানে সচ্চিদা-  
নন্দময় দেহ অবশ্য প্রাপ্ত হইবে (—“ইদং বৃন্দাবনং রম্যং মম  
ধর্ম্মৈব কেবলম্ । অত্র যে পশবো পক্ষি-বৃক্ষাঃ কীটানরামরাঃ ।  
যে বসন্তি মমাধিক্ষে মৃত্যু যান্তি মমালয়ম্ ॥”—কৃঃসঃ ১০৬ অঃ)।  
এই অভিপ্রায়ে শ্রীবৃন্দাবনীয় দৃশ্যমান জরামৃত্যুধর্ম্ম-সম্পন্ন স্থাবর  
জঙ্গম সকলেরও ভাবী সচ্চিদানন্দময় দেহের অপেক্ষায় “নাহি  
জরামৃত্যুঃখ” ইত্যাদি স্বরূপ বৃষ্টিতে হইবে ॥৮৮॥

যাঁহার হিল্লোল রসসিন্ধু— শ্রীরাধাকৃষ্ণের প্রেম শ্রীবৃন্দা-  
বনীয় লীলারস সাগরের তরঙ্গ স্বরূপ । চকোর-নয়ন-প্রেম  
ইত্যাদি—হে শ্রীরাধাকৃষ্ণ যুগল ! তোমাদের পরস্পরের মুখচন্দ্রের

চকোর-নয়ন প্রেম,  
কাম রতি করে ধ্যান,  
পিরীতি সুখের ছ'ছ' বন্ধু ।৮৯॥

রাধিকা প্রেয়সীবরা,  
বাম দিকে মনোহরা,\*  
কনক-কেশর কান্তি ধরে ।

অনুরাগে রক্তসাড়ী,  
নীলপট মনোহারী,  
মণিময় আভরণ পরে ॥৯০॥

যুবয়োমুখচন্দ্রয়োশচকরয়োরিব যে নয়নে তয়োঃ প্রেমাংগ  
রতিকামো ধ্যাযতঃ । যাহার হিলোল ইত্যাদি—শ্রীবৃন্দাবনস্ত  
সম্বন্ধে লীলারস এব সিদ্ধুস্তস্ত তরঙ্গরূপঃ শ্রীরাধাকৃষ্ণয়োঃ  
প্রেমাঃ ॥৮৯॥

নীলপট—কৃষ্ণবর্ণ-সাদৃশ্যেণ । অনুরাগে—অনুরাগেণ  
হেতুনা । বামা—বাম-সভাবা ॥৯০॥

মাধুর্য্যামৃতপায়ী চকোরযুগল-সদৃশ পরস্পরের যে নয়নযুগল,  
তদ্বুল্য প্রেমলাভের নিমিত্ত কাম ও রতি দতত ধ্যান করিতেছে ॥৮৯

অনুরাগে ইত্যাদি—শ্রীরাধিকা, শ্রীকৃষ্ণানুরাগহেতু রক্তবর্ণ  
সাড়ী পরিধান করতঃ কৃষ্ণবর্ণ সাদৃশ্য হেতু রক্তসাড়ীর উপর নীল  
পটবস্ত্রের ওর্ণা পরিধান করেন । অনুরাগ অন্তরের বস্তু বলিয়াই  
রক্তসাড়ী অন্তরীয় বস্তুরূপে ব্যবহার করেন ॥৯০॥

\* পাঠান্তর—বামা দিক্ মনোহরা । অথবা বাম অঙ্গে  
মনোহরা ।

করয়ে লোচন পান, রূপলীলা ছুঁ ছুঁ ধ্যান,

আনন্দে মগনা সহচরী ।

বেদবিধি অগোচর, রতন-বেদীর পর

সেব নিতি কিশোর কিশোরী ॥৯১॥

তুল্লভ ভজন হেন, নাহি ভজ হরি কেন,

কি লাগিয়া মর ভববন্ধে ।

ছার অণু ক্রিয়াকর্ম, নাহি দেখ বেদ ধর্ম,

ভক্তি কর কৃষ্ণপদ দ্বন্দ্ব ॥৯২॥

বিষয় বিষম গতি, নাহি ভজ ব্রজপতি,

শ্রীনন্দ-নন্দন সুখসার ।

স্বর্গ আর অপবর্গ, সংসার নরক ভোগ,

সর্বনাশ জনম বিকার ॥৯৩॥

আনন্দে ইত্যাদি—সখ্য এবং কৃত্বা আনন্দে মগ্না ভবন্তি ॥৯১

করয়ে লোচন পান ইত্যাদি--সখীগণ সেই প্রেমিক যুগলের রূপমাধুর্য্য নয়ন দ্বারা পান করিয়া এবং লীলামাধুর্য্য গান করিয়া আনন্দে নিমগ্না থাকেন । অতএব রে মন ! যদি আনন্দ আশ্বাদন করিতে চাও, তবে শ্রীবৃন্দাবনে রত্নবেদী উপব বিরাজমান বেদবিধি অগোচর শ্রীকিশোর - কিশোরীকে সতত সেবা কর ॥৯১-৯৩॥

দেহে না করিহ আস্থা, সন্নিকটে যম শাস্তা,  
 ছুঃখের সমুদ্র কৰ্মগতি ।  
 দেখিয়া শুনিয়া ভজ, সাধুশাস্ত্র মত যজ,  
 যুগল চরণে কর রতি ॥৯৪॥  
 জ্ঞান কাণ্ড কৰ্ম কাণ্ড, কেবল বিষের ভাণ্ড,  
 অমৃত বলিয়া যেনা খায় ।  
 নানা যোনি সদা ফিরে, কদর্য্য ভক্ষণ করে,  
 তার জন্ম অধঃপাতে যায় ॥৯৫॥

দেহে না করিহ আস্থা—দেহেহস্মিন্ আস্থাং মা কুরু,  
 দেহাভিমানং মা কুর্বিষত্যর্থঃ ॥৯৪॥

দেখিয়া শুনিয়া—পূর্বোক্ত “বিষয় গরলময়” ইত্যাদি  
 স্থলে বর্ণিত প্রাকৃত বিষয়ের বিষময় ফল, জন্ম-মরণাদি সংসার  
 যন্ত্রণা ও দেহের অনিত্যতা সাক্ষাৎ দেখিয়া এবং শাস্ত্রাদিতে শুনিয়া  
 তাহা হইতে রক্ষা পাইবার নিমিত্ত সাধু ও শাস্ত্রমতানুসারে  
 শ্রীরাধাকৃষ্ণ যুগলচরণ ভজনা কর ॥৯৪॥

জ্ঞান কাণ্ড ও কৰ্ম কাণ্ড উভয়ই ভক্তি বিবর্জিত বলিয়া  
 কেবল ছুঃখময় । নানা যোনি সদা ফিরে—জ্ঞানীগণ অভিমান  
 হেতু “ভক্ত-ভক্তি-ভগবান্” এই তিনির অনাদর নিবন্ধন, মুক্তিপথ  
 হইতে ভ্রষ্ট হইয়া পুনঃ কৰ্মসূত্রে আবদ্ধ হয় ও জন্মাদি ছুঃখ ভোগ



জগত-ব্যাপক হরি, অঙ্গ ভব আজ্ঞাকারী,  
 মধুর মুরতি লীলা কথা ।  
 এই তত্ত্ব জানে যেই, পরম উত্তম সেই,  
 তার সঙ্গ করিব সর্ব্বথা ॥৯৮॥  
 পরম নাগর কৃষ্ণ, তাতে হও সতৃষ্ণ,  
 ভঙ্গ তারে ব্রজভাব লঞা ।  
 রসিক-ভকত-সঙ্গে, রহিব পিরীতি রঙ্গে,  
 ব্রজপুরে বসতি করিয়া ॥৯৯॥  
 শ্রীগুরু ভকত জন, তাহার চরণে মন,  
 আরোপিয়া কথা অনুসারে ।  
 সখীর সর্ব্বথা মত, হইয়া তাহার যুথ,  
 সদাই বিহরে ব্রজপুরে ॥১০০॥

---

তারে শ্রীকৃষ্ণম্ । পিরীতিরঙ্গে—যুগল-প্রেমকথা-রঙ্গেণ ॥৯৯॥

---

জগত-ব্যাপক হরি—শ্রীকৃষ্ণ সর্ব্বব্যাপক ও সর্ব্বেশ্বর ।  
 অঙ্গ ভব আজ্ঞাকারী—শ্রীকৃষ্ণের আদেশে ব্রহ্মা সৃষ্টি করেন,  
 শিব সংহার করেন । মধুর মুরতি লীলাকথা—শ্রীকৃষ্ণ যদিও  
 সর্ব্বেশ্বর সর্ব্বনিয়ামক, তথাপি তদীয় শ্রীবিগ্রহ ও লীলাকথা  
 পরম মাধুর্য্যময়, চিত্ত সন্তম্ভকারি-ঐশ্বর্য্যানুরূপ নহে । অত্যাণ্ড  
 ভগবৎস্বরূপ হইতে ইহাই শ্রীকৃষ্ণ স্বরূপের অসাধারণ  
 বৈশিষ্ট্য ॥৯৮-৯৯॥



ঈশ্বরের তত্ত্ব যত, তাহা বা কহিব কত,  
 অনন্ত অপার কে বা জানে ।  
 ব্রজপুরে প্রেম নিত্য, এই সে পরম সত্য,  
 ভজ ভজ অনুরাগ মনে ॥১০৩॥  
 গোবিন্দ গোকুলচন্দ্র, পরম আনন্দ-কন্দ,  
 পরিবার-গোপগোপী-সঙ্গে ।  
 নন্দীশ্বর যার ধাম, গিরিধারী যার নাম,  
 সখীসঙ্গে তারে ভজ রঙ্গে ॥১০৪॥  
 প্রেমভক্তি-তত্ত্ব এই, তোমারে কহিনু ভাই,  
 আর ছর্ব্বাসনা পরিহরি ।  
 শ্রীগুরু-প্রসাদে ভাই, এসব ভজন পাই,  
 প্রেমভক্তি সখী-অনুচরী ॥১০৫॥

কন্দ — মূলং — যার শ্রীগোবিন্দস্য ॥১০৪॥

অতএব শ্রীকৃষ্ণভক্তি কথাই বলিব ও শুনিব এবং শ্রীকৃষ্ণ ভক্তি-  
 তেই ইন্দ্রিয় সকলকে নিযুক্ত রাখিব ॥১০২-১০৩॥

পরম আনন্দ — অখণ্ড পরমানন্দ রসময় বিগ্রহ । ধাম —  
 বাসস্থান ॥১০৪॥

প্রেমভক্তি তত্ত্ব এই ইত্যাদি — রে ভাই মন ! প্রেমভক্তির  
 তত্ত্ব অর্থাৎ সাধ্য ও সাধনরীতি সকল এপর্য্যন্ত তোমাকে বলিলাম  
 তুমি অগ্র সকল ছর্ব্বাসনা ( স্বসুখানুসন্ধান ) পরিত্যাগ পূর্ব্বক

সার্থক ভজন পথ, সাধুসঙ্গে অবিরত,  
 স্মরণ ভজন কৃষ্ণ-কথা ।  
 প্রেমভক্তি হয় যদি, তবে হয় মনঃশুদ্ধি,  
 তবে যায় হৃদয়ের ব্যথা ॥১০৬॥

বিষয় বিপত্তি জান, সংসার স্বপন মান,  
 নরতনু ভজনের মূল ।  
 অনুরাগে ভজ সদা, প্রেমভাবে লীলা-কথা,  
 আর যত হৃদয়ের শূল ॥১০৭॥

রাধিকা-চরণ-রেণু, ভূষণ করিয়া তনু,  
 অনায়াসে পাবে গিরিধারী ।  
 রাধিকা-চরণাশ্রয়, যে করে সে মহাশয়,  
 তারে মুঞি যাই বলিহারি ॥১০৮॥

শ্রীগুরুচরণাশ্রয় কর। তাহা হইলে শ্রীগুরু কৃপাতে এইসব  
 ( পূর্ব বর্ণিত ) ভজন-প্রণালী প্রাপ্ত হইবে এবং সিদ্ধাবস্থায়  
 সখীগণের অনুচরী হইয়া সাক্ষাৎ প্রেমসেবা লাভ করিতে  
 পাইবে ॥১০৫॥

“প্রেমভক্তি হয় যদি, তবে হয় মনঃশুদ্ধি”—ইহার অর্থ  
 ৫ম ত্রিপদী ব্যাখ্যায় ৩৩—৩৪ পৃষ্ঠায় দেখুন ॥১০৬॥

বিষয় বিপত্তি জান—রে মন! প্রাকৃত বিষয় সকলকে  
 বিপদ বলিয়া জান । সংসার স্বপন মান—সংসারকে স্বপ্নবৎ মায়ার

জয় জয় রাধা-নাম, বৃন্দাবন যার ধাম,  
কৃষ্ণ-সুখ বিলাসের নিধি ।

হেন রাধা গুণগান, না শুনিল মোর কান  
ধকিত করিল মোরে বিধি ॥১০৯॥

তার তরু-সঙ্গ সदा, রসলীলা-প্রেম-কথা,  
যে কহে সে পায় ঘনশ্যাম ।

ইহাতে বিমুখ যেই, তার কভু সিদ্ধি নাই,  
নাহি যেন শুনি তার নাম ॥১১০॥

কৃষ্ণনাম গানে ভাই, রাধিকা-চরণ পাই,  
রাধানাম-গানে কৃষ্ণচন্দ্র ।

সংক্ষেপে কহিল কথা, ঘুচাও মনের ব্যথা,  
হৃৎখময় অল্প কথা দ্বন্দ্ব ॥১১১॥

কুহক মনে কর । অনুরাগে ভজ সदा ইত্যাদি—প্রেমবিভাবিত  
চিত্তে স্বাভীষ্ট লীলা-কথা আশ্বাদনই রাগানুগীয় সাধকের পরম  
উপাদেয় ভজনঙ্গ, এতদ্ব্যতীত অন্য সবই তাঁহাদের হৃদয়ের শূল  
পীড়াদায়ক ॥১০৭-১০৮॥

নিধি—সাগর । মহাভাবস্বরূপা শ্রীরাধিকা, শ্রীকৃষ্ণের  
সুখবিলাসের সাগর অর্থাৎ অফুরন্ত আধার রূপা ( “কিন্ধা কৃষ্ণ  
ক্রীড়া-পূজার বসতি নগরী”—শ্রীচৈঃচঃ ) ॥১০৯॥







স্ত্রী-পুত্র ঝালক কত, মরি যায় শত শত,  
 আপনাকে হও সাবধান ।  
 মুক্তি সে বিষয় হত, না ভজিনু হরিপদ,  
 মোর আর নাহি পরিত্রাণ ॥১১৮॥  
 রামচন্দ্র কবিরাজ, সেই সঙ্গে মোর কাজ,  
 তাঁর সঙ্গ বিলু সব শূন্য ।  
 হয় জন্ম যদি পুন, তাঁর সঙ্গ হয় যেন,  
 তবে হয় নরোত্তম ধন্য ॥১১৯॥

তোমাকে গলদেশে কাম-ফাঁসে আবদ্ধ করিয়া মারিতেছে । তুমি  
 শীঘ্র কৃষ্ণভক্তগণকে ফুৎকার ( উচ্চৈঃস্বরে নিজ ছুঃখ নিবেদন )  
 করিয়া ডাক, একমাত্র তাঁহারাই তোমাকে পরিত্রাণ করিতে  
 সমর্থ ॥১১৭-১১৮॥

### রসিকভক্ত সঙ্গনিষ্ঠা —

স্বজাতীয়-আশয় বিশিষ্ট রসিক ভক্ত-সঙ্গে সতত শ্রীযুগল  
 বিলাস রসকথা-আশ্বাদনই রাগানুগীয় সাধকের প্রধান উপ-  
 জীবিকা ; সুতরাং তাদৃশ রসিকভক্ত সঙ্গ নিরন্তর প্রার্থনীয় ।  
 এই অভিপ্রায়ে শ্রীল ঠাকুর মহাশয় স্বীয় পরম অন্তরঙ্গ শ্রীরাম-  
 চন্দ্র কবিরাজের সঙ্গ বিরহিত হইয়া জন্মান্তরেও তদীয় সঙ্গলাভের  
 আকাঙ্ক্ষা করিতেছেন ॥১১৯॥

ইতি শ্রীশ্রীপ্রেমভক্তি-চন্দ্রিকার

ভাবার্থ সমাপ্ত ।

আপন ভজন-কথা,

না কহিব যথা তথা,

ইহাতে হইব সাবধানে ।

না করিহ কেহ রোষ,

না লইহ মোর দোষ,

প্রণমহ ভক্তের চরণে ॥১২০॥

শ্রীগোরাঙ্গ প্রভু মোরে যে বোলান বাণী ।

তাহা কহি—ভাল-মন্দ কিছুই না জানি ॥

লোকনাথ প্রভু পদ হৃদয়ে বিলাস ।

প্রেমভক্তি-চন্দ্রিকা কহে নরোত্তম দাস ॥১২১॥

ইতি শ্রীপাদ নরোত্তম-ঠাকুর মহাশয় বিরচিতা

“শ্রীশ্রীপ্রেমভক্তি-চন্দ্রিকা”

সমাপ্তা ।



# শ্রীশ্রীনরোত্তম ঠাকুর মহাশয়ের প্রার্থনা

[ ১ ]

গৌরাঙ্গ বলিতে হবে পুলক শরীর ।  
হরি হরি বলিতে নয়নে বহে নীর ॥  
আর কবে নিতাই চাঁদ করুণা করিবে ।  
সংসার বাসনা মোর কবে তুচ্ছ হবে ॥  
বিষয় ছাড়িয়া কবে শুদ্ধ হবে মন ।  
কবে হাম হেরব সেই বৃন্দাবন ॥  
রূপ রঘুনাথ পদে হইবে আকুতি ।  
কবে হাম ব্ৰাব সে যুগল পিরীতি ॥  
রূপ রঘুনাথ পদে রছ মোর আশ ।  
প্রার্থনা করয়ে সদা নরোত্তম দাস ॥

[ ২ ]

হরি হরি ! কি মোর করম গতিমন্দ ।

ব্রজে রাখাকৃষ্ণ পদ                      না সেবিনু তিল আধ,  
না বুকিনু রাগের সম্বন্ধ ॥  
স্বরূপ সনাতনরূপ                      রঘুনাথ ভট্টযুগ  
ভূগর্ভ      শ্রীজীব      লোকনাথ ।  
ইহা সবার পাদপদ্ম                      না সেবিনু তিল আধ  
কিসে মোর পুরিবেক সাধ ॥



অঞ্জলি মস্তকে ধরি                      নরোত্তম ভূমে পড়ি

কহে দৌহে পুরাও মনসাধে ॥

[ ৪ ]

হরি হরি ! হেন দিন হইবে আমার ।

দৌহ অঙ্গ নিরখিব                      দৌহ অঙ্গ পরশিব

সেবন করিব দৌহাকার ॥

ললিতা বিশাখা সঙ্গে                      সেবন করিব রঙ্গে

মালা গাঁথি দিব নানা ফুলে ।

কনক সম্পূট করি                      কর্পূর তাম্বুল ভরি

যোগাইব বদন কমলে ॥

রাধাকৃষ্ণ শ্রীচরণ                      সেই মোর প্রাণধন

সেই মোর জীবন উপায় ।

জয় পতিত পাবন                      দেহ মোরে এই ধন

তুয়াবিনে অণু নাহি ভায় ॥

শ্রীগুরু করুণাসিন্ধু                      অধম জনার বন্ধু

লোকনাথ লোকের জীবন ।

হা হা প্রভু ! কর দয়া                      দেহ মোরে পদছায়া

নরোত্তম লইল শরণ ॥

[ ৫ ]

হরি হরি ! বিফলে জনম গোঙাইনু ।

মনুষ্ট জনম পাইয়া                      রাধাকৃষ্ণ না ভজিয়া

জানিয়া শুনিয়া বিষ খাইনু ॥

গোলোকের প্রেমধন                      হরিনাম সঙ্কীৰ্ত্তন  
 রতি না জন্মিল কেন তায় ।  
 সংসার বিষানলে                      দিবানিশি হিয়া জ্বলে  
 জুড়াইতে না কৈলু উপায় ॥  
 ব্রজেন্দ্র নন্দন যেই                      শচী স্ত হৈল সেই  
 বলরাম হইল নিতাই ।  
 দীন হীন যত ছিল                      হরিনামে উদ্ধারিল  
 তার সাক্ষী জগাই মাধাই ॥  
 হাহা প্রভু নন্দসুত                      বৃষভানু-সুতায়ুত  
 করুণা করহ এই বার ।  
 নরোত্তম দাস কয়                      না ঠেলিহ রাজা পায়  
 তোমা বিনে কে আছে আমার ॥

[ ৬ ]

হরি হরি কবে মোর হইবে সুদিন ।  
 ভজিব সে রাধাকৃষ্ণ হঞা প্রেমাধীন ॥  
 স্ন্যস্ত্রে মিশায়ে গাব স্নমধুর তান ।  
 আনন্দে করিব দৌহার রূপ গুণগান ॥  
 “রাধিকা” “গোবিন্দ” বলি কান্দিব উচ্চৈঃশ্বরে ।  
 ভিজিবে সকল অঙ্গ নয়নের নীরে ॥  
 এইবার করুণা কর রূপ সনাতন ।  
 রঘুনাথ দাস মোর শ্রীজীব জীবন ॥

এইবার করুণা কর ললিতা বিশাখা ।  
 সখ্যভাবে মোর প্রভু সুবলাদি সখা ॥  
 সবে মিলি কর দয়া পুরুক মোর আশ ।  
 প্রার্থনা করয়ে সদা নরোত্তম দাস ॥

[ ৭ ]

প্রাণেশ্বর ! নিবেদন এইজন করে ।

গোবিন্দ গোকুলচন্দ্র পরম আনন্দ কন্দ  
 গোপীকুল প্রিয় দেখ মোরে ॥

তুয়া প্রিয় পদসেবা এই ধন মোরে দিবা  
 তুমি প্রভু করুণার নিধি ।

পরম মঙ্গল যশ শ্রবণে পরম রস  
 কার কিবা কার্য্য নহে সিদ্ধি ॥

দারুণ সংসার গতি বিষয়েতে লুক্কমতি  
 তুয়া বিস্মরণ শেল বৃকে ।

জর জর তনুর্মন অচেতন অনুক্ষণ  
 জীয়ন্তে মরণ ভেল ছুখে ॥

মো বড় অধম জনে কর কৃপা নিরীক্ষণে  
 দাস করি রাখ বন্দাবনে ।

শ্রীকৃষ্ণ চৈতন্য নাম প্রভু মোর গৌরধাম  
 নরোত্তম লইল শরণে ॥

[ ৮ ]

গোবিন্দ গোপীনাথ ! কৃপা করি রাখ নিজপদে ।

কাম ক্রোধ ছয়জনে লয়ে ভিরে নানাস্থানে  
 বিষয় ভুঞ্জায় নানামতে ॥

হইয়া মায়ার দাস করি নানা অভিলাষ

তোমার স্মরণ গেল দূরে ।

অর্থলাভ এই আশে কপট বৈষ্ণব বেশে

ভ্রমিয়ে বেড়াই ঘরে ঘরে ॥

অনেক দুঃখের পরে লয়েছিলে ব্রজপুরে

কৃপাড়োর গলায় বাঁধিয়া ।

দৈব মায়া বলাৎকারে খসাইয়া সেই ডোরে

ভবকূপে দিলেক ডারিয়া ॥

পুনঃ যদি কৃপা করি এজন্যর কেশে ধরি

টানিয়া তুলহ ব্রজধামে ।

তবে সে দেখিয়ে ভাল নতুবা পরাণ গেল

কহে দীন দাস নরোত্তমে ॥

[ ৯ ]

মোর প্রভু মদন গেপাল !

গোবিন্দ গোপীনাথ তুমি অনাথের নাথ

দয়া কর মুঞি অধমেরে ।

সংসার সাগর ঘোরে পড়িয়াছি কারাগারে

কৃপা ডোরে বাঙ্কি লহ মোরে ॥

অধম চণ্ডাল আমি দয়ার ঠাকুর তুমি

শুনিয়াছি বৈষ্ণবের মুখে ।

এ বড় ভরসা মনে লয়ে ফেল বৃন্দাবনে

বংশীবট যেন দেখি স্মুখে ॥

কৃপা কর আশু গুরি লহ মোরে কেশে ধরি  
শ্রীযমুনা দেহ পদ ছায়া ।

অনেক দিনের আশ নহে যেন নৈরাশ  
দয়া কর না করিহ মায়া ॥

অনিত্য শরীর ধরি আপন আপন করি  
পাছে পাছে শমনের ভয় ।

নরোত্তম দাসে ভনে প্রাণ কান্দে রাত্রি দিনে  
পাছে ব্রজপ্রাপ্তি নাহি হয় ॥

[ ১০ ]

ধন মোর নিত্যানন্দ পতি মোর গৌরচন্দ্র  
প্রাণ মোর যুগলকিশোর ।

অদ্বৈত আচার্য্য বল গদাধর মোর কুল  
নরহরি বিলসই মোর ॥

বৈষ্ণবের পদধূলি তাহে মোর স্নান কেলি  
তর্পণ মোর বৈষ্ণবের নাম ।

বিচার করিয়া মনে ভক্তিরস আশ্বাদনে  
মধ্যস্থ শ্রীভাগবত পুরাণ ॥

বৈষ্ণবের উচ্ছিষ্ট তাহে মোর মন নিষ্ঠ  
বৈষ্ণবের নামেতে উল্লাস ।

বৃন্দাবনে চবুতারা তাহে মোর মন ঘেরা  
কহে দীন নরোত্তম দাস ॥

[ ১১ ]

নিতাই পদ কমল কোটী চন্দ্র সুশীতল  
যে ছায়ায় জগৎ জুড়ায় ।



হেন গোর দয়াময়                      ছাড়ি সব লাজ ভয়

কায়মনে            লগরে            শরণ ।

পামর দুর্মতি ছিল                      তারে গোরা উদ্ধারিল

তারা হইল পতিত পাবন ॥

গোরা দ্বিজ নটরাজে                      বান্ধহ হৃদয় মাঝে

কি করিবে            সংসার            শমন ।

নরোত্তম দাস কহে                      গোরা সম কেহ নহে

না ভজিতে            দেন            প্রেমধন ॥

[ ১৩ ]

গোরাঙ্গের ছটী পদ                      যার ধন সম্পদ

সে জানে            ভকতি            রস সার ।

গোরাঙ্গের মধুর লীলা                      যার কর্বে প্রবেশিলা

হৃদয় নির্মল            ভেল            তার ॥

যে গোরাঙ্গের নাম লয়                      তার হয় প্রেমোদয়

তারে মুঞি            যাই            বলিহারী ।

গোরাঙ্গ গুণেতে যুরে                      নিত্য লীলা তারে স্মুরে

সে জন            ভকতি            অধিকারী ॥

গোরাঙ্গের সঙ্গিগণে                      নিত্য সিদ্ধ করি মানে

সে যায়            ব্রজেন্দ্র            স্নাত পাশ ।

শ্রীগোড় মণ্ডল ভূমি                      যেবা জানে চিন্তামণি

তার হয়            ব্রজভূমে            বাস ॥

গোর প্রেম রসার্ণবে                      সে তরঙ্গে যেবা ডুবে

সে রাধা            মাধব            অন্তরঙ্গ ।

গৃহে বা বনেতে থাকে হা গৌরাজ্জ বলে ডাকে  
নরোত্তম মাগে তার সঙ্গ ॥

[ ১৪ ]

শ্রীকৃষ্ণ চৈতন্য প্রভু দয়া কর মোরে ।  
তোমা বিনে কে দয়ালু জগত সংসারে ॥  
পতিত পাবন হেতু তব অবতার ।  
মো সম পতিত প্রভু না পাইবে আর ॥  
হা হা প্রভু নিত্যানন্দ প্রেমানন্দ সুখী ।  
কৃপাবলোকন কর আমি বড় দুঃখী ॥  
দয়া কর সীতাপতি অদ্বৈত গোসাঁঞি ।  
তব কৃপা বলে পাই চৈতন্য নিতাই ॥  
হা হা স্বরূপ সনাতন রূপ রঘুনাথ ।  
ভট্টযুগ শ্রীজীব হা প্রভু লোকনাথ ॥  
দয়া কর শ্রীআচার্য্য প্রভু শ্রীনিবাস ।  
রামচন্দ্র সঙ্গ মাগে নরোত্তম দাস ॥

[ ১৫ ]

যে আনিল প্রেমধন করুণা প্রচুর ।  
হেন প্রভু কোথা গেলা আচার্য্য ঠাকুর ॥  
কাঁহা মোর স্বরূপ রূপ কাঁহা সনাতন ।  
কাঁহা দাস রঘুনাথ পতিত পাবন ॥  
কাঁহা মোর ভট্টযুগ কাঁহা কবিরাজ ।  
এককালে কোথা গেলা গৌরা নটরাজ ॥  
পাষাণে কুটিব মাথা অনলে পশিব ।  
গৌরাজ্জ গুণের নিধি কোথা গেলে পাব ॥

সে সব সঙ্গীর সঙ্গে যে কৈল বিলাস ।  
সে সঙ্গ না পাঞা কান্দে নরোত্তম দাস ॥

[ ১৬ ]

হরি হরি! বড় শেল মরমে রহিল ।

পাইয়া ছুর্ত তনু                      শ্রীকৃষ্ণ ভজন বিহু  
জন্ম মোর বিফল হইল ॥

ব্রজেন্দ্রনন্দন হরি                      নবদ্বীপে অবতরি  
জগত ভরিয়া প্রেম দিল ।

মুঞি সে পামরমতি                      বিশেষে কঠিন অতি  
তৈঁই মোরে করুণা নহিল ॥

স্বরূপ সনাতনরূপ                      রঘুনাথ ভট্টমুগ,  
তাহাতে না হৈল মোর মতি ।

দিব্য-চিন্তামণি ধাম                      বৃন্দাবন হেন স্থান  
সেই ধামে না কৈলু বসতি ॥

বিশেষ বিষয়ে মতি                      নহিল বৈষ্ণবে রতি  
নিরন্তর খেদ উঠে মনে ।

নরোত্তমদাস কহে                      জীবের উচিত নহে  
শ্রীগুরু শ্রীবৈষ্ণবসেবা বিনে ॥

[ ১৭ ]

ঠাকুর-বৈষ্ণব-পদ                      অবনীৰ সম্পদ  
শুন ভাই হঞা একমনে ।

আশ্রয় লইয়া ভজে                      তারে কৃষ্ণ নাহি ত্যজে,  
আর সব মরে অকারণে ॥

বৈষ্ণব চরণজল প্রেমভক্তি দিতে বল  
আর কেহ নহে বলবন্ত ।

বৈষ্ণব চরণরেণু মস্তকে ভূষণ বিহু  
আর নাহি ভূষণের অন্ত ॥

তীর্থজল-পবিত্র-গুণে লিখিয়াছে পুরাণে  
সে সব ভক্তির প্রবন্ধন ।

বৈষ্ণবের পাদোদক সম নহে এই সব  
যাতে হয় বাঞ্ছিত পূরণ ॥

বৈষ্ণব সঙ্গেতে মন আনন্দিত অনুক্ষণ  
সদা হয় কৃষ্ণ পরসঙ্গ ।

দীন নরোত্তম কান্দে হিয়া ধৈর্য্য নাহি বাক্কে  
মোর দশা কেন হৈল ভঙ্গ ॥

[ ১৮ ]

ঠাকুর বৈষ্ণবগণ ! করি এই নিবেদন  
মো বড় অধম ছুরাচার ।

দারুণ সংসার নিধি তাতে ডুবাইল বিধি  
কেশে ধরি মোরে কর পার ॥

বিধি বড় বলবান্ না শুনে ধরম জ্ঞান  
সদাই করমপাশে বাক্কে ।

না দেখি তারণ লেশ যত দেখি সব ক্লেশ  
অনাথ কাতরে তেঞি কান্দে ॥

কাম ক্রোধ লোভ মোহ মদ অভিমান সহ  
আপন আপন স্থানে টানে ।

আমার ঐছন মন ফিরে যেন অন্ধজন

স্বপথ বিপথ নাহি জানে ॥

না লইলু সত মত অসতে মজিল চিত

তুয়া পায়ে না করিনু আশ ।

নরোত্তম দাসে কয়, দেখি শুনি লাগে ভয়,

তরাইয়া লহ নিজ পাশ ॥

[ ১৯ ]

এইবার করুণা কর বৈষ্ণব-গোসাঞি ।

পতিত পাবন তোমা বিনে কেহ নাই ॥

কাহার নিকটে গেলে পাপ দূরে যায় ?

এমন দয়াল প্রভু কেবা কোথা পায় ?

গঙ্গার পরশ হইলে পশ্চাতে পাবন ।

দর্শনে পবিত্র কর—এই তোমার গুণ ॥

হরিস্থানে অপরাধে তারে হরি নাম ।

তোমা স্থানে অপরাধে নাহিক এড়ান ॥

তোমার হৃদয়ে সদা গোবিন্দ-বিশ্রাম ।

গোবিন্দ—কহেন মম বৈষ্ণব-পরাণ ॥

প্রতি জন্মে করি আশা চরণের ধূলি ।

নরোত্তমে কর দয়া আপনার বলি ॥

[ ২০ ]

কিরূপে পাইব সেবা মুই ছুরাচার ।

শ্রীগুরু—বৈষ্ণবে রতি না হৈল আমার ॥

অশেষ মায়াতে মন মগন হইল ।  
 বৈষ্ণবেতে লেশমাত্র রতি না জন্মিল ॥  
 গলে ফাঁস দিতে ফিরে মায়া সে পিচাশী ।  
 বিষয়ে তুলিয়া অন্ধ হৈলু দিবানিশি ॥  
 ইহারে করিয়া জয় ছাড়ান না যায় ।  
 সাধু কৃপা বিনা আর নাহিক উগায় ॥  
 অদোষ-দরশি প্রভু পতিত উদ্ধার ।  
 এইবার নরোত্তমে করই নিস্তার ॥

[ ২১ ]

হরি হরি ! কি মোর করম অভাগ ।

বিফলে জীবন গেল, হৃদয়ে রহিল শেল,  
 নাহি ভেল হরি-অনুরাগ ॥

যজ্ঞ দান তীর্থ প্ৰান, পুণ্যকর্ম জপ ধ্যান,  
 অকারণে সব গেল মোহে ।

বুঝিলাম-মনে হেন, উপহাস হয় যেন,  
 বস্ত্র হীন অলঙ্কার দেহে ॥

সাধুमुखে কথা মৃত, শুনিয়া বিমল চিত,  
 নাহি ভেল অপরাধ কারণ ।

সতত অসত সঙ্গ, সকলি হইল ভঙ্গ,  
 কি করিব আইলে শমন ॥

শ্রুতি স্মৃতি সদা হয়, শুনিয়াছি এই হয়,  
 হরিপদ অভয় শরণ ।

জনম লইয়া সুখে,                      কৃষ্ণ না বলিহু মুখে,  
না করিহু সে রূপ ভাবন ॥

রাধাকৃষ্ণ ছুঁই পায়,                      তনু মন রহু তায়,  
আর দূরে যাউক বাসনা ।

নরোত্তম দাসে কয়,                      আর মোর নাহি ভয়,  
তনু মন সঁপিহু আপনা ॥

[ ২২ ]

হরি ব'লব আর মদনমোহন হেরিব গো ।

এইরূপে ব্রজের পথে কবে চলিব গো ॥

যাব গো ব্রজেশ্বরপুর,                      হ'ব গোপিকার নূপুর  
তাদের চরণে মধুর মধুর বাজিব গো ।

বিপিনে বিনোদ খেলা,                      সঙ্গেতে রাখালের মেলা,  
তাঁদের চরণের ধূলা মাখিব গো ॥

রাধাকৃষ্ণে রূপমাধুরী,                      হেরিব ছুঁনয়ন ভরি,  
নিকুঞ্জের দ্বারে দ্বারী রহিব গো ।

তোমরা সব ব্রজবাসী,                      পুরাও মনের অভিলাষ-ই,  
কবে শ্রীকৃষ্ণের বাঁশী শুনিব গো ॥

এই দেহ অস্তিমকালে,                      রাখিব শ্রীযমুনার জলে,  
জয় রাধা শ্রীকৃষ্ণ ব'লে ভাসিব গো ।

কহে নরোত্তম দাস,                      না পুরিল অভিলাষ,  
কবে আর ব্রজবাস করিব গো ॥

[ ২৩ ]

হরি হরি ! আর কি এমন দশা হব ।

এ ভব সংসার ত্যজি,                      পরম আনন্দে মজি,  
আর কবে ব্রজভূমে যাব ॥

সুখময় বৃন্দাবন,                      কবে হবে দরশন,  
সে ধূলি লাগিবে কবে গায় ।  
প্রেমে গদগদ হৈঞা,                      রাধাকৃষ্ণ নাম লৈঞা,  
কান্দিয়া বেড়াইব উভরায় ॥

নিভৃত নিকুঞ্জে যাঞা,                      অষ্টাঙ্গে প্রণাম হৈঞা,  
ডাকিব হা রাধানাথ ! বলি ।  
কবে যমুনার তীরে,                      পরশ করিব নীরে,  
কবে পিব করপুটে তুলি ॥

আর কবে এমন হ'ব,                      শ্রীরাসমণ্ডলে যাব,  
কবে গড়াগড়ি দিব তায় ।  
বংশীবট ছায়া পাঞা,                      পরম আনন্দ হৈঞা,  
পড়িয়া রহিব তার ছায় ॥

কবে গোবর্দ্ধন গিরি,                      দেখিব নয়ন ভরি,  
কবে হবে রাধাকুণ্ডে বাস ।  
ভ্রমিতে ভ্রমিতে কবে,                      এ দেহ পতন হবে,  
কহে দীন নরোত্তম দাস ॥

[ ২৪ ]

হরি হরি ! আর কবে পালটিবে দশা ।

এ সব করিয়া বামে,                      যাব বৃন্দাবনধামে,  
এই মনে করিয়াছি আশা ॥

ধন জন পুত্র দ্বারে,                      এ সব করিয়া দূরে,  
একান্ত হইয়া কবে যাব ।

সব ছুঃখ পরিহরি,                      বৃন্দাবনে বাস করি,  
মাধুকরী করিয়া                      খাইব ॥

ষমুনার জল শেন                      অমৃত সমান হেন,  
কবে পিব উদর পূরিয়া ।

কবে রাধাকুণ্ড জলে,                      স্নান করি কুতূহলে,  
শ্যামকুণ্ডে রহিব পড়িয়া ॥

ভ্রমিব দ্বাদশ বনে,                      রসকেলি যে যে স্থানে  
প্রেমাবেশে গড়াগড়ি দিয়া ।

সুধাইব জনে জনে,                      ব্রজবাসিগণ স্থানে  
নিবেদিব চরণে ধরিয়া ॥

ভোজনের স্থান কবে,                      নয়নগোচর হবে,  
আর যত আছে উপবন ।

তার মধ্যে বৃন্দাবন,                      নরোত্তম দাসের মন,  
আশা করে যুগল চরণ ॥

[ ২৫ ]

করঙ্গ কোঁপীন লঞা,                      ছেঁড়া কাছা গায় দিয়া,  
তেয়াগিব সকল বিষয় ।

কৃষ্ণে অনুরাগ হবে, ব্রজের নিকুঞ্জে কবে,

যাইয়া করিব নিজালয় ॥

হরি হরি ! কবে মোর হইবে সুদিন ।

ফলমূল বৃন্দাবনে, খাঞা দিবা-অবসানে,

ভ্রমিব হইয়া উদাসীন ॥

শীতল যমুনা জলে, স্নান করি কুতূহলে,

প্রেমাবেশে আনন্দিত হঞা ।

বাহুর উপর বাহু তুলি, বৃন্দাবনে কুলি কুলি,

কৃষ্ণ বলি বেড়াব কান্দিয়া ।

দেখিব সঙ্কেতস্থান, জুড়াবে তাপিত প্রাণ,

প্রেমাবেশে গড়াগড়ি দিব ॥

কাঁহা রাধা ! প্রাণেশ্বরি ! কাঁহা গিরিবরধারি !

কাঁহা নাথ ! বলিয়া ডাকিব ॥

মাধবী কুঞ্জেরোপরি, সুখে বসি শুকশারী,

গাহিবেক রাধাকৃষ্ণরস ।

তরুশূলে বসি তাহা, শুনি জুড়াইবে হিয়া,

কবে সুখে গোষ্ঠাব দিবস ॥

শ্রীগোবিন্দ গোপীনাথ, শ্রীমতী রাধিকা সাথ,

দেখিব রতন সিংহাসনে ।

দীন নরোত্তমদাস, করয়ে ছল্লভ আশ,

এমতি হইবে কতদিনে ॥

[ ২৬ ]

হরি হরি! কবে হব বৃন্দাবনবাসী ॥  
 নিরখিব নয়নে যুগল রূপরাশি ॥  
 ত্যজিয়া শয়ন শূখ বিচিত্র পালঙ্ক! ॥  
 কবে ব্রজের ধূলায় ধূসর হবে অঙ্গ ॥  
 ষড়-রস-ভোজন দূরে পরিহরি ॥  
 কবে ব্রজে মাগিয়া খাইব মাধুকরী ॥  
 পরিক্রমা করিয়া বেড়াব বনে বনে ॥  
 বিশ্রাম করিব ঘাই যমুনা পুলিনে ॥  
 তাপ দূর করিব শীতল বংশীবটো ॥  
 (কবে) কুঞ্জে বৈঠব হাম বৈষ্ণব নিকটে ॥  
 নরোত্তমদাস কহে করি পরিহার ॥  
 কবে বা এমন দশা হইবে আমার ॥

[ ২৭ ]

আর কি এমন দশা হব । সব ছাড়ি বৃন্দাবনে যাব ॥  
 আর কবে শ্রীরাসমণ্ডলে । গড়াগড়ি দিব কুতূহলে ॥  
 আর কবে গোবর্দ্ধন গিরি । দেখিব নয়নযুগ ভরি ॥  
 শ্যামকুণ্ডে রাধাকুণ্ডে স্নান । করি কবে জুড়াব পরাণ ॥  
 আর কবে যমুনার জলে । মজ্জনে হইব নিরমলে ॥  
 সাধুসঙ্গে বৃন্দাবনে বাস । নরোত্তমদাস করে আশ ॥

[ ২৮ ]

রাধাকৃষ্ণ সেবোঁ মুগ্ধি জীবনে-মরণে ।  
 তাঁর স্থানে তাঁর লীলা দেখো রাত্রিদিনে ॥

যে স্থানে যে লীলা করে যুগল কিশোর ।  
 সখীর সঙ্গিনী হঞা তাহে হঙ ভোর ॥  
 শ্রীরূপ মঞ্জরীপদ সেবোঁ নিরবধি ।  
 তাঁর পাদ পদ্ম মোর মন্ত্র মর্হোঁষধি ॥  
 শ্রীরতি মঞ্জরী দেবি ! মোরে কর দয়া ।  
 অনুক্ষণ দেহ তুয়া পাদপদ্ম ছায়া ॥  
 শ্রীরস মঞ্জরী দেবি ! কর অবধান ।  
 অনুক্ষণ দেহ তুয়া পাদপদ্ম - ধ্যান ॥  
 বৃন্দাবনে নিত্য নিত্য যুগল বিলাস ।  
 প্রার্থনা করয়ে সদা নরোত্তম দাস ॥

[ ২৯ ]

রাধাকৃষ্ণ প্রাণ মোর যুগল কিশোর ।  
 জীবনে মরণে গতি আর নাহি মোর ॥  
 কালিন্দীর কূলে কেলি কদম্বের বন ।  
 রতন বেদীর উপর বসাব হুজন ॥  
 শ্যামগৌরী অঙ্গে দিব (চুষা) চন্দনের গন্ধ ।  
 চামর চূলাব কবে হেরিব মুখচন্দ্র ॥  
 গাঁথিয়া মালতীর মালা দিব দৌহার গলে ।  
 অধরে তুলিয়া দিব কর্পূর তাম্বুলে ॥  
 ললিতা-বিশাখা আদি যত সখীবৃন্দ ।  
 আঞ্জায় করিব সেবা চরণারবিন্দ ॥  
 শ্রীকৃষ্ণচৈতন্য প্রভুর দাসের অনুদাস ।  
 সেবা অভিলাষ করে নরোত্তম দাস ॥

[ ৩০ ]

হরি হরি ! কবে মোর হইবে সুদিন ।

কেলি-কৌতুকরঙ্গে করিব সেবন ॥

ললিতা বিশাখা সনে, যতেক সখীর গণে,  
মণ্ডলী করিব দৌহা মেলে ।

রাই কান্নু করে ধরি, নৃত্য করে ফিরি ফিরি,  
নিরখি গোঙাব কুতুহলী ॥

অলস বিশ্রাম-ঘরে গোবর্দ্ধন গিরিবরে,  
রাই কান্নু করিবে শয়নে ।

নরোত্তম দাসে কয়, এই যেন মোর হয়,  
অনুক্ষণ চরণ সেবনে ॥

[ ৩১ ]

গোবর্দ্ধন গিরিবর, কেবল নির্জ্জন স্থলে,  
রাই কান্নু করিবে শয়নে ।

ললিতা-বিশাখা-সঙ্গে, সেবন করিব রঙ্গে,  
সুখময় রাতুল চরণে ॥

কনক সম্পূট করি, কর্পূর তাম্বুল ভরি,  
যোগাইব বদন কমলে ।

মণিময় কিঙ্কিনী, রতন-নৃপুর আনি,  
পরাইব চরণ যুগলে ॥

কনক-কটোরা পুরি, কর্পূর চন্দন ভরি,  
কবে দিব ছ'জনার গায় ।

মল্লিকা মালতী যুথী, নানা ফুলে মালা গাঁথি  
কবে দিব দৌহার গলায় ॥

সুবর্ণের ঝারি করি,                      রাধাকুণ্ডে জল পুরি,  
দৌহাকার অঙ্গেতে রাখিব ।

গুরুরূপা সখী বামে,                      ত্রিভঙ্গ-ভঙ্গিম-ঠামে,  
চামরের বাতাস                      করিব ॥

দৌহার কমল-আঁখি,                      পুলক হইয়া দেখি,  
ছুঁছপদ                      পরশিব করে ।

চৈতন্যদাসের দাস,                      মনে মাত্র অভিলাষ,  
নরোত্তম দাসে সদা স্মুরে ॥

[ ৩২ ]

হরি হরি ! আর কি এমন দশা হব ।

কবে বৃষভানুপুরে,                      আহীরী গোপের ঘরে,  
তনয়া                      হইয়া                      জনমিব ॥

যাবটে আমার কবে,                      এ-পাণি-গ্রহণ হবে,  
বসতি করিব কবে তায় ।

সখীর পরম শ্রেষ্ঠ,                      যে তাহার হয় শ্রেষ্ঠ,  
সেবন করিব তার পায় ॥

তঁহ কৃপাবান্ হৈঞা,                      রাতুল চরণে লঞা,  
আমারে করিবে সমর্পণ ।

সফল হইবে দশা,                      পুরিবে মনের আশা  
সেবি ছুঁহার যুগল-চরণ ॥

বৃন্দাবনে ছুঁইজন,                      চতুর্দিকে সখীগণ,  
সেবন করিব অবশেষে ।

সখীগণ চারিভিতে,                      নানা যন্ত্র লৈঞা হাতে,  
দেখিব মনের অভিলাষে ॥

ছ'ছ চাঁদমুখ দেখি, জুড়াবে তাপিত আঁখি,  
নয়নে বহিবে অশ্রুধার ।

বৃন্দার নির্দেশ পাব, দৌহার নিকটে যাব  
হেন দিন হইবে আমার ॥

শ্রীরূপ মঞ্জরী সখী, মোরে অনাখিনী দেখি,  
রাখিবে রাতুল দুটি পায় ।

নরোত্তমদাস ভনে, প্রিয়নন্দ সখীগণে,  
কবে দাসী করিবে আমায় ॥

[ ৩৩ ]

হরি হরি ! আর কি এমন দশা হ'ব ।

ছাড়িয়া পুরুষদেহ ফবে বা প্রকৃতি হ'ব  
ছ'ছ অঙ্গে চন্দন পরাব ॥

টানিয়া বাঁধিব চূড়া নবগুঞ্জাহারে বেড়া  
মানা ফুলে গাঁথি দিব হার ।

পীতবসন অঙ্গে পরাইব সখীসঙ্গে  
বদনে তাম্বুল দিব আর ॥

ছ'ছ রূপ মনোহারী হেরিব নয়ন ভরি,  
নীলাশ্বরে রাই সাজাইয়া ।

নবরত্ন জরি আনি বাঁধিব বিচিত্র বেণী  
তাহে ফুল মালতী গাঁথিয়া ॥

সে না রূপমাধুরী দেখিব নয়ন ভরি  
এই করি মনে অভিলাষ ।

জয় রূপ সনাতন                      দেহ মোরে এই ধন

নিবেদয়ে নরোত্তম দাস ॥

[ ৩৪ ]

প্রাণেশ্বরী ! এইবার করুণা কর মোরে ।

দশনেতে তৃণ ধরি                      অঞ্জলি মস্তকে করি

এইজন নিবেদন করে ॥

প্রিয়-সহচরী-সঙ্গে                      সেবন করিব রঙ্গে

অঙ্গে বেশ করিবেক সাধে ।

রাখ এই সেবা কাজে                      নিজ পদপঙ্কজে

প্রিয়-সহচরীগণ-মাঝে ॥

সুগন্ধি চন্দন                      মণিময় আভরণ

কৌষিক-বসন নানা-রঙ্গে ।

এই সব সেবা ঘাঁর                      দাসী যেন হউ তাঁর

অনুক্ৰণ থাকি তাঁর সঙ্গে ॥

জল সুবাসিত করি                      রতন ভূঙ্গারে ভরি

কর্পূর বাসিত গুয়া-পান ।

এ সব সাজাইয়া ডালা                      লবঙ্গ মালতী মালা

ভক্ষ্যদ্রব্য নানা অনুপম ॥

সখীর ইঙ্গিত হবে                      এ সব আনিয়া কবে

যোগাইব ললিতার কাছে ।

নরোত্তম দাস কয়                      এই যেন মোর হয়

দাঁড়াইয়া রছ সখীর পাছে ॥

[ ৩৫ ]

অরুণ-কমল-দলে, শেজ বিছাইব, বসাইব কিশোর কিশোরী ।  
অলকা-আবৃত-মুখ, পঙ্কজ মনোহর, মরকতশ্যাম হেমগৌরী ॥

প্রাণেশ্বরি ! কবে মোরে হবে কৃপাদিষ্টি ।

আজ্ঞায় আনিয়া কবে বিবিধ ফুলবর

শুনব বচন ছুঁছ মিষ্টি ॥

অগমদ তিলক, সিন্দূর বনায়ব, লেপন চন্দন-গন্ধে ।  
গাঁথি মালতী ফুল, হার পরাণ্ডব, ধাওয়াব মধুকরবৃন্দে ॥  
ললিতা কবে মোরে, বীজন দেওয়ব, বীজব মারুত মন্দে ।  
শ্রমজল সকল, মিটব ছুঁছ কলেবর, হেরব পরম আনন্দে ॥  
নরোত্তম দাস, আশ পদপঙ্কজ, সেবন মাধুরী পানে ।  
হোওব হেন দিন, না দেখিয়ে কোন চিহ্ন, ছুঁছজন হেরব নয়ানে ॥

[ ৩৬ ]

কুসুমিত বৃন্দাবনে, নাচত শিখিগণে,  
পিককুল ভ্রমর বঙ্কারে ।

প্রিয়-সহচরি-সঙ্গে গাইয়া যাইবে রঙ্গে  
মনোহর নিকুঞ্জ কুটীরে ॥

হরি হরি ! মনোরথ ফলিবে আমারে ।

ছুঁছক মধুর গতি কোতুকে হেরব অতি  
অঙ্গ ভরি পুলক অন্তরে ॥

চৌদিকে সখীর মাঝে রাধিকার ইঙ্গিতে  
চিরুণী লইয়া করে করি ।



কনকসম্পৃট করি                      কর্পূর তাম্বুল পুরি  
 যোগাইব ছুঁ ছুক অধরে ॥

প্রিয় সখীগণ সঙ্গে                      সেবন করিব রঞ্জে  
 চরণ সেবিব নিজকরে ।

ছুঁ ছুক কমল দিষ্টি                      কোঁতুকে হেরব  
 ছুঁ ছুঁ অঙ্গ পুলক অন্তরে ॥

অল্লিকা মালতী যুথী                      নানা ফুলে মালা গাঁথি  
 কবে দিব দৌহার গলায় ।

সোনার কটোরা করি                      কর্পূর চন্দন ভয়ি  
 কবে দিব দৌহাকার গায় ॥

আর কবে এমন হব                      ছুঁ ছুমুখ নিরখিব  
 লীলারস নিকুঞ্জ শয়নে ।

শ্রীকুন্দলতার সঙ্গে                      কেলি কোঁতুক রঞ্জে  
 নরোত্তম করিবে শ্রবণে ॥

[ ৩৮ ]

হরি হরি ! কবে নাকি হেন দশা হবে ।

ললিতা বিশাখা সঙ্গে                      সেবন করিব রঞ্জে  
 আপনা বলিয়া আজ্ঞা দিবে ॥

বৃষভানু কিশোরী                      তার প্রিয় সহচরী  
 সেহি যুখে হইবে গমন ।

নিকুঞ্জ কুটার বনে                      ঘিলাইব ছুঁই জনে  
 প্রেবানন্দে করিব সেবন ॥



আনন্দিত হ'ব সদা শুদ্ধভাবে প্রেমকথা

ছ'হার পিরীতি রসসুখে ॥

মল্লিকা মালতী যুথী নানা ফুলে মালা গাঁথি

পরাইব ছ'হার গলায়ে ।

রসের আলস কালে বসিয়া চরণ তলে

সেবন করিব ছ'হার পায়ে ॥

রাধাকৃষ্ণ প্রাণপতি জীবনে মরণে গতি

ইহা বিনে আর নাহি মনে ।

শ্রীকৃষ্ণচৈতন্য প্রাণ স্বরূপ-রূপ-সনাতন

নরোত্তম এহি নিবেদনে ॥

[ ৪০ ]

প্রভু হে! এইবার করহ করুণা ।

যুগল চরণ দেখি সফল করিব আঁখি

এই মোর মনের কামনা ॥

নিজপদ-সেবা দিবা নাহি মোর উপেখিবা

ছ'ছ পঁছ করুণা সাগর ।

ছ'ছ বিহু নাহি জানো এই বড় ভাগ্য মানো

মুই বড় পতিত পামর ॥

ললিতা আদেশ পাঞা চরণ সেবিব যাঞা

প্রিয়-সখী-সঙ্গে হয় মনে ।

ছ'ছ দাতা-শিরোমণি অতি দীন মোরে জানি

নিকটে চরণ দিবে দানে ॥



সেই মোর প্রাণধন                      সেই মোর আভরণ  
 সেই মোর জীবনের জীবন ॥  
 সেই মোর রসনিধি                      সেই মোর বাঞ্ছা সিদ্ধি  
 সেই মোর বেদের ধরম ।  
 সেই ব্রত সেই তপ                      সেই মোর মন্ত্র জপ  
 সেই মোর ধরম করম ॥  
 অনুকূল হবে বিধি                      সে-পদে হইবে সিদ্ধি  
 নিরখিব এ ছুই নয়ানে ।  
 সে রূপমাধুরী রাশি                      প্রাণকুবলয়শশী  
 প্রফুল্লিত হবে নিশিদিনে ॥  
 তুয়া অদর্শন-অহি                      গরলে জারল দেহি  
 চিরদিন তাপিত জীবন ।  
 হা হা প্রভু ! কর দয়া                      দেহ মোরে পদ ছায়া  
 নরোত্তম লইল শরণ ॥

[ ৪৩ ]

শুনিয়াছি সাধু মুখে বলে সর্বজন ।  
 শ্রীরূপকুপায় মিলে যুগল চরণ ॥  
 হা হা প্রভু সনাতন গৌর পরিবার !  
 সবে মিলি বাঞ্ছা পূর্ণ করহ আমার ॥  
 শ্রীরূপের কুপা যেন আমা প্রতি হয় ।  
 সে-পদ আশ্রয় যার সেই মহাশয় ॥

প্রভু লোকনাথ কবে সঙ্গে লঞা যাবে ।  
 শ্রীরূপের পাদপদ্মে মোরে সমর্পিবে ॥  
 হেন কি হইবে মোর নর্ম্মসখীগণে ।  
 অনুগত নরোত্তম করিবে শাসনে ॥

[ ৪৪ ]

“এই নব দাসী” বলি শ্রীরূপ চাহিবে ।  
 হেন শুভক্ষণ মোর কত দিনে হবে ॥  
 শীঘ্র আজ্ঞা করিবেন— দাসি হেথা আয় ।  
 সেবার সুসজ্জা কার্য্য করহ ত্বরায় ॥  
 আনন্দিত হঞা হিয়া তাঁর আজ্ঞা বলে ।  
 পবিত্র মনে কার্য্য করিব তৎকালে ॥  
 সেবার সামগ্রী রত্নথالاতে করিয়া ।  
 সুবাসিত বারি স্নর্গ ঝারিতে পূরিয়া ॥  
 দৌহার সম্মুখে ল'য়ে দিব শীঘ্রগতি ।  
 নরোত্তমের দশা কবে হইবে এমতি ॥

[ ৪৫ ]

শ্রীরূপ পশ্চাতে আমি রহিব ভীত হঞা ।  
 দৌহে পুনঃ কহিবেন আমা পানে চাঞা ॥  
 সদয় হৃদয়ে দৌহে কহিবেন হাসি ।  
 কোথায় পাইলে রূপ ! এই নব দাসী ॥  
 শ্রীরূপমঞ্জরী তবে দৌহা বাক্য শুনি ।  
 মঞ্জুলালী দিল মোরে এই দাসী আনি ॥  
 অতি নম্র চিত্ত আমি ইহায়ে জানিল ।  
 সেবাকার্য্য দিয়া তবে হেথায় রাখিল ॥

হেন তব্ব দৌহাকার সাক্ষাতে কহিয়া ।  
নরোত্তমে সেবায় দিবে নিযুক্ত করিয়া ॥

[ ৪৬ ]

হা হা প্রভু লোকনাথ ! রাখ পাদদব্ধে ।  
কৃপাদৃষ্টে চাহ যদি হইয়া আনন্দে ॥

মনোবাঞ্ছা সিদ্ধি তবে—হউ পূর্ণ তৃষ্ণা ।  
হেথায় চৈতন্য মিলে সেথা রাখাকৃষ্ণ ॥

তুমি না করিলে দয়া কে করিবে আর ।  
মনের বাসনা পূর্ণ কর এইবার ॥

এ তিন সংসারে মোর আর কেহ নাই ।  
কৃপা করি নিজপদতলে দেহ ঠাঞি ॥

রাধাকৃষ্ণলীলাগুণ গাও রাত্রিদিনে ।  
নরোত্তম বাঞ্ছা পূর্ণ নহে তুয়া বিনে ॥

[ ৪৭ ]

লোকনাথ প্রভু ! তুমি দয়া কর মোরে ।  
রাধাকৃষ্ণ চরণে যেন সদা চিত্ত স্কুরে ॥

তোমার সহিতে থাকি সখীর সহিতে ।  
এই ত বাসনা মোর সদা উঠে চিতে ॥

সখীগণ জ্যৈষ্ঠ য়েঁহো তাঁহার চরণে !  
মোরে সমর্পিষে কবে সেবার কারণে ॥

তবে সে হইবে মোর বাঞ্ছিত পূরণ ।  
আনন্দে সেবিব দৌহার যুগল চরণ ॥

শ্রীরূপমঞ্জরি সখি ! কৃপাদৃষ্টে চাঞ্ছা ।  
তাপী-নরোত্তমে সিঞ্চ সেবামৃত দিঞা ॥

[ ৪৮ ]

হা হা প্রভু ! কর দয়া করুণা তোমার ।  
 মিছা মায়াজালে তনু দহিছে আমার ।  
 কবে হেন দশা হবে—সখীসঙ্গ পাব ।  
 বৃন্দাবনের ফুল গাঁথি দৌহাকে পরাব ।  
 সম্মুখে বসিয়া কবে চামর ঢুলাব ।  
 অগুরু চন্দন গন্ধ দৌহ-অঙ্গে দিব ॥

সখীর আজ্ঞায় কবে তাম্বুল যোগাব ।  
 সিন্দুর তিলক কবে দৌহাকে পরাব ।  
 বিলাস কোঁতুক কেলি দেখিব নয়নে ।  
 চন্দ্রমুখ নিরখিব বসায় সিংহাসনে ।  
 সদা সে মাধুরী দেখি মনের লালসে ।  
 কতদিনে হবে দয়া নরোত্তম দাসে ॥

[ ৪৯ ]

হরি হরি ! কবে হেন দশা হবে মোর ।  
 সেবিব দৌহার পদ আনন্দে বিভোর ।  
 অমর হইয়া সদা রহিব চরণে ।  
 শ্রীচরণামৃত সদা করিব আশ্বাদনে ।  
 এই আশা করি আমি যত সখীগণ ।  
 তোমাদের কৃপায় হয় বাঞ্ছিত পূরণ ।  
 বলুদিন বাঞ্ছা করি-পূর্ণ যাতে হয় ।  
 সবে মেলি দয়া কর হইয়া সদয় ।  
 সেবা-আশে নরোত্তম কান্দে দিবানিশি ।  
 কৃপা করি কর মোরে অনুগত-দাসি ॥

[ ৫০ ]

জয় জয় শ্রীকৃষ্ণচৈতন্য নিত্যানন্দা  
 জয়াদ্বৈতচন্দ্র জয় গৌরভক্তবৃন্দ ॥  
 কৃপা করি সবে মেলি করহ করুণা ।  
 অধম-পতিতজনে না করিহ ঘৃণা ॥  
 এ-তিন-সংসার মাঝে তুয়া-পদ সার ।  
 ভাবিয়া দেখিনু মনে গতি নাহি আর ॥  
 সে পদ পাবার আশে খেদ উঠে মনে ।  
 ব্যাকুল হৃদয় সদা করিয়ে ক্রন্দনে ॥  
 কিরূপে পাইব কিছু না পাই সন্ধান ।  
 প্রভু-লোকনাথ-পদ নাহিক স্মরণ ॥  
 তুমি ত দয়াল প্রভু ! চাহ একবার ।  
 নরোত্তম হৃদয়ের ঘুচাও অন্ধকার ॥

[ ৫১ ]

কবে কৃষ্ণ ধন পাব হিয়ার মাঝারে খোব  
 জুড়াইব এ পাপ পরাণ ।  
 সাজাইয়া দিব হিয়া বসাইব প্রাণপ্রিয়া  
 নিরখিব সে চন্দ্রবয়ান ॥  
 হে সজনি ! কবে মোর হইবে স্মৃদিন ॥  
 সে প্রাণনাথের সঙ্গে কবে বা ফিরিব রঙ্গে  
 সুখময় যমুনা পুলিন ॥  
 ললিতা বিশাখা নিয়া তাঁহারে ভেটিব গিয়া  
 সাজাইয়া নানা উপহার ।



বিষয়—বিষম বিষ সতত খাইনু ।  
 গৌর কীর্ত্তন রসে মগন না হৈনু ॥  
 এমন গৌরাজের গুণে না কাঁদিল মন ।  
 মনুষ্য ছল্লভ জন্ম গেল অকারণ ॥  
 কেন বা আছয়ে প্রাণ কি সুখ পাইয়া ।  
 নরোত্তম দাস কেন না গেল মরিয়া ॥

[ ৫৪ ]

বৃন্দাবন রম্য স্থান                      দিব্য চিন্তামণি ধাম  
 রতন মন্দির      মনোহর ।  
 আবৃত কালিন্দী নীরে              রাজহংস কেলি করে  
 তাহে শোভে কনক-কমল ॥  
 তার মধ্যে হেম পীঠ                      অষ্টদলেতে বেষ্টিত  
 অষ্টদলে প্রধানা      নায়িকা ।  
 তার মধ্যে রক্তাসনে                      বসিয়াছেন দুইজনে  
 শ্যাম-সঙ্গে সুন্দরী রাধিকা ॥  
 ও-রূপ-লাবণ্যরাশি                      অমিয় পড়িছে খসি  
 হাশ্ব-পরিহাস      সম্ভাষণে ।  
 নরোত্তম দাস কয়                      নিত্যলীলা সুখময়  
 সদাই স্ফুরুক মোর মনে ॥

[ ৫৫ ]

কদম্ব তরুর ডাল                      নামিয়াছে ভূমে ভাল  
 ফুটিয়াছে ফুল সারি সারি ।

পরিমলে ভরল সকল বৃন্দাবন  
 কেলি করে ভ্রমরা-ভ্রমরী ॥  
 রাই কান্নু বিলসই রঞ্জে ।  
 কিবা রূপ লাভনী বৈদগধ-খনি ধনি  
 মণিময় আভরণ অঞ্জে ॥  
 রাধার দক্ষিণ কর ধরি প্রিয় গিরিধর  
 মধুর মধুর চলি যায় ।  
 আগে পাছে সখীগণ করে ফুল বরিষণ  
 কোন সখী চামর ঢুলায় ॥  
 পরাগে ধূসর স্থল চন্দ্র করে সুশীতল  
 মণিময় বেদীর উপরে ।  
 রাইকান্নু করযোড়ি নৃত্য করে ফিরি ফিরি  
 পরশে পুলকে তনু ভরে ॥  
 মৃগমদ চন্দন করে করি সখীগণ  
 বরিষয়ে ফুল গন্ধরাজে ।  
 শ্রমজল বিন্দু বিন্দু শোভা করে মুখ ইন্দু  
 অধরে মুরলী নাহি বাজে ॥  
 হাস-বিলাস রস সরল মধুর ভাষ  
 নরোত্তম-মনোরথ ভরু ।  
 ছুঁছক বিচিত্র বেশ কুসুমেরচিত্ত কেশ  
 লোচন মোহন লীলা করু ॥



